

ზოგჯერ თქმა სჯობს წმინტყმას...



უნივერსიტეტი

12
დეკემბერი,
სუთაბათი,
2013 წ., №17



დოქტორანტმა მაია სვანაძემ ყველაზე მაღალი შეფასება - 100 ქულა დაიმსახურა
რუსთაველის ეროვნული სამეცნიერო ფონდის მიერ დაფინანსებული 135 დოქტორანტიდან 60 (44%) თსუ-ის დოქტორანტია

გვ. 5



სტუდენტური თვითმმართველობის ახალი კონცეფცია
ახალი ხედვა: სტუდენტურ თვითმმართველობებს ქვეყნის მმართველ პარტიასთან კავშირი არ უნდა ჰქონდეთ და ისინი არც საკუთარ ბიუჯეტს უნდა განაგებდნენ

გვ. 6

გაზეთ „თბილისის უნივერსიტეტის“ ჩანართი

შალვა ნუსუბიძე



თსუ შალვა ნუსუბიძის დაბადებიდან 125 წლისთავს აღნიშნავს



12 -13 დეკემბერს ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის ფილოსოფიის სასწავლო-სამეცნიერო ინსტიტუტის ორგანიზებით უნივერსიტეტის ერთერთი დაფუძნებლის, გამოჩენილი ფილოსოფოსისა და საზოგადო მოღვაწის, აკადემიკოს შალვა ნუსუბიძის დაბადებიდან 125 წლისთავისადმი მიძღვნილი ღონისძიებები გაიმართება.

12 დეკემბერს, 11 საათზე, კონფერენციის მონაწილენი თბილისის სახელმწიფო უნივერსიტეტის პათეოლოგიის გვირგვინით შამპოვნე შალვა ნუსუბიძის ქაბლს, რის შემდეგაც დაასრულებინ პარაკლისს. ასევე დაგეგმილია შალვა ნუსუბიძის იუბილესადმი მიძღვნილი გამოფენის გახსნა თსუ-ის მუზეუმში. გამოფენაზე გამოტანილი იქნება მისი პირადი არქივი და სამეცნიერო და საზოგადო მოღვაწეობის ამსახველი დოკუმენტები. ამავდროულად გაიხსნება საერთაშორისო სამეცნიერო კონფერენცია, რომელშიც, ქართულ მეცნიერებათა ერთად, მონაწილეობენ მეცნიერები რუსეთიდან, ფინეთიდან, გერმანიიდან, რუმინეთიდან. კონფერენციის ფარგლებში პროფესორი ვასილ ლურია (სანატ-კატარგურში) წარმოადგენს შალვა ნუსუბიძის იუბილესადმი მიძღვნილი ნიშნის ელექტრონულ ვერსიას.

გვ. 7-10 გვერდზე

წომარები

- ქართველი და აფხაზი მკვლევრები აფხაზური ეთნო-კულტურული სივრცის აღწერას იწყებენ 2
- განათლების სისტემაში განხორციელებული 10 წლიანი ცვლილებების ანალიზი 3
- კანონი სახელმწიფო ენის შესახებ — რას გვთავაზობენ ავტორები? 13
- ირაკლი ბურდულმა „სააქციო სამართლის საფუძვლების“ II ტომი გამოსცა 14
- XIX საუკუნის ლიტერატურის ღირსება 14

რა არის დადებითი და რა — უარყოფითი ფაკულტეტების დაყოფის ამა თუ იმ მოდელში?

დისკუსია

უნივერსიტეტი გარკვეული ცვლილებების მოლოდინშია, თუმცა, განსხვავებით წინა პერიოდისაგან, ამ ეტაპზე ყველა ცვლილება კონსტრუქციული დიალოგის და საზოგადოებრივი აზრის გათვალისწინებით შედგება. გაზეთი „თბილისის უნივერსიტეტი“ უკვე მასამ ნომერი ადგილს უთმობს მოსახლეობის ფაკულტეტების დაყოფის მიზანშეწონილობის შესახებ. ამჟამად ჰუმანიტარულ მეცნიერებათა ფაკულტეტის პროფესორ-მასწავლებლების მოსაზრებები გამოგვამცხვამს სამსჯავროში.



გვ. 3 გვერდზე



ვლადიმერ კავავა, თსუ-ის რექტორი, აკადემიკოსი:

ფაკულტეტების დაყოფას აკადემიური კონკურსები არ მოჰყვება

კომენტარი

— რამდენად შესაძლებელია, რომ ფაკულტეტების დაყოფას თსუ-ში ახალი აკადემიური კონკურსები მოჰყვეს, რასაც ზოგიერთი პროფესორი შიშობს?
— ნებისმიერი რეორგანიზაცია, თუკი ის ფაკულტეტებთან მიმართებაში განხორციელდება, არანაირად არ შეეხება აკადემიურ თანამდებობებზე დაკავებულ ხალხს, რადგან მათი უფლებები გარანტირებულია კანონით და სათანადო კონტრაქტით. ამდენად, ვიდრე საკონტრაქტო ვადა არ ამოწურებათ, ისინი დარჩებიან აკადემიურ თანამდებობებზე ფაკულტეტებზე განხორციელებული რეორგანიზაციის შემთხვევაშიც. თუ შეიქმნება ახალი ფაკულტეტები, შესაბამისად გაჩნდება ვაკანსიები დეკანისა და დეკანის მოადგილეებისა, რომელთა ადგილებზე კონკურსებს გამოვაცხადებთ.
რაც შეეხება ფაკულტეტების დაყოფასთან დაკავშირებულ ფინანსურ საკითხს, ჩვენ სწორედ იმიტომ არ ვჩქარობთ, რომ ჯერ კარგად გავეცნოთ საუნივერსიტეტო საზოგადოების ხედვას — თუ რას ფიქრობენ კოლეგები ფაკულტეტების დაყოფის თემაზე.

გზავნილი ადმინისტრაციას

რეკტორთან შეხვედრის შემთხვევაში რა საკითხს წამოსწავთ?



დავანა მალიძიშვილი, ფილოლოგიის მეცნიერებათა დოქტორი, თსუ-ის ქართული ენის სასწავლო-სამეცნიერო ინსტიტუტის პროფესორი:

— უნივერსიტეტთან არსებულ ე.წ. „ენების ცენტრში“ უცხო ენებისათვის ათეულ-ობით შტატია დაშვებული, ქართული ენის სწავლებისათვის კი (თითქოს იმ მიზეზით, რომ „მოთხოვნილება არ არის“) რამდენიმე წლის წინ დათმობილი იყო მხოლოდ 5 სა-შტატო ერთეული, დღეს კი მხოლოდ 1 საშტატო ერთეულია, და ეს მაშინ, როდესაც ქართული ენა სახელმწიფო ენაა და სინამდვილეში (ამ ბოლო დროს მაინც) დიდი მოთხოვნილებაა საქართველოში მცხოვრები ეთნიკური უმცირესობის მხრიდან. ამას ადასტურებს სამხრეთ საქართველოდან მოზღვავებული სომეხი და აზერბაიჯანელი ახალგაზრდობა, რომელიც ჩვენს უნივერსიტეტში ეუფლება ქართულ ენას, მაგრამ არა ე.წ. „ენების ცენტრში“, არამედ ქართული ენის ინსტიტუტში, მისი პროფესორის გადატვირთვისა და მოწვეული მასწავლებლების ხარჯზე. ეს კიდევ უფრო ეჭვქვეშ აყენებს სწავლების ხარისხსა და ფინანსების არაეკონომიურობას (აღარაფერს ვამბობთ მასწავლებელთა არსებული კონტინგენტის დისკვალიფიკაციის საშემო-ბაზე). ამიტომ, ვფიქრობ, რომ საჭიროა „ენების ცენტრში“ გამოიყოს ქართული ენის მასწავლებლის არანაკლებ 20 საშტატო ერთეული.

მარი ნიკოლაიშვილი, თსუ-ის ჰუმანიტარულ მეცნიერებათა ფაკულტეტის პროფესორი:

— ჩემი სურვილია და რეკტორთანაც ამაზე ვისაუბრებდი, რომ უნივერსიტეტში გამოიყოს სივრცე, სადაც სტუდენტებს საშუალება ექნებათ უფრო ახლოს გაეცნონ სახელოვანი წინაპრების ცხოვრებას. მართალია, დღევანდელი ახალგაზრდობა მოტი-ვირებულია, რომ კარგი განათლება მიიღოს, მაგრამ მათ აკლიათ უფროსი თაობის მი-მართ მოწინებისა და პატივისცემის გრძობა. ამ სივრცეში უნდა ხდებოდეს იმ ადამი-ანთა საქმიანობის „გაცოცხლება“, ვინც ვალი მოიხადა ჩვენი ქვეყნისა და უნივერ-სიტეტის წინაშე. ეს სხვადასხვა ფორმით შეიძლება მოხდეს. მაგალითად, რომელიმე მეცნიერისადმი მიძღვნილ ღონისძიებაზე უფრო მეტი თვალსაჩინოება გამოიფინოს და სხვა.

ასეთი პიროვნებები დღესაც გვყავს, ამიტომ სტუდენტებს უფრო მეტი შესაძ-ლებლობა უნდა ჰქონდეთ შეხვედნენ მათ და ესაუბრონ. მაგალითად, ერთერთი ასე-თი პიროვნება პროფესორი თედო უთურგაძე, რომელიც არც აკადემიის წევრია, არც რაიმე ჩინი აქვს, მაგრამ უდიდესი დამსახურება მიუძღვის ქართული ენათმეც-ნიერების განვითარებაში. საინტერესო იქნება სტუდენტებმა უშუალოდ მოისმინონ მხეკალა შანიძისგან, მარიამ ლორთქიფანიძისგან და სხვა პროფესორებისგან პირადი ცხოვრების შესახებ ისტორიები, რადგან მათი მიზაძვის სურვილი გაუჩნდეთ. მათი ახლოს გაცნობა სტუდენტებისთვის ძალიან კარგი იქნებოდა.

ზაზა სხირტლაძე, თსუ-ის ჰუმანიტარულ მეცნიერებათა ფაკულტეტის ხელოვნებამცოდნეობის მიმარ-თულების პროფესორი:

— ხშირია შემთხვევები, როდესაც ადამიანი სრული შტატით ორ ან სამ ადგილზე მუშაობს, მათ შორის, ზოგჯერ — ერთსა და იმავე დანაშაულებებში. ბუნების კანონის თანახმად, ასეთი თანხედრა შეუძლებელია. აქედან გამომდინარე, აშკარაა ხშირად მნიშვნელოვანი შეუსაბამობაც და ხარვეზებიც, რაც თავს იჩენს როგორც სასწავლო-სამეცნიერო, ისე ადმინისტრაციული ასპექტებით. ეს საკითხიც საკანონმდებლო გზით არის დასარეგულირებელი. რა თქმა უნდა, არ ვგულისხმობ იმას, რომ ხელა-ღებთ უარყოფით ორი, ან სამი სამსახურის შეთავსება, მაგრამ ნათლად და მკაფიოდ უნდა განისაზღვროს ძირითადი და შეთავსებითი სამუშაოს პირობები (მათ შორის — სამუშაო დრო და საათები) და ანაზღაურებაც შესაბამისი უნდა იყოს. ეს, თავის მხრივ, განაპირობებს ვაკანსიათა ოპტიმიზაციას, აუცილებლად გამოთავისუფლდება თანხა და იგი შესაძლებელია სხვადასხვა მიმართულებით ბევრად უფრო მიზანმიმართულად გამოიყენოთ.

ქართული და აფხაზი მკვლევრები აფხაზური ეთნო-კულტურული სივრცის აღწერას იწყებენ



შურაბ შენგელია

„საინიციატივო ჯგუფის 22 ნომბრის შეხვედრაზე გადაწყვიტეთ, რომ თავიდან თემატურ კრებულებსა და დარგობრივ ლექ-სიკონებზე დაიწყებთ მუშაობას. არის თემე-ბი, რომლებიც უკვე შესწავლილი გვაქვს და აფხაზურ მხარესთან არანაირ წინააღმდე-გობაში არ მოდის, საჩოთირო თემების შეს-წავლას კი სრულიად თავიდან დაიწყებთ. შევთანხმდით, რომ ამ ეტაპზე აღნიშნული მე-თოდით ვიმუშავებთ და შემდეგ, ეს ნაშრომე-ბი დიდი აფხაზური ენციკლოპედიის ფარგ-ლებში გაერთიანდება“, — განაცხადა თსუ-ის ქართულ-აფხაზური სამეცნიერო ცენტრის ხელმძღვანელმა შურაბ შენგელიამ.

აფხაზური ეთნო-კულტურული სივრცის აღწერის პროგრამას თავის მთავარ დანიშ-ნულებასთან ერთად, დამატებით რამდენიმე მნიშვნელოვანი დატვირთვაც აქვს. მათ შო-რის აღსანიშნავია ქართველი და აფხაზი მკვ-ლევრების აქტიური ურთიერთთანამშრომ-ლობის პროცესის დაწყება, თუმცა აფხაზუ-რი ეთნო-კულტურული სივრცის შესწავლა ისეთ თემებზე მუშაობასაც ითვალისწინებს, რომლებიც ქართველებსა და აფხაზებს შორის დავის საგანია. მაგალითად, ეთნო-გრაფიული, ისტორიული... სწორედ ამიტომ, კონფლიქტური ვითარების თავიდან აცილე-ბის მიზნით თსუ-ის ქართულ-აფხაზურ ურ-თიერთობათა კვლევით ცენტრში შეიმუშა-ვეს მეთოდი, რომელიც კვლევის პროცესში ორივე მხარეს საკუთარი პოზიციის დაფიქ-სირების საშუალებას მისცემს.

თსუ-ის ქართულ-აფხაზურ ურ-თიერთობათა სამეცნიერო-კვ-ლევითი ცენტრი ახალი პროგრამის განხორციელებას იწყებს, რომელიც აფხაზური ეთნო-კულტურული სივრცის აღწერას ითვალისწინებს. პროექტის ფარგ-ლებში დაგეგმილია დარგობრივი ენციკლო-პედიური ლექსიკონებისა და კრებულების გამოცემა, რომლებიც შემდგომში გაერთი-ანდება აფხაზურ ენციკლოპედიად. კვლე-ვითი პროგრამა გრძელვადიანია და მასში თსუ-ის ქართულ-აფხაზური ურთიერთობა-თა სამეცნიერო-კვლევით ცენტრთან ერთ-ად საქართველოს მეცნიერებათა აკადემიის აფხაზური ენისა და კულტურის კომისია (თავმჯდომარე აკადემიკოსი ქ-ნი გურჯა კვარაცხელია) და არასამთავრობო ორგა-ნიზაცია „ქართულ-აფხაზური ურთიერთო-ბათა ინსტიტუტი“ ჩართული. თსუ-ის ბა-ზაზე უკვე შეიქმნა საინიციატივო ჯგუფი, ქართულ-აფხაზური სამეცნიერო-კვლევითი ცენტრის ხელმძღვანელის შურაბ შენგე-ლიას თავმჯდომარეობით, რომელიც კვლე-ვით და საორგანიზაციო საკითხებს გაუწევს კოორდინირებას. აღსანიშნავია, რომ ამ პროგრამაში აფხაზური საზოგადოებისა და სამეცნიერო წრეების წარმომადგენლებიც მიიღებენ მონაწილეობას. თანამშრომლო-ბის დეტალების შესათანხმებლად სოხუმში უკვე იმყოფებოდა თსუ-ის ქართულ-აფხა-ზურ ურთიერთობათა კვლევითი ცენტრის წარმომადგენელი ესმა კოკოსკერია.

თსუ-ის ქართულ-აფხაზური ურთიერ-ობათა კვლევითი ცენტრი, საქართველოს მეცნიერებათა აკადემია და არასამთავრო-ბო ორგანიზაცია „ქართულ-აფხაზური ურთიერთობათა ინსტიტუტი“ აფხაზური ეთნო-კულტურული სივრცის აღწერისთვის საჭირო ფინანსური რესურსების მოზიდვის მიზნით პოტენციურ სპონსორებთან მო-ლაპარაკებების მართავენ. ამ დროისთვის პროექტს მხოლოდ ერთი სპონსორი ჰყავს — RMG ჯგუფი, რომლის სამეურვეო საბ-ჭომ (თავმჯდომარე ბ-ნი შურაბ ქუთელია), მიიღო გადაწყვეტილება — გააფორმოს ოფიციალური ხელშეკრულება „ქართულ-აფხაზურ ურთიერთობათა ინსტიტუტთან“ ამ პროგრამის ფინანსური დახმარების თა-ობაზე. თსუ-ის ქართულ-აფხაზური ურთიერ-ობათა კვლევით ცენტრში იმედოვნებენ, რომ მათ ფინანსურ მხარდაჭერას სხვა ორ-განიზაციებიც გაუწევენ.

მომზადა ნატო მბოლქაძე

ბ რ ძ ა ნ ე ბ ა

№ 159/01-01 05.12.2013

სსიპ-ივანე ჯავახიშვილის სახელობის თბილისის სახელმწიფო უნივერსიტეტის ეკონომიკისა და გიზნის ფაკულტეტი პროფესორის სამსახურში მისაღებად კონკურსის გამოცხადების შესახებ

„უმალესი განათლების შესახებ“ საქართველოს კანონის 22-ე მუხლის პირველი პუნ-ქტის, 34-ე მუხლის პირველი და მე-2 პუნქტების, 35-ე მუხლის პირველი პუნქტის, საქარ-თველოს განათლებისა და მეცნიერების მინისტრის 2013 წლის 11 სექტემბრის №135/ნ ბრძა-ნებით დამტკიცებული სსიპ - ივანე ჯავახიშვილის სახელობის თბილისის სახელმწიფო უნი-ვერსიტეტის წესდების მე-14 მუხლის პირველი პუნქტის, 28-ე მუხლის, 29-ე მუხლის პირველი პუნქტის საფუძველზე, ივანე ჯავახიშვილის სახელობის თბილისის სახელმწიფო უნივერ-სიტეტის აკადემიური საბჭოს 2013 წლის 18 ნოემბრის 126 დადგენილებით დამტკიცებული სსიპ - ივანე ჯავახიშვილის სახელობის თბილისის სახელმწიფო უნივერსიტეტის აკადემიური პერსონალის სამსახურში მიღებისა და კონკურსის ჩატარების ერთიანი წესის პირველი მუხ-ლის მე-2 და მე-3 პუნქტების, მე-2 მუხლის პირველი პუნქტის, ამავე წესის მე-3 მუხლის, სსიპ ივანე ჯავახიშვილის სახელობის თბილისის სახელმწიფო უნივერსიტეტის რექტორისა და ადმინისტრაციის ხელმძღვანელის 2013 წლის 4 დეკემბრის №17/04 ერთობლივი ბრძანების „სსიპ - ივანე ჯავახიშვილის სახელობის თბილისის სახელმწიფო უნივერსიტეტის ერთიანი საშტატო განრიგის დამტკიცების შესახებ“ და ეკონომიკისა და ბიზნისის ფაკულტეტის დე-კანის მოვალეობის შემსრულებლის თ. ბერიძის 2013 წლის 25 ნოემბრის №36869/02 წერილის საფუძველზე,

ბ რ ძ ა ნ ე ბ ა:

- 1. გამოცხადდეს კონკურსი ივანე ჯავა-ხიშვილის სახელობის თბილისის სახელმწიფო უნივერსიტეტის ეკონომიკისა და ბიზნისის ფაკულტეტის პროფესორის სამსახურში მი-საღებად;
2. უნივერსიტეტის პროფესორად 6 (ექვ-სი) წლის ვადით შეიძლება არჩეულ იქნეს დოქტორის ან მასთან გათანაბრებული აკა-

- დემიური ხარისხის მქონე პირი, რომელსაც აქვს არანაკლებ 6 (ექვსი) წლის სამეცნიერო-პედაგოგიური მუშაობის გამოცდილება;
3. კონკურსი გამოცხადდეს 2013 წლის 5 დეკემბერს. საკონკურსო დოკუმენტაციის წარმოდგენის ვადა განისაზღვროს 2014 წლის 6 იანვრიდან 2014 წლის 20 იანვრის ჩათვლით. საკონკურსო კომისიის შემადგამელი ოქმი თსუ აკადემიურ საბჭოს გადაეცეს არაუგვი-ანეს 2014 წლის 10 თებერვლისა.

- 4. კონკურსი გამოცხადდეს ეკონომიკისა და ბიზნისის ფაკულტეტის პროფესორის აკა-დემიური თანამდებობების დასაკავებლად: ეკონომიკის პრინციპების კათედრა პროფესორი - 1 საშტატო ერთეული
5. აკადემიურ თანამდებობაზე ასარჩევმა კანდიდატმა უნდა წარმოადგინოს:
ა) განაცხადება საკონკურსო კომისიის სა-ხელზე (დადგენილი ფორმის მიხედვით);
ბ) კონკურსანტის ანკეტა, შევსებული დადგენილი ფორმის მიხედვით (ანკეტა წარ-მოდგენილი უნდა იყოს როგორც ნაბეჭდი, ისე ელექტრონული (CD) სახით, (ფაილის ფორმა-ტი - Word და PDF ფაილების სახით);
გ) პირადობის მოწმობის ასლი;
დ) შესაბამისი აკადემიური ხარისხის დამა-დასტურებელი დოკუმენტის (დოკუმენტების) ასლი (უცხო ქვეყანაში მიღებული განათლე-ბის ან/და სამეცნიერო ხარისხის აღიარების კანონმდებლობით დადგენილი წესით გაცე-მული დოკუმენტი, ასეთის არსებობის შემთხ-ვევაში);
ე) სამსახურებრივი გამოცდილების ამსახ-ველი კანონმდებლობით დადგენილი წესით გაცემული დოკუმენტი (ცნობა, შრომის წი-გნაკის ასლი და სხვ.);
ვ) სამეცნიერო-პედაგოგიური მუშაობის გამოცდილების დამადასტურებელი დოკუ-მენტი;
ზ) შესაფასებლად წარმოდგენილი ერთი გამოქვეყნებული სამეცნიერო ნაშრომი.
თ) სამეცნიერო კვლევების კონცეფცია.
6. საკონკურსო დოკუმენტების მიღება 2014 წლის 6 იანვრიდან 2014 წლის 20 იანვრის ჩათვლით. 10⁰⁰დან 17⁰⁰ საათამდე, თსუ ეკო-ნომიკისა და ბიზნისის ფაკულტეტის საკონ-კურსო დოკუმენტაციის მიმღებ აპარატში. მისამართი: თბილისი, უნივერსიტეტის ქ. №2, ეკონომიკისა და ბიზნისის ფაკულტეტის კან-ცელარია, ოთახი №310.
ბრძანება გამოქვეყნდეს გაზეთში „თბი-ლისის უნივერსიტეტი“;
ბრძანების უნივერსიტეტის ოფიციალურ ვებ-გვერდზე განთავსება დაევალოს საინ-ფორმაციო ტექნოლოგიების დეპარტამენტს; დაევალოს კანცელარიას ბრძანების დაგ-ზავნის ფურცელში მითითებული სტრუქტუ-რული ერთეულებისათვის გადაცემა;
ბრძანება ძალაშია ხელმოწერისთანავე.

რექტორი, აკადემიკოსი ვლადიმერ პაპაძე

რა არის დადებითი და რა — უარყოფითი ფაკულტეტების დაყოფის ამა თუ იმ მოდელში?

გიორგი ოთხაიაშვილი,
თსუ-ის ჰუმანიტარულ მეცნიერებათა ფაკულტეტის ისტორიის (საქართველოს ისტორია) მიმართულების ასოცირებული პროფესორი:

— მე მხოლოდ ჰუმანიტარულ მეცნიერებათა ფაკულტეტზე მოგახსენებთ — მისი დაყოფა კარგი იქნება, რადგან იგი თავის დროზე ხელოვნურად შექმნეს და მასში ბევრი ისეთი ფაკულტეტი გაერთიანებული, რომლებსაც ერთმანეთთან კავშირი არ აქვს. ამ გაერთიანებით ბევრი ცუდი რამ მოხდა. სხვას რომ ყველაფერს თავი დავანებოთ, ისტორიის ფაკულტეტი ყველა უმაღლეს სასწავლებელში ცალკე არსებობს და მიმართულია, რომ არ უნდა იყოს მიერთებული სხვა მიმართულებებთან ჰუმანიტარულ მეცნიერებათა ფაკულტეტზე.

ამ გაერთიანების შედეგად მთლიანად გაუქმდა აღმოსავლეთმცოდნეობის ფაკულტეტი, რომელიც ერთერთი მონივრულ ფაკულტეტი იყო არა მხოლოდ საქართველოში, არამედ მთელს საბჭოთა კავშირში. ამ ფაკულტეტზე არსებული ენის სექტორი დამსხვილებულ ფაკულტეტზე ენების მიმართულებას მიუერთეს, ხოლო ისტორია — ისტორიის მიმართულებას. არადა, ფაკულტეტი, რომელიც შედიოდა აღმოსავლური ენები და ისტორია, ერთი მთლიანი ორგანიზმი იყო. მე ვფიქრობ, ეს ფაკულტეტიც ძველ ფორმატში უნდა აღდგეს.

ფაკულტეტის დაყოფის შემთხვევაში ყველა ფაკულტეტი თავის სახელს დაიბრუნებს, მაგრამ ეს უნდა მოხდეს დაფიქრებით. არ უნდა ვიჩქაროთ. უნდა გავითვალისწინოთ ამ რეფორმის დადებითი და უარყოფითი მხარეები და გადაწყვეტილება ისე უნდა მივიღოთ.

თუ ფაკულტეტები დაიყოფა, დღის წესრიგში დადგება ფინანსური და ორგანიზაციული საკითხები. ეს ყველაფერი გათვალისწინებული უნდა იქნას და რეორგანიზაცია ისევე სპონტანურად და დირექტივებით არ უნდა მოხდეს, როგორც ეს თავის დროზე ექვსი ფაკულტეტის გაერთიანებით მოხდა.

ლევან გორაძეანი,
თსუ-ის ჰუმანიტარულ მეცნიერებათა ფაკულტეტის ისტორიის მიმართულების (ძველი მსოფლიოს ისტორია) პროფესორი:

— ფაკულტეტების დაყოფა, ზოგადად, რთული საკითხია. პირადად არ ვარ მომხრე, რომ დაიყოს, რადგან მიმართულია, რომ დღეისთვის ეს ერთობა გამართლებულია. შესაძლოა რომელიმე ფაკულტეტის ორად გაყოფა, ვთქვათ, ზუსტ და საბუნებისმეტყველო მეცნიერებათა ფაკულტეტისა, გამართლებული იყოს (ამის მცდელობა იქ ადრეც იყო და რამდენადაც ვიცი, პროფესორთა ნაწილს დღესაც აქვს ამის სურვილი), მაგრამ საერთო ჯამში ამის მომხრე არა ვარ.

ასეთი გადაწყვეტილების მიღებისას ჩვენ უნდა ამოვიღოთ იქედან, რომ უნივერსიტეტი არის მთლიანი კომპლექსი. უნდა გავარკვიოთ, რა სისტემა გვაქვს, რა გვინდა, რა ფუნქცია აქვს ფაკულტეტს და ა.შ. ჩვენთან, სამსუხაროდ, ისე მოხდა, რომ „ვარდების რევოლუციის“ შემდეგ ძალიან ცქვიტად ჩატარებულმა რეფორმებმა ზოგში ველური სისარული გამოიწვია, ზოგმა კი რეფორმა არ მიიღო. ახლა საპირისპირო რეაქცია გვაქვს — მოდი, რაც იმით გააფუჭეს, ყველაფერი უკან დავაბრუნოთ.

რაც ლოგიკა იმ რეფორმას ჰქონდა და თავის დროზე ამ გაერთიანების საჭიროება არსებობდა. მგონია, რომ ფაკულტეტების შედარებით გონივრულ რაოდენობაზე შეჩერება ლოგიკურია იმისთვის, რომ ფაკულტეტი ქმედითუნარიანი იყოს. ეს საკითხი მთლიანობაში განსახილველი. აქ უნდა გავითვალისწინოთ როგორც სისტემა, ისე ფაკულტეტების შიდა სტრუქტურა. კარგად უნდა განვსაზღვროთ ვინ იღებს სტუდენტს, ვინ არის სასწავლო პროგრამაზე პასუხისმგებელი, რა დონეზე არის სწავლის, ადმინისტრირებისა და მეცნიერების მენეჯმენტი. ცვლილება ამ ყველაფერთან უნდა დაეკავშიროს და არ იმასთან, რომ რაღაც არ მოგვონს და, მოდი, ძველ ტკბილ ბავშვობაში დავბრუნდეთ.

რუსუდან დოლიძე,
თსუ-ის ჰუმანიტარულ მეცნიერებათა ფაკულტეტის დასავლეთ ევროპული ფილოლოგიის (ინგლისური ფილოლოგია) მიმართულების ასოცირებული პროფესორი:

— მიმართულია, რომ ფაკულტეტების დაყოფით არაფერი დაშვდება. ვფიქრობ, ჰუმანიტარულ მეცნიერებათა ფაკულტეტზე ცალკე უნდა იყოს წარმოდგენილი ფილოლოგია და ისტორია, მაგრამ კარგად უნდა დაფიქრდეთ, რა მოჰყვება ამას დადებითი და რა — უარყოფითი. გადაწყვეტილება მხოლოდ საფუძვლიანი განხილვის შედეგად უნდა მივიღოთ.

ლალი ქაცვა-ხუნდაძე,
თსუ-ის ჰუმანიტარულ მეცნიერებათა ფაკულტეტის დასავლეთ ევროპული ფილოლოგიის (გერმანული ფილოლოგია) მიმართულების პროფესორი:

— არსებობს მრავალი საკითხი, რომელთა მოგვარებაც მნიშვნელოვანი იქნება უნივერსიტეტის განვითარებისთვის, სწავლებისა და კვლევის ინტეგრაციისთვის, თუმცა საუნივერსიტეტო სტრუქტურაში რადიკალური ცვლილებების გატარება მიზანშეწონილად არ მიმაჩნია, ვგულისხმობ ფაკულტეტების დარგობრივი დაშლის იდეას.

ჩემი აზრით, ეს გამოიწვევს არა მხოლოდ მასშტაბურ ფინანსურ პრობლემებს, არამედ არასასურველ სისტემურ (საორგანიზაციო) ცვლილებებსაც. მაგალითად, ფაკულტეტების დაშლას შესაძლოა მოჰყვეს სტუდენტური კვლევების რადიკალური შემცირება დეპარტამენტებში, რითაც შეფერხდება მაინორის პროგრამების განხორციელება, რომელთა არსებობაც აუცილებელია როგორც მეორე სპეციალობის საფუძველი. მაგალითად, გერმანული ფილოლოგიის დეპარტამენტისთვის მაინორის პროგრამის სტუდენტების მოზიდვას, გარკვეული ობიექტური მიზეზების გამო, გადამწყვეტი მნიშვნელობა ენიჭება.

ფაკულტეტების დანაწევრების შედეგად, აგრეთვე, შესაძლოა შეიზღუდოს პროგრამებში არჩევითი საგნების ჰორიზონტალური გახსნილობა და სტუდენტს აღარ მიეცეს არჩევანის ისეთი თავისუფლება, როგორც ახლა აქვს.

ვასილ კაჭარავა, თსუ-ის ჰუმანიტარულ მეცნიერებათა ფაკულტეტის ამერიკისმცოდნეობის მიმართულების პროფესორი:

— აბსოლურად ნეიტრალური დამოკიდებულება მაქვს ფაკულტეტების დაშლასთან დაკავშირებით. ჩვენი მიმართულება ძალიან კარგად გრძნობს თავს ამ სისტემაში და არანაირი პრობლემა არ გვაქვს, მაგრამ თუ უკეთესი შემთავაზება იქნება, მივესალმებით.

ვასტანო ლიჩაი, თსუ-ის ჰუმანიტარულ მეცნიერებათა ფაკულტეტის ისტორიის (არქეოლოგია) მიმართულების პროფესორი:

— არ ვარ ნაწილობრივ განხორციელებული ცვლილებების მომხრე. თუ ფაკულტეტი ცალკეული სპეციალობების მიხედვით დაიყოფა და მათ დამოუკიდებლობის მაღალი ხარისხი მიეცემა, ფაკულტეტის დაშლა ჩემთვის მისაღებია. მაგრამ თუ ნაწილობრივ უნდა დაიყოს, ვთქვათ, ორ ფაკულტეტად და რაღაც სპეციალობები ისევე უნდა გაერთიანდეს, ამას სჯობს, დარჩეს ის, რაც ახლა არის. ზოგადად, ფაკულტეტების დაყოფის პოზიტიურობა დიდადაა დამოკიდებული იმაზე, თუ რა ხარისხის დამოუკიდებლობას მიიღებენ ახლად წარმოქმნილი (თუ აღდგენილი) ფაკულტეტები, რამდენად შეეძლება მათ მართონ თავიანთი მიმართულება, რამდენად იქნება დამოუკიდებელი სასწავლო და სამეცნიერო კვლევის პროცესი.

ვფიქრობ, ფაკულტეტის დაყოფა არ გამოიწვევს ფინანსურ პრობლემებს, რადგან ბიუჯეტი წლის დასაწყისში დგება და სწორედ ამ ბიუჯეტის მიხედვით დაიგეგმება ამა თუ იმ მიმართულების სასწავლო და სამეცნიერო პროცესები.

მომზადდა მაია ტორაძე

განათლების სისტემაში განხორციელებული 10 წლიანი ცვლილებების ანალიზი

ჯერ სტრატეგია — შემდეგ კანონი

იმ შემთხვევაში, თუ არ გაიანერება საქართველოს უმაღლესი განათლებისა და მეცნიერების განვითარების გრძელვადიანი სტრატეგია, 20-25 წლის შემდეგ ქვეყანაში როგორც უმაღლესი განათლება, ასევე, მეცნიერებაც მხოლოდ ფორმალურად იარსებებს — ასეთ პროგნოზს აკეთებენ ექსპერტები, რომლებმაც პროექტის „უმაღლესი განათლებისა და მეცნიერების სტრატეგიული განვითარება საქართველოში — რეფორმის პლატფორმის ჩამოყალიბება“ ფარგლებში საქართველოს უმაღლესი განათლებისა და მეცნიერების მდგომარეობის კვლევა განახორციელეს. სიტუაციური ანალიზი 5 მიმართულებით ჩატარდა — უნივერსიტეტის ავტონომია და აკადემიური თავისუფლება; უმაღლესი განათლებისა და კვლევის დაფინანსება და ფინანსური მართვა; კვლევისა და სწავლების ინტეგრაცია; უმაღლესი განათლების ხარისხის უზრუნველყოფა; უმაღლესი განათლება და დასაქმება.

კვლევით პროექტში 5 არასამთავრობო და საერთაშორისო ორგანიზაცია იყო ჩართული — „სოციალურ მეცნიერებათა ცენტრი“, „ტემ-პუსის ეროვნული ოფისი“, „საერთაშორისო განათლების ცენტრი“, „განათლების პოლიტიკის მართვისა და დაგეგმვის საერთაშორისო ინსტიტუტი“ და „აკადემიური სტიპენდიების პროგრამა“. ჩატარებულ კვლევაზე დაყრდნობით შემუშავდა სპეციალური დოკუმენტი „უმაღლესი განათლებისა და მეცნიერების სტრატეგიული განვითარება საქართველოში“. დოკუმენტზე მუშაობისას ჰიპოთეტურ მოდელად მკვლევრებმა აღმოსავლეთ ევროპის ქვეყნების უმაღლესი განათლების სისტემა გამოიყენეს, მათ შორის განსაკუთრებული ყურადღება ესტონეთის გამოცდილებას დაეთმო.

კვლევის პირველადი შედეგების პრეზენტაცია თბილისის სახელმწიფო უნივერსიტეტში 27 ნოემბერს გაიმართა. ღონისძიებას თსუ-ის აკადემიური პერსონალი, ხარისხის უზრუნველყოფის სამსახურის, სასწავლო პროცესების მართვის, სამეცნიერო კვლევებისა და განვითარების დეპარტამენტების ხელმძღვანელები და სხვა უმაღლესი სასწავლებლების წარმომადგენლებიც დაესწრნენ.

„კვლევა ბოლო 10 წლის განმავლობაში საქართველოს განათლების სისტემაში განხორციელებული ცვლილებების ანალიზს წარმოადგენს — თუ რა არის დადებითი, რა არის უარყოფითი, რაში ვხედავთ გამოსავალს და რა გამოწვევების წინაშე ვდგავართ. აუცილებელია განათლების განვითარების გრძელვადიანი სტრატეგიის განერაც. თბილისის სახელმწიფო უნივერსიტეტიც სწორედ ამიტომ მასპინძლობს ამ ღონისძიებას, რომ ჩვენ მიგინდის ვხედავთ იმ პრობლემებს, რაც განათლების სისტემაში არსებობს“, — განაცხადა თბილისის სახელმწიფო უნივერსიტეტის ვიცე-რექტორმა, პროფესორმა მარინე ჩიტაშვილმა.

არასამთავრობო ორგანიზაციების კოალიცია, რომელმაც საქართველოს უმაღლესი განათლებისა და მეცნიერების სიტუაციური ანალიზი განახორციელა, მუშაობის მომდევნო ეტაპზე გადავიდა. უკვე მომზადებულ დოკუმენტში, კვლევის შედეგების გარდა, მოცემულია კონკრეტული რეკომენდაციებიც, რომელიც განათლების სისტემაში არსებული პრობლემების მოგვარებას გულისხმობს.

„კვლევა განათლებისა და მეცნიერების სამინისტროს გავაცანი. მიინდა აღვნიშნო, რომ იგი ინტერესით მიიღეს. არსებობს დაპირება, რომ მთლიანად თუ არა, მოცემულ რეკომენდაციებს ნაწილობრივ მაინც გა-



მოიყენებენ. ასევე, შევთანხმდით თანამშრომლობაზეც. ვიმედოვნებ, რომ ეს იქნება ცოცხალი და ბუნებრივი პროცესი. გვინდა პროფესორთა აქტიური ჩართულობაც უზრუნველყოთ, რადგან განათლებისა და მეცნიერების სამინისტრო უმაღლესი განათლების შესახებ კანონზე აუცილებლად ითანამშრომლებს იმ ადამიანებთან ერთად, ვინც ეს კანონი უნდა აღასრულოს“, — აღნიშნა „განათლების დაგეგმვის, პოლიტიკის და მართვის საერთაშორისო ინსტიტუტის“ დირექტორმა, პროექტის ავტორმა გიორგი მაჩაბელმა.

კანონმდომიერებით პროცესში აკადემიური საზოგადოების ჩართულობის გააქტიურების მიზნით, პრეზენტაციაზე უმაღლესი განათლების სისტემის პრობლემების თემაზე ეროვნული კონფერენციის ჩატარებაც დაანონსდა, რომელშიც არასამთავრობო სექტორის და უმაღლესი სასწავლებლების

წარმომადგენლებთან ერთად, განათლებისა და მეცნიერების სამინისტროდან მონაწილე ექსპერტებაც მიიღებენ მონაწილეობას.

უმაღლესი განათლებისა და კვლევის დაფინანსება

უმაღლესი განათლებისა და კვლევის დაფინანსების სტრატეგიული მიმართულების ანალიზი ექსპერტულ ლეა ჩახაიაშვილმა განახორციელა. დოკუმენტის მიხედვით, ამ მიმართულებით განათლების სისტემაში ვითარება მძიმეა, რადგან ბოლო წლებში საბიუჯეტო დაფინანსება მნიშვნელოვნად კლებულობს. მაგალითად, თუ 2005 წელს უმაღლესი განათლებისა და კვლევისათვის ბიუჯეტიდან მთლიანი შიდა პროდუქტის 0,17% გამოიყო, 2011 წელს ეს ციფრი ორჯერ შემცირდა და 0,08% შეადგინა. პრობლემატურია დაფინანსების წყაროების საკითხიც. 2010 წლის მონაცემებით, საჯარო დაფინანსების პროცენტული მაჩვენებელი მხოლოდ 36% გახლდათ, სხვა წყაროებიდან (საბანკო, კერძო სექტორი) შემოსული თანხები კი, ფაქტობრივად, წულის ტოლი. შედარებისთვის, აღმოსავლეთ ევროპის ქვეყნებში უმაღლესი განათლებისა და მეცნიერებისთვის ამ სექტორიდან გამოყოფილი ფინანსები 10%-ს უდრის. მკვლევრის ანალიზით, აუცილებელია უნივერსიტეტების ვაუჩერული სისტემით დაფინანსების დახვეწაც, რადგან ეს მხოლოდ სტუდენტების სწავლის გადასახადს ითვალისწინებს და უმაღლესი სასწავლებლების გამართული ფუნქციონირებისთვის საკმარისი არ არის. კვლევის ამ ნაწილში ასევე განხილულია უმაღლესი განათლების ხელმისაწვდომობის საკითხიც.

მე-4 გვირგვინი

განათლების სისტემაში განხორციელებული 10 წლიანი ცვლილებების ანალიზი

მესამე გვერდიდან

ავტორი აღნიშნავს, რომ „სტრუქტურული დაფინანსების ამჟამად არსებული სისტემის პირობებში სახელმწიფო, დიდი ალბათობით, აფინანსებს უკეთ უზრუნველყოფილ სტრუქტურებს. რაც შეეხება სოციალური საჭიროების საფუძველზე დაფინანსებას, მაგალითად, 2012-2013 სასწავლო წლისთვის, მხოლოდ 488 სტრუქტურის სწავლის საფასურის ნაწილობრივი ან სრული დაფინანსება განისაზღვრა.

ლელა ჩახაია კვლევაში ასევე აღნიშნავს, რომ არსებული მნიერი დაფინანსების პირობებში უმაღლესი სასწავლებლებისთვის კვლევების წარმოების ერთადერთ საშუალებას განტების მოპოვება წარმოადგენს, თუმცა მათ ამისთვის საკონკურსო პირობებთან საკუთარი კვლევითი ინტერესების ადაპტირება უნდა, რაც მეცნიერებისთვის უკვე გარკვეულ შეზღუდვას წარმოადგენს.

დოკუმენტში, პრობლემების შესაბამისად, მოცემულია კონკრეტული რეკომენდაციებიც, რომელიც თბილისის სახელმწიფო უნივერსიტეტში გამართულ პრეზენტაციაზე საზოგადოებას „განათლების დაგეგმვის, პოლიტიკის და მართვის საერთაშორისო ინსტიტუტის“ დირექტორმა გიორგი მაჩაბელმა გააცნო.

„რეკომენდაციებს შორის ერთერთი ყველაზე მნიშვნელოვანია, რომ შემუშავდეს და დამტკიცდეს უმაღლესი განათლებისა და მეცნიერების განვითარების 10 წლიანი სტრატეგია, მათ შორის განისაზღვროს ქვეყნის სამეცნიერო პრიორიტეტები და ქვეყნის მთლიან შიდა პროდუქტთან მიმართებაში დაიგეგმოს უმაღლესი განათლებისა და მეცნიერების დაფინანსების სტაბილური ზრდა. ვფიქრობთ, უახლოეს 2-3 წელიწადში საქართველოს მეცნიერება დიდ საფრთხეში იქნება, თუ მისი წილი არ გახდება მთლიანი შიდა პროდუქტის დაახლოებით ერთი პროცენტი. ასევე უნდა მოხდეს დაფინანსების წყაროების დივერსიფიკაცია, მექანიზმების დახვეწა და ა.შ. საჭიროა, ჩამოყალიბდეს უმაღლესი განათლებისა და მეცნიერების განვითარებისთვის დაფინანსების ორდონიანი სისტემა — ე.წ. საბაზო და საგრანტო სისტემები. ასევე, აუცილებელია გაიზარდოს სოციალური გრანტების მოცულობა და ამოქმედდეს დაბალ პროცენტაჟიანი სტრუქტურული სესხების სისტემა“, — აღნიშნა გიორგი მაჩაბელმა.

საინფორმაციო სისტემების ავტონომია და აკადემიური თავისუფლება

კვლევის ფარგლებში საქართველოს უნივერსიტეტების ავტონომია და აკადემიური თავისუფლება ლისაბონის 2007 წლის დეკლარაციით განსაზღვრული მიმართულებების მიხედვით გაანალიზდა, ესენია — ორგანიზაციული, ფინანსური, კადრებით უზრუნველყოფის და აკადემიური ავტონომია.

„ანალიზისას საკმაოდ საინტერესო მიგნებები წარმოჩინდა. გამოვიტანეთ დასკვნა, რომ საქართველოს უმაღლესი სასწავლებლები გამოირჩევიან მაღალი ორგანიზაციული ავტონომიურობით, მაგრამ ანგარიშვალდებულების გარანტიების არქონის გამო მაღალი ორგანიზაციული ავტონომია ვინრო პოლიტიკური და კერძო ინტერესების ინსტრუმენტს წარმოადგენდა. ფინანსური თვალსაზრისით უნივერსიტეტებს მაღალი ავტონომია მხოლოდ საჯარო დაფინანსების ნამატის შენარჩუნებისას აქვთ, ასევე, სესხის აღების პროცესშიც, თუმცა საჯარო სამართლის იურიდიული პირის სტატუსით დაფუძნებული უმაღლესი სასწავლებლები ამ კუთხით შეზღუდულები არიან. კადრებით უზრუნველყოფის თვალსაზრისით უმაღლესი სასწავლებლები დამოუკიდებლად მოქმედებენ აკადემიური და ადმინისტრაციული პერსონალის შერჩევა-გაათვისუფლების თვალსაზრისით, მაგრამ ამ შემთხვევაშიც ანგარიშვალდებულების სისტემის არაფექტიანობის გამო უნივერსიტეტები ამ უფლებებს არასამართლიანად და არაფექტურად იყენებდნენ. რაც შეეხება აკადემიურ თავისუფლებას, უნივერსიტეტებს ავტონომიას უზღუდავს ერთიანი ეროვნული გამოცდების სისტემა, რადგან მათ სტრუქტურების დამოუკიდებლად შერჩევა არ შეუძლიათ, აბიტურიენტებისთვის წყვენიერული კრიტერიუმების განსაზღვრაში იზღუდებიან და ამ ფუნქციას გარე სტრუქტურა ასრულებს. ასევე მნიშვნე-



ნელოვანი პრობლემა აკრედიტაციის მექანიზმი, რომელიც ხშირ შემთხვევაში უნივერსიტეტებზე სახელმწიფო გაცემის ინსტიტუტის წარმოადგენს“, — აღნიშნა კვლევის ავტორმა თამარ ზალიაშვილმა.

კვლევის ამ ნაწილშიც ერთერთი მთავარი რეკომენდაცია ქვეყანაში განათლების სისტემის განვითარების გრძელვადიანი სტრატეგიის შექმნა და მის საფუძველზე შესაბამისი სამოქმედო გეგმის შემუშავება გახლავთ. ასევე რეკომენდირებულია პერმანენტულად საგანმანათლებლო და სამეცნიერო სისტემების შეფასების დოკუმენტის მომზადება და, საჭიროების შემთხვევაში, განვითარების სტრატეგიის გეგმაში შესაბამისი ცვლილებების შეტანა. რეკომენდაციებს შორის არის — უმაღლესი განათლების შესახებ ახალი კანონის მიღება და უმაღლესი სასწავლებლების დაფუძნება მხოლოდ საჯარო სამართლის იურიდიული პირის სტატუსით. აღნიშნული დასკვნა ექსპერტებმა ესტონეთის მაგალითზე დაყრდნობით გამოიტანეს, რომელსაც სამართლებრივი სტატუსით უნივერსიტეტების მაღალი ავტონომიის შენარჩუნების გამოცდილება უკვე აქვს. ერთერთი რეკომენდაცია უშუალოდ უნივერსიტეტების წესდებებსაც ეხება, რის მიხედვითაც უმაღლესი განათლების შესახებ კანონში უნდა განისაზღვროს ის ძირითადი მახასიათებლები, რომლებიც უნივერსიტეტის წესდებით უნდა დარეგულირდეს, რის შემდეგაც უნივერსიტეტებმა საკუთარი წესდებები თავად უნდა დაამტკიცონ. კვლევის ამ ნაწილში ასევე რეკომენდირებულია სახელმწიფო და კერძო უნივერსიტეტებისთვის თანაბარი კონკურენტული გარემოს ჩამოყალიბება, მაღალი ავტონომიის, აკადემიური თავისუფლების და ეფექტური ანგარიშვალდებულების სისტემის შექმნა.

უმაღლესი განათლების ხარისხის უზრუნველყოფა

საქართველოს უმაღლესი განათლების სისტემის ხარისხის უზრუნველყოფის ანალიზი 2009 წელს საერთაშორისო ორგანიზაციების მიერ ჩატარებულ კვლევის შედეგებზე, ასევე ინტერვიუებისა და ფოკუს-ჯგუფებთან მუშაობის მონაცემებზე დაყრდნობით განხორციელდა. ანალიზის პროცესში გამოყენებული იყო განათლების ხარისხის განვითარების ეროვნული ცენტრის მიერ ჩატარებული კვლევის შედეგებიც.

„ამ კვლევების შედეგად რამდენიმე ძირითადი პრობლემა გამოვლინდა. ეს გახლავთ უმაღლესი განათლების სისტემაში არსებული ფორმალა და არაერთგვაროვანი მიდგომები, ანუ ჩვენ ორიენტირებული ვართ ძირითადად დოკუმენტებზე და შინაარსი და პროცესები ყურადღების მიღმა გვრჩება. დასაძალი არ არის და უნდა ვაღიაროთ, რომ ხშირად ხარისხის უზრუნველყოფის შედეგი დამოკიდებულია იმაზე, თუ ვის ან ვინ აფასებს, რადგან ექსპერტებს ზედმეტად თავისუფალი მიდგომების საშუალება აქვთ, რასაც, სამწუხაროდ, ზოგჯერ კარგად არ იყენებენ. ჩვენ გვაქვს მცირე ქვეყნის პრობლემა, ანუ აკადემიური საზოგადოება საკმაოდ ვიწროა და ამიტომ ხშირად შეფასების ობიექტურობა და სამართლიანობა ეჭვქვეშ დგება. პრაქტიკულად არ გვაქვს ინტერნაციონალიზაცია, რაც არის ხარისხის უზრუნველყოფის მიმართ არსებული ერთერთი ძირითადი მოთხოვნა. ასევე, ერთერთი მნიშვნელოვანი პრობლემა და აუცილებლად აღსანიშნავია, რომ უმაღლესი განათლების სფეროში ხარისხის მიმართულებით კვლე-

ვების ნაკლებობაა, როგორც ინსტიტუციური, ასევე სახელმწიფო დონეზე“, — განაცხადა პრეზენტაციაზე „უმაღლესი განათლების ხარისხის უზრუნველყოფის“ კვლევის ავტორმა ირინე დარჩია.

საქართველოს უმაღლესი განათლების ხარისხის უზრუნველყოფის გაუმჯობესებისთვის კვლევაში 34 რეკომენდაცია მოცემულია, მათ შორის არის: ავტორიზაცია-აკრედიტაციის პროცესების გამჭვირვალობის უზრუნველყოფა, დოკუმენტებზე ორიენტირებული მიდგომიდან შინაარსზე ორიენტირებულ მიდგომაზე გადასვლა, პირობითი ავტორიზაციისა და აკრედიტაციის ცნებების შემოტანა, ავტორიზაცია-აკრედიტაციის მკაფიო კრიტერიუმებისა და შეფასების ინდიკატორების შემუშავება, ხარისხის განვითარების ცენტრის გაერთიანება საერთაშორისო ევროპულ ქსელში, აკადემიურ საზოგადოებაში ხარისხის კულტურის და კოლეგიალური შეფასების კულტურის შემოტანა-დამკვიდრება. კვლევაზე დაყრდნობით ასევე რეკომენდირებულია, რომ შიდა და გარე ხარისხის უზრუნველყოფა, საგანმანათლებლო პროგრამების გარდა, კვლევებს და აკადემიური პერსონალის კვალიფიკაციის შეფასებასაც შეეხებოდეს.

სწავლებისა და კვლევის ინტეგრაცია

კვლევის „უმაღლესი განათლებისა და მეცნიერების სტრატეგიული განვითარება საქართველოში — რეფორმის პლატფორმის ჩამოყალიბება“ ფარგლებში განხორციელებული ანალიზი — „სწავლებისა და კვლევის ინტეგრაცია“ დოქტორანტურის საგანმანათლებლო საფეხურთან დაკავშირებულ საკითხებს უკავშირდება. ექსპერტი ლალი ბაქრაძე კვლევაში საქართველოს უმაღლესი განათლების ერთერთ მნიშვნელოვან პრობლემად ზალცბურგის სადოქტორო განათლების პრინციპების ქართულ რეალობაში ნაწილობრივ ასახვას გამოყოფს, რაც ვლინდება დოქტორანტთა გაცვლით პროგრამებში ჩართვისას, რადგან არსებული კანონი ინტერნაციონალიზაციის პროცესის განხორციელებას სერიოზულ დაბრკოლებას უქმნის. ანალიზის დროს გამოიკვეთა სადოქტორო პროგრამების აკრედიტაციის კრიტერიუმების ხარვეზებიც, რომლებიც ბაკალავრიატისა და მაგისტრატურის საფეხურების აკრედიტაციის ანალოგიურია. უმაღლესი განათლების სფეროს ამ ნაწილშიც აქტუალურია სახელმწიფო დაფინანსების საკითხი. ანალიზის მიხედვით, ბოლო წლებში საქართველოში დოქტორანტთა რაოდენობა მნიშვნელოვნად გაიზარდა, თუმცა პარალელურად დაფინანსება მნიშვნელოვნად შემცირდა. როგორც კვლევის პრეზენტაციაზე „ტემპუსის ეროვნული ოფისის“ ხელმძღვანელმა ლიკა ლლონტა აღნიშნა, ხარისხის უზრუნველყოფის საკითხები ამ შემთხვევაშიც აქტუალურია, რადგან დოქტორანტთა მატება რაც შემთხვევებში უმეფეობის გადავადებითა და გარკვეული სტატუსის ძიებით არის გამოწვეული და არა კვლევითი საქმიანობისადმი მძაფრი ინტერესით. ლიკა ლლონტა წარმოადგინა ასევე ის ძირითადი რეკომენდაციებიც, რომელიც სწავლებისა და კვლევის ინტეგრაციის მიმართულებით სიტუაციური ანალიზის შედეგად გაიჩნა.

„ჩვენი რეკომენდაციებია — დაფინანსების მდგრადი ზრდა და ბლოგ-გრანტების სისტემის შემოღება. ეს გახლავთ თანხა, რომელიც კვლევისთვის გამოიყოფა, მაგრამ

არსებობს სპეციალური ფორმულა, რითაც გრანტის მოცულობის განსაზღვრა ხდება. ცხადია, ამ პროცესს წინ უნდა უსწრებდეს იმ მკვლევრების კომპეტენციის შეფასება, ვინც გრანტი უნდა მიიღოს. სხვათა შორის განათლებისა და მეცნიერების სამინისტრომ აღნიშნულ თემაზე დამატებით ინფორმაციის მიწოდება გვთხოვა, რაც კარგია, რადგან შესაძლოა ამ საკითხზე ფიქრი დაინფორმირებულია, ასევე რეკომენდაციებს ვიძლევი, რომ შესაძლებელი გახდეს ინტერნაციონალიზაცია და კანონმდებლობაში წინააღმდეგობები დაიძლიოს. მნიშვნელოვანია შეიქმნას მოქნილი სტრუქტურა, რომელიც უმაღლეს სასწავლებლებსა თუ არასამთავრობო ორგანიზაციებში გაფანტულ სხვადასხვა დარგის მკვლევრებს გააერთიანებს და დოქტორანტებს მეცნიერებთან აქტიური კონტაქტის საშუალებას მისცემს. რასაკვირველია, აუცილებელია სადოქტორო პროგრამებისთვის აკრედიტაციის ახალი კრიტერიუმების შემუშავება“, — განაცხადა „ტემპუსის ეროვნული ოფისის“ ხელმძღვანელმა ლიკა ლლონტამ.

უმაღლესი განათლება და დასაქმება

წელს „განათლების პოლიტიკის მართვისა და დაგეგმვის საერთაშორისო ინსტიტუტმა“ განახორციელა კვლევა, რომლის მიზანიც საქართველოში განათლების უკუგების მაჩვენებლის დადგენა გახლდათ. უმაღლესი განათლებისა და დასაქმების ურთიერთმიმართების ანალიზი და შესაბამისი რეკომენდაციებიც სწორედ აღნიშნულ ინფორმაციაზე დაყრდნობით შემუშავდა. ეს ინფორმაცია გახლდათ ერთერთი მყარი არგუმენტი, თუ რატომ უნდა გაიზარდოს საქართველოში უმაღლესი განათლების სისტემის დაფინანსება, რადგან კვლევის მიხედვით „უმაღლესი განათლების მქონე პირის საშუალო შემოსავალი დაქირავებული შრომიდან მხოლოდ ზოგადი განათლების მქონე პირის საშუალო შემოსავალზე თითქმის ორჯერ მაღალია. სქესის, ასაკისა და საცხოვრებელი ადგილის გათვალისწინების პირობებში, უმაღლესი განათლების მქონე პირის დასაქმების შანსები მხოლოდ საშუალო განათლების მქონე პირთან შედარებით ორჯერ იზრდება. მაგისტრატურის დამთავრება უმაღლესი განათლების მქონე პირს არ უზრუნველყოფს სახელფასო შემოსავლების მნიშვნელოვანი ნამატით, თუმცა მისი დასაქმების შანსი 70%-ით მაღალია ბაკალავრიატის დიპლომის მქონე პირთან. უმაღლესი განათლებაზე განეული ხარჯების ამოღება საქართველოში, დაახლოებით, დროის იმავე მონაკვეთში ხდება, რაც ანალოგიური შემოსავლის მქონე ევროპის სხვა ქვეყნებში“.

„პრინციპში უკუგება აშკარაა, უმაღლესი განათლებაში ჩადებული ფინანსები არ იკარგება და სახელმწიფოს გადასახადების სახით უზრუნველდება, მაგრამ ჩვენ არ გვაქვს ინფორმაცია სპეციალობების მიხედვით. ეს მნიშვნელოვანი პრობლემა იმ ფონზე, როდესაც სახელმწიფო დარგებს დიფერენცირებულად აფინანსებს. ასეთი გადაწყვეტილება აუცილებლად უნდა ეფუძნებოდეს შესაბამის ანალიზს. ასევე, მინდა გითხრათ, რომ უმაღლესი განათლების მიღება არის კარგი ინსტრუმენტი სოციალური თანასწორობის უზრუნველსაყოფად და ეს უფრო კარგად უნდა იყოს ასახული უმაღლესი განათლების დაფინანსების სისტემაში“, — განაცხადა „უმაღლესი განათლებისა და დასაქმების“ კვლევის ავტორმა, ექსპერტმა თამარ ბრეგვაძემ.

მთავარი რეკომენდაცია, რომელიც ავტორმა აღნიშნული კვლევის შედეგად წარმოადგინა, სტატისტიკის ეროვნული სამსახურის კვლევითი ინსტიტუტების მოდულიზაცია გახლავთ, რაც შესაძლებელს გახდის განათლების საფეხურებისა და სპეციალობების მიხედვით სახელმწიფოს შემოსავლის დაანგარიშებას. ამ ცვლილების განხორციელება ხელს შეუწყობს უმაღლესი განათლების პოლიტიკის სწორი პრიორიტეტების განსაზღვრას.

მომზადდა ნატო ოპოლაქამ



სტუდენტური თვითმმართველობის ახალი კონცეფცია

ნათო მობლაკა

თსუ-ის სოციალურ და პოლიტიკურ მეცნიერებათა ფაკულტეტის სტუდენტების საინიციატივო ჯგუფი სტუდენტური თვითმმართველობის ახალ კონცეფციას მუშაობს. კონცეფცია აღმოსავლეთ-დასავლეთის მართვის ინსტიტუტის — GPAC-ის მიერ დაფინანსებული პროექტის ფარგლებში ყალიბდება. საინიციატივო ჯგუფის მიზანი თვითმმართველობის ისეთი მოდელის შემოთავაზებაა, რომლის საქმიანობა მაქსიმალურად გამჭვირვალე და სტუდენტების უფრო ფართო სპექტრზე იქნება ორიენტირებული, რისთვისაც საინიციატივო ჯგუფის წევრებმა მოქმედი სტუდენტური თვითმმართველობის სტრუქტურა და მუშაობის პრაქტიკა გააანალიზეს. თვითმმართველობის საქმიანობის თემაზე ასევე ჩატარეს თსუ-ის სტუდენტების სოციოლოგიური გამოკითხვა. სტუდენტთა საინიციატივო ჯგუფმა ახალი კონცეფციის შემუშავების პროცესში ევროპული უნივერსიტეტების მაგალითზე სტუდენტთა წარმომადგენლობითი ორგანოს ტიპებიც შეისწავლა. მკვლევართა ჯგუფს სოციალურ და პოლიტიკურ მეცნიერებათა ფაკულტეტის სტუდენტები ალექსანდრე ცაგარელი და გიორგი გაბელია ხელმძღვანელობენ.

რომელიც ქართულ რეალობასაა მორგებული. ჩვენი პროექტის შესახებ თსუ-ის მოქმედი სტუდენტური თვითმმართველობის ინფორმაცია მივიწოდეთ, თუმცა მათი პოზიცია ჯერ არ ვიცით“, — განაცხადა პროექტის მენეჯერმა გიორგი გაბელიამ.

სტუდენტური თვითმმართველობის სტრუქტურის კვლევისას საინიციატივო ჯგუფის წევრებმა თსუ-ში მოქმედი თვითმმართველობა დადებითად მხოლოდ ერთი თვალსაზრისით — გუნდური მუშაობის უნარით შეაფასეს, რაც, მათი აზრით, თვითმმართველობის მიზნებისა და მისი ხელმძღვანელობის ინტერესების სწრაფ და შედარებით ეფექტიან განხორციელებას უწყობს ხელს. რაც შეეხება ორგანიზაციის უარყოფით მხარეებს, სტუდენტური საინიციატივო ჯგუფის კვლევაში აღნიშნულია, რომ თსუ-ის სტუდენტური თვითმმართველობა თავის საქმიანობას მმართველობის ვერტიკალური



ახალი ხედვა: სტუდენტური თვითმმართველობის ძველი მმართველი პარტიკულარული არ უნდა ჰქონდეთ და არც საკუთარ ბიუჯეტს უნდა განაბაზღვან.

ფორმით ახორციელებს, მართვისა და განწყობის მიღების პროცესში თვითმმართველობის რიგითი წევრები ნაკლებად მონაწილეობენ. სისტემა ჩაკეტილია და არ არსებობს მათი საქმიანობის მონიტორინგის დამოუკიდებელი სამსახური, არ არსებობს არც სტუდენტური პროექტების დაფინანსების ალტერნატიული ფონდი, რაც უნივერსიტეტის სტუდენტების უფლებების დარღვევას განაპირობებს. პრობლემას წარმოადგენს წევრების ინიციატივების ნაკლებობა და დაბალი მოტივაცია. სოციალურ და პოლიტიკურ მეცნიერებათა ფაკულტეტის საინიციატივო ჯგუფის წევრების დასკვნით, თსუ-ის სტუდენტური თვითმმართველობის მოქმედი ფორმით განვითარება ნაკლებად შესაძლებელია და აუცილებელია ორგანიზაციის ახალი კონცეფციით ამოქმედება.

„ჩვენ მიერ შემუშავებული კონცეფცია თვითმმართველობის დეპარტამენტების გაუქმებას და ამ ორგანიზაციისთვის მხოლოდ წარმომადგენლობითი ფუნქციის შენარჩუნებას ითვალისწინებს. ისინი უნდა წარმოადგენდნენ სტუდენტებს საფაკულტეტო საბჭოებსა და სენატში, სადაც თსუ-ის ბიუჯეტის და სხვადასხვა მნიშვნელოვანი საკითხები წყდება. სხვა აქტივობა ინსტიტუციურად გარანტირებული არ უნდა ჰქონდეთ. ისინი კითხვა — ხომ არ მოახდენს სტუდენტური ცხოვრების პარალიზებას სტუდენტურ

ორ თვითმმართველობის დეპარტამენტების გაუქმება? პასუხად საქართველოს უნივერსიტეტის მაგალითი შემოიღო მოვიყვანო, სადაც სტუდენტები სხვადასხვა პროექტებს თავად ახორციელებენ და ღონისძიებებიც ხარისხობრივად საკმაოდ მაღალია. ჩვენ მიგვაჩნია, რომ სტუდენტური თვითმმართველობაში მართვის ჰორიზონტალური მოდელი უნდა არსებობდეს, რადგან აუცილებელია, განწყობის მიღების პროცესში უფრო მეტი ადამიანი იყოს ჩართული.

სტუდენტური ინიციატივების განხორციელებისთვის ხელსაყრელი გარემოს შესაქმნელად კი ცალკე საუნივერსიტეტო ფონდი უნდა ჩამოყალიბდეს, რომელიც არ იქნება სტუდენტური თვითმმართველობის დაქვემდებარებაში. ფონდის ძირითადი ფუნქცია სტუდენტთა პროექტების შერჩევა და მათი დაფინანსება იქნება. რაც შეეხება ფონდის საბჭოს, მის შემადგენლობაში უნდა შედიოდეს სტუდენტური თვითმმართველობის წარმომადგენელიც და აუცილებლად უნდა გამოიყოს კვლავ პროფესორებისთვისაც.

ასეთი სახის ცვლილება თანაბარ პირობებში ჩააყენებს სტუდენტებსა და სტუდენტურ თვითმმართველობას“, — განაცხადა ალექსანდრე ცაგარელმა.

ახალი კონცეფციის შემუშავების პროცესში სოციალურ და პოლიტიკურ მეცნიერებათა ფაკულტეტის საინიციატივო ჯგუფის წევრები სტუდენტთა სოციოლოგიურ გამოკითხვაში მიღებულ შედეგებსაც ითვალისწინებენ. გამოკითხვაში მონაწილეობა თსუ-ის 200-მა სტუდენტმა მიიღო. კვლევა ანკეტირებისა და ფოკუს ჯგუფებთან მუშაობის მეთოდებით ჩატარდა. შედეგების მიხედვით, სტუდენტების უმრავლესობა სტუდენტურ თვითმმართველობას გაუმჭვირვალე ინსტიტუციად აღსაქვს, მის სტრუქტურას მიუღებლად მიიჩნევენ და ფიქრობს, რომ თვითმმართველობა მისთვის დაკისრებულ მოვალეობებს კარგად ვერ ასრულებს.

გთავაზობთ სოციალურ და პოლიტიკურ მეცნიერებათა ფაკულტეტის სტუდენტთა საინიციატივო ჯგუფის მიერ ჩატარებული კვლევის პროცესში სტუდენტებისთვის დასამუშავებლად მიღებულ შედეგებს:

რამდენად ასრულებს არსებული თვითმმართველობა მის რეალურ ფუნქციას-მოვალეობებს?

- 70% — ვერ ასრულებს; 8% — უფრო ასრულებს, ვიდრე არა; 12% — უფრო ვერ ასრულებს, ვიდრე ასრულებს; 6% — სრულად ასრულებს.

რამდენად გამჭვირვალე და ხელმისაწვდომია სტუდენტური თვითმმართველობის საქმიანობა?

- 70% — სრულად გამჭვირვალეა; 20% — უფრო გამჭვირვალეა; 8% — უფრო გამჭვირვალეა; 2% — სრულად გამჭვირვალეა.

რამდენად მისაღებია თქვენთვის არსებული თვითმმართველობის სისტემა?

- 80% — უფრო მიუღებელია, ვიდრე კი; 25% — სრულიად მიუღებელია; 10% — უფრო მისაღებია, ვიდრე არა; 2,5% — სრულიად მისაღებია; 5% — არ ციკნობ არსებულ მოდელს.

უნდა იყოს თუ არა სტუდენტური თვითმმართველობა ქვეყანაში მიმდინარე სოციალურ-პოლიტიკურ პროცესებში ჩართული?

- 40% — უნდა იყოს ჩართული; 28% — არ უნდა იყოს ჩართული; 32% — მიჭირს პასუხის გაცემა.

ვის მიერ უნდა წარიმართოს სტუდენტური ცხოვრება და აქტივობა?

- 50% — დამოუკიდებელი კლუბებისა და საინიციატივო ჯგუფების მიერ; 25% — სტუდენტური თვითმმართველობის მიერ; 10% — უნივერსიტეტის ადმინისტრაციის მიერ; 15% — მიჭირს პასუხის გაცემა.

არის თუ არა სტუდენტურ თვითმმართველობაში მოხვედრა კარიერული წინსვლის წინაპირობა?

- 35% — დიახ; 40% — არა; 25% — მიჭირს პასუხის გაცემა.



პროფესორ-მასწავლებლები ახალ მედიაში გადაამზადდნენ

29 ნოემბერს ივანე ჯავახიშვილის სახელობის თბილისის სახელმწიფო უნივერსიტეტში ჟურნალისტიკის და მასკომუნიკაციის დეპარტამენტის პროფესორ-მასწავლებლებს „დოიჩე ველეს“ აკადემიის სერტიფიკატები გადაეცათ.

ტრენინგი, რომელიც „დოიჩე ველეს“ აკადემიის და ივანე ჯავახიშვილის სახელობის თბილისის სახელმწიფო უნივერსიტეტს შორის თანამშრომლობის ფარგლებში განხორციელდა, 18-დან 29 ნოემბრამდე გრძელდებოდა და მას „დოიჩე ველეს“ აკადემიის ტრენინგები — ტორნსტენ კარგი და გაი დეგენი უძღვებოდნენ. ტრენინგში ჩართული იყო თსუ-ის სოციალურ და პოლიტიკურ მეცნიერებათა ფაკულტეტის ჟურნალისტიკისა და მასობრივი კომუნიკაციის მიმართულების 9 პროფესორი.

კვალიფიკაციის ამაღლების კურსის ფარგლებში პროფესორ-მასწავლებლები ახალ მედიაში გადაამზადდნენ. გადაამზადების შედეგად მომავალი სემესტრიდანვე განახლდება ჟურნალისტიკის პროგრამების სილაბუსები, დაინერგება ინოვაციური სწავლების მეთოდები.

სერტიფიკატების გადაცემის ღონისძიებაზე თსუ-ის ჟურნალისტიკისა და მასობრივი კომუნიკაციის მიმართულების ხელმძღვანელმა მარიამ გერსამიამ მსგავსი ტრენინგების მნიშვნელობაზე ისაუბრა. „ეს იყო პრაქტიკული გადაამზადების კურსები იმ პროფესორ-მასწავლებლებისთვის, რომლებიც სხვადასხვა მოდულურ პრაქტიკულ კურსებს უძღვებიან. ტრენინგის

მიზანი გახლდათ ინოვაციური მეთოდების დანერგვა სასწავლო პროცესში და ახალი ტექნოლოგიების გამოყენება სწავლებაში. ყველა, ვინც ამ ტრენინგში იყო ჩართული, მაღლობას უხდის თბილისის სახელმწიფო უნივერსიტეტს და „დოიჩე ველეს“ აკადემიას, ასეთი შესაძლებლობის მოცემისთვის. ჩვენ უკვე დავიწყეთ ახალი მეთოდების დანერგვა, მომავალი სემესტრიდან სილაბუსებში ყველა იმ ინოვაციას გავითვალისწინებთ, რაც ამ ტრენინგზე შევისწავლეთ“, — განაცხადა მან.

მონაწილეებს „დოიჩე ველეს“ სერტიფიკატები თსუ-ის რექტორმა აკადემიკოსმა ვლადიმერ პაპავამ გადასცა. მან აღნიშნა, რომ ნებისმიერი წამოწყება, რომელიც თანამშრომლობაზეა დაფუძნებული, საბოლოოდ დადებით შედეგებს გამოიღებს, მით უფრო, რომ ამგვარ პროექტებში პროფესორ-მასწავლებლები მონაწილეობენ.



გამოკითხვისას ასევე დასმული იყო ღია კითხვები, პასუხები სტუდენტებს წერილობითი სახით უნდა ჩამოეყალიბებინათ. მათ შორის იყო კითხვა — რა უნარ-ჩვევებს უნდა ფლობდნენ სტუდენტური თვითმმართველობის წევრები. პასუხებში ძირითადი აქცენტი რამდენიმე მახასიათებელზე გაკეთდა. ესენი გახლავთ — მაღალი პასუხისმგებლობა, უფლება-მოვალეობების ცოდნა, ორგანიზაციული ნიჭი და ქვეყნის მმართველ პარტიასთან კავშირის არ ქონა. ღია კითხვარს მიუკუთვნებოდა კითხვა სტუდენტური თვითმმართველობის ბიუჯეტის შესახებაც. პასუხების ანალიზის მიხედვით, სტუდენტები მიიჩნევენ, რომ სტუდენტურ თვითმმართველობას საკუთარი ბიუჯეტი არ უნდა ჰქონდეს და ბიუჯეტის შედგენა-ფორმირება ცალკე ორგანოს მიერ, სტუდენტებთან ერთად, ინტენსიური საჯარო განხილვების შედეგად უნდა ხდებოდეს.

აღმოსავლეთ-დასავლეთის მართვის ინსტიტუტის — GPAC-ის მიერ დაფინანსებული პროექტი დეკემბრის ბოლოს დასრულდება, რის შემდეგაც სოციალურ და პოლიტიკურ მეცნიერებათა ფაკულტეტის სტუდენტთა

საინიციატივო ჯგუფის წევრები განხორციელებული კვლევის შედეგებსა და სტუდენტური თვითმმართველობის ახალი კონცეფციის საბოლოო ვარიანტს თბილისის სახელმწიფო უნივერსიტეტის ხელმძღვანელობასა და განათლებისა და მეცნიერების სამინისტროს წარუდგენენ. ახალ კონცეფციას უახლოეს მომავალში გააცნობენ სპორტისა და ახალგაზრდულ საქმეთა სამინისტროში შექმნილ კომისიასაც, რომელიც სტუდენტური თვითმმართველობის რეფორმირების საკითხებზე მუშაობს. საინიციატივო ჯგუფს ასევე დაეგეგმილი აქვს ღონისძიებები, რომლებიც სტუდენტური თვითმმართველობის ინსტიტუტის შესახებ სტუდენტების ინფორმირებულობის გაზრდას ითვალისწინებს. მათ შორის არის საჯარო ლექციები და ზაქარ ბერიკაშვილი წაიკითხავენ. ამ ეტაპზე სოციალურ და პოლიტიკურ მეცნიერებათა ფაკულტეტის სტუდენტთა საინიციატივო ჯგუფის წევრები კვლევის შედეგებს და სტუდენტური თვითმმართველობის ახალ კონცეფციას თბილისის სახელმწიფო უნივერსიტეტის სტუდენტებსაც აცნობენ.



შალვა ნუსუზიძე



12-13 დეკემბერს ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის ფილოსოფიის სასწავლო-სამეცნიერო ინსტიტუტის ორგანიზებით უნივერსიტეტის ერთერთი დამფუძნებლის, გამორჩეული ფილოსოფოსისა და საზოგადო მოღვაწის, აკადემიკოს შალვა ნუსუზიძის დაბადებიდან 125 წლისთავისადმი მიძღვნილი ღონისძიებები გაიმართება.

12 დეკემბერს, 11 საათზე, კონფერენციის მონაწილანი თბილისის სახელმწიფო უნივერსიტეტის პანთეონში გვირგვინით შეამკობენ შალვა ნუსუზიძის ძეგლს, რის შემდეგაც დასწრებიან პარაკლისს. ასევე დაგეგმილია შალვა ნუსუზიძის იუბილესადმი მიძღვნილი გამოფენის გახსნა თსუ-ის მუზეუმში. გამოფენაზე გამოტანილი იქნება მისი პირადი არქივი და სამეცნიერო და საზოგადო მოღვაწეობის ამსახველი დოკუმენტები.

ამავე დღეს გაიხსნება საერთაშორისო სამეცნიერო კონფერენცია, რომელშიც, ძირითადად მიცნეირებთან ერთად, მონაწილეობენ მეცნიერები რუსეთიდან, ფინეთიდან, გერმანიიდან, რუმინეთიდან.

კონფერენციის ფარგლებში პროფესორი ბასილ ლურიე (სანაქ-პეტიარაუბი) წარმოადგენს შალვა ნუსუზიძის იუბილესადმი მიძღვნილი ნიშნის ელექტრონულ ვერსიას.

თსუ შალვა ნუსუზიძის დაბადებიდან 125 წლისთავს აღნიშნავს

შალვა ნუსუზიძის „თეზისი“: დასავლეთისადმი ინტელექტუალურ დამოკიდებულებას გოლო უნდა მოელოს



შალვა ნუსუზიძის დაბადებიდან 125 წლისთავისადმი მიძღვნილ საერთაშორისო სამეცნიერო კონფერენციაზე ცნობილი უცხოელი პროფესორები არეოპაგეტიკის შესახებ მეცნიერულ მსჯელობას გამართავენ. დასავლეთში არეოპაგეტიკული კორპუსის შესახებ ინტერესის ახალ ტალღაზე საუბრობს ფილოსოფიის დოქტორი დემურ ჯალაღონია, რომელიც კონფერენციაზე განსახილველ თემატიკას წარმოგიდგენს.

დემურ ჯალაღონია, ფილოსოფიის დოქტორი:

— შალვა ნუსუზიძის სამეცნიერო მემკვიდრეობიდან ცხადია, უნდა გამოიყოს არა მარტო ალთეოლოგიის (მოძღვრება ქრისტიანობაზე) დაფუძნება, არამედ აღმოსავლური რენესანსის თეორიაც, რომელმაც დიდი დანერგება გამოიწვია თავის დროზე და დღესაც დიდი ინტერესია ამის მიმართ.

ამა წლის 12 დეკემბრის საერთაშორისო კონფერენციის ჩატარების იდეა უცხოელი მეცნიერებიდან წამოვიდა. ნუსუზიძის თეორიებით ძალიან დაინტერესდა ცნობილი პროფესორი ბასილ ლურიე, რომელიც თბილისში 11 დეკემბერს ჩამობრძანდებოდა. ის ნაიკითხავს მოხსენებას, რომელიც არეოპაგეტიკის საკითხებს ეხება. გარდა ამისა, ველოდებით პროფესორ კორნელია ჰორნის (ჰუმბოლდტის უნივერსიტეტი, ბერლინი, გერმანია), რომელიც გაგვაცნობს თავის მოხსენებას თემაზე: „ქრისტიანული აპოკრიფა და ქართული ლიტერატურა: Status quaestinis და წინასწარი კვლევის პერსპექტივა“; ტომო ლანკილას (ჰელსინკის უნივერსიტეტი, ფინეთი), რომელიც ნაიკითხავს მოხსენებას „განახლებული დისკუსია არეოპაგეტიკული კორპუსის ავტორობის შესახებ“ და სხვებს. როგორც ჩანს, არეოპაგეტიკული კორპუსის შესახებ ინტერესი ახალი ტალღა იწყება და დასავლეთი შეუბრუნდა ამ თეორიას. რაც შეეხება კრებულს, რომელიც ამ კონფერენციაზე ბასილ ლურიეს მიერ იქნება წარმოდგენილი, ვფიქრობ, ის კიდევ ერთხელ ჩაუყრის საფუძველს არეოპაგეტიკის შესახებ მეცნიერულ მსჯელობას.

მე-20 საუკუნის 20-იანი წლებიდან შალვა ნუსუზიძემ გააკეთა ასეთი განაცხადი: დასავლეთისადმი ინტელექტუალურ დამოკიდებულებას ბოლო უნდა მოელოს და ეს შესაძლებელია გახდეს მხოლოდ მაშინ, როდესაც მიგნიდან დავეძღვეთ დასავლეთის აზროვნებას; უნდა დამტკიცდეს, რომ საამისოდ არა მარტო ისტორიული, არამედ ფაქტობრივი საბუთებიც არსებობს. მთელი მისი შემოქმედება ემსახურებოდა, თუ შეიძლება ასე ითქვას, ამ თეზისის „გახსნას“. მან რთული მისია დაისახა მიზნად. ეს მიზანი დღევანდელი გადასახედიდან ერთი დიდი პროექტია და ნებისმიერი ადამიანი, რომელიც ამ პროექტიდან თუნდაც ერთი პუნქტის შესრულებას შეძლებდა, ძალიან დიდ პიროვნებად წარმოჩნდებოდა.

შალვა ნუსუზიძის სახელი ორ დიდ უმ-

ნიშვნელოვანეს აღმოჩენას უკავშირდება. მან დამტკიცა, რომ ცნობილი არეოპაგეტიკული ნიგნების ავტორია მე-5 საუკუნის ქართველი მოღვაწე პეტრე იბერი. აღმოსავლური რენესანსის თეორიის შექმნით კი მან საკაცობრივ აზროვნებასა და კულტურულ-მეცნიერულ კვლევა-ძიებაში სრულიად ახალი სიტყვა თქვა. აღმოსავლური რენესანსი საუკუნეებით უსწრებს დასავლეთისას. დასავლეთის კულტურის ძირები აღმოსავლეთში... როგორც შალვა ნუსუზიძე იტყვოდა, ფსევდო დიონისე არეოპაგელის საიდუმლოება მე-5 საუკუნის სიმფონიაა. ბატონი შალვას შემოქმედება მიძღვნილი იყო აღმოსავლური რენესანსის თეორიის შესაქმნელად, სწორედ ამიტომ ბრძანა: ბოლო უნდა მოელოს დასავლეთისადმი ინტელექტუალურ დამოკიდებულებას. ამ სიტყვებში არ გულისხმობდა დასავლეთი ევროპას. ამით იგი ამბობდა, რომ ჩვენ საუკუნეებით წინ ვუწინრებთ დასავლეთის რენესანსს, რაც მან აღმოსავლური რენესანსის თეორიის შექმნით დაამტკიცა.

შალვა ნუსუზიძე: „როგორც გულს, ისა გაბარაბით უნივერსიტეტს“

დიდი ადამიანები უბრალოებაში იკარგებიან... ზოგჯერ იმდენად მიჩვეულნი ხართ, რომ თუ კონკრეტულად არ ჩაუღრმავდი თითოეულის პიროვნებასა და ღვაწლს, თუ ისტორიის გაცრეცილ ფურცლებზე მათ შესახებ ნაწერი კარგად არ ამოიკითხებ, ისე „უცნობად“ დარჩებიან შენთვის, თითქოს დიდი არაფერი შეუქმნიათ ამ ქვეყნად... დიდი ადამიანები საკუთარ თავზე დუმან ყოველთვის... თანამდებობა, წოდება, დამსახურებული ეპითეტი თუ სახელი ერთ სიტყვასა თუ ფრაზაში გამოითქმის – მის უკან კი ბობოქრობს „სპეციფიკური ადამიანური სიგანა“ განთავისუფლებული სული, რომელიც წვდება იმ სივრცეს, რასაც ქრისტიანობა შევსებს... სწორედ ასეთ მაღალ ცას მისწვდა შალვა ნუსუზიძე თავისი ინტელექტით, რომელიც თურმე უნივერსიტეტის დაარსებისთვის ბრძოლის იდეა ის კონცეფციაა დაურთო, რაც მისი ტარად და ქართველთა მომრიგებელ კერად ქცევას უკავშირდება. შალვა ნუსუზიძემ დიდ რუს მწერლებსაც კი მოაძებნია რუსული სალიტერატურო ენის ღრმა თავისებურებანი „ვეფხისტყაოსნის“ რუსულ ენაზე თარგმნით... მან ფილოსოფიური ძიებანის ის ვიწრო გზა განვლო, რის

დაძლევასაც დიდ მოაზროვნეთა შორისაც კი ცოტა მოახერხებდა ალბათ... ამიტომაც არაერთხელ შეურაცხვეს სიცოცხლეში – დენა და გარიყვა არ აცდა სიმართლის გზაზე მავალს. საბჭოთა იმპერიის კლანჭი მხოლოდ ფიზიკურად შეეხო, გონება და სული კი ვერ დაუთრგუნა ქვეშაირი ადამიანობის გზაზე „ნახეტიალეზულ“ მგზავრს. მეცნიერული კვლევა-ძიებით ირჩინა სახელი, რომელიც მუდამ ამოტივტივდება, როგორც კი პირველი ქართული უნივერსიტეტის ხეხეების მიზეზი გაჩნდება.

სიცოცხლეში ის არ დაფასეს, უნივერსიტეტიდან დენილ ორატორს, რომელზეც ლეგენდებიც კი დადიოდა, სიტყვასაც კი აღარ აძლევდნენ თავად უნივერსიტეტში, რუსთველოლოგს რუსთაველის იუბილზე დასწრების გზასაც უჭრიდნენ... სწორედ ამიტომ მართებს მისი ვალი დღევანდელ თაობას, რომელიც ვალდებულიც კია ბევრი უკირკიტოს შალვა ნუსუზიძის ცხოვრებისა და მოღვაწეობის დეტალებს.

გიორგი აფილი შტრიხები

უნივერსიტეტის ერთ-ერთი დამაარსებელი, ფილოსოფოსი, ქართული ფილოსოფიის აზროვნების მკვლევარი და ისტორიკოსი, ლიტერატურათმცოდნე, კულტუროლოგი, მთარგმნელი, უნივერსიტეტის პრორექტორი, საქართველოს მეცნიერებათა აკადემიის აკადემიკოსი შალვა ნუსუზიძე დაიბადა 1888 წლის 14 დეკემბერს სოფელ ფარცხანაყანეში. 1910 წელს დაამთავრა პეტერბურგის უნივერსიტეტი. უნდა აღინიშნოს, რომ 1911 წელს ლაიფციგში მან ნაიკითხა მოხსენებები ალთეოლოგიაზე. 1911-1914 წლებში ლაიფციგის უნივერსიტეტის სტუდენტია. 1916-1918 წლებში პეტერბურგის უნივერსიტეტის ლექტორია. 1918 წელს იყო თბილისის სახელმწიფო უნივერსიტეტის ერთერთი დამფუძნებელთაგანი. 1918-1953 და 1960-1969 წლებში ამავე უნივერსიტეტის პროფესორია. 1920-1929 წლებში იყო თსუ-ის პრორექტორი. 1925-1926 წლებში იყო ლაიფციგის უნივერსიტეტის მინვეფი პროფესორი. 1927 წელს მიენიჭა ფილოსოფიურ მეცნიერებათა დოქტორის სამეცნიერო ხარისხი. 1944 წელს არჩეულ იქნა საქართველოს მეცნიერებათა აკადემიის აკადემიკოსად.

აღსანიშნავია, რომ 1919-1921 წლებში შალვა ნუსუზიძე იყო საქართველოს დემოკრატიული რესპუბლიკის დამფუძნებელი კრების (პარლამენტის) წევრი საქართველოს სოციალ-ფედერალისტთა პარტიიდან. ბოლშევიკური რუსეთის მიერ საქართველოს ოკუპაციის შემდეგ იგი მუდმივად განიცდიდა დევნას საბჭოთა რეჟიმის მხრიდან: დაპატიმრებული იყო 1938-1940 წლებში, 1953-1960 წლებში გაძევებული იყო თბილისის სახელმწიფო უნივერსიტეტიდან და ჩამორთმეული ჰქონდა საქართველოს მეცნიერებათა აკადემიის აკადემიკოსობა.

დიდი მეცნიერი 1969 წელს გარდაიცვალა. დაკრძალულია თბილისის სახელმწიფო უნივერსიტეტის პანთეონში. წლების შემდეგ რეაბილიტირებული შალვა ნუსუზიძის სახელი მიენიჭა საბურთალოს რაიონის დასახლებას, რომელსაც დღესაც ეს სახელი ჰქვია.

ივანე ჯავახიშვილმა შამთხვევით არ დაუთმო პირველი სიტყვა შალვა ნუსუზიძეს

ქართული უნივერსიტეტის დაარსების იდეის მიმართ საზოგადოებრივი აზრი ერთიანი არ იყო. აზრთა სხვადასხვაობის გამო სერიოზული დაპირისპირება უძლოდა წინ უნივერსიტეტის გახსნას. არსებობდა მოსაზრება, რომ დაარსებულყო ქართული ტექნიკური უნივერსიტეტი (ეს გახლდათ ნიკო ნიკოლაძის იდეა). შეხვედრაზე, რომელზეც ეს საკითხი უნდა გადაწყვეტილიყო, ივანე ჯავახიშვილმა პირველი სიტყვა ბატონ შალვა ნუსუზიძეს დაუთმო შემდეგი სიტყვებით: მიდი, შალვა, აბა შენ იცი, დასცხე შენებურად!

შალვა ნუსუზიძემ, თავისი ბრწყინვალე ორატორული შესაძლებლობებიდან გამომდინარე, ნამდვილად მოახერხებდა აუდიტორიისა და მთელი ქართული საზოგადოების დარწმუნება იმაში, რომ აქ უნივერსიტეტი უნდა გახსნილიყო და არა რომელიმე სხვა ტიპის უმაღლესი სასწავლებელი, მათ შორის, ტექნიკური უნივერსიტეტი.

განსაკუთრებით უნდა აღინიშნოს ის გარემოებაც, რომ შალვა ნუსუზიძეს ქართული უნივერსიტეტის დაფუძნების მიზნით რუსეთშივე დაევალა აქტიური კავშირების დამყარება იქ მოღვაწე ქართველ მეცნიერებთან, რათა შეექმნა ის ბირთვი, რომელიც საფუძველს ჩაუყრიდა თბილისში ქართული უნივერსიტეტის დაარსებას. თუ გავითვალისწინებთ მაშინდელი კომუნიკაციისა და ურთიერთობების პრობლემას, ადვილი წარმოსადგენია, რამდენად რთული ამოცანა გახლდათ ასეთი კავშირების დამყარება და მეცნიერთა თავმოყრა.

შალვა ნუსუზიძე 9 წლის განმავლობაში იყო უნივერსიტეტის პრორექტორი, კათედრის გამგე... მისი უშუალო მონაწილეობით უნივერსიტეტში არაერთ სპეციალობასა და ახალ მიმართულებას ჩაეყარა საფუძველი. ცნობილია მისი განსაკუთრებული დამოკიდებულება ივანე ჯავახიშვილის მიმართ. როგორც პრორექტორი, იგი ხაზგასმით მიუთითებდა, რომ მზად იყო თავის თავზე აეღო ბევრი ადმინისტრაციული და მიმდინარე ტექნიკური საკითხების გადაწყვეტა, რათა ივანე ჯავახიშვილს, როგორც დიდ მეცნიერს, ჰქონოდა შესაძლებლობა — მეტი დრო დაეთმო მეცნიერული კვლევისათვის.

შალვა ნუსუზიძის ინიციატივითაა დაარსებული უნივერსიტეტის იურიდიული, ეკონომიკური და დასავლეთი ევროპის ენებისა და ლიტერატურის ფაკულტეტები.



შალვა ნუსუზიძე

მე-8 გვერდზე



ტსუ შალვა ნუცუბიძის დაბადებიდან 125 წლისთავს აღნიშნავს



მეშვიდე გვერდიდან

შალვა ნუცუბიძის ჩამოაყალიბა ქართული ფილოსოფიური სკოლა

შალვა ნუცუბიძე მე-20 საუკუნის 10-იანი წლებიდან 70 წლამდე ამშვენებდა ქართულ საზოგადოებას. იგი იყო გამოჩენილი ფილოსოფოსი, ქართული ფილოსოფიური სკოლის ფუძემდებელი, აღმოსავლური რენესანსის თეორიის შემქმნელი, დიდი მთარგმნელი, რუსთველოლოგი, მჭერ-მეტყველი და დიდი ორატორი. მისი მახვილ-გონიერება და მოსწრებული სიტყვა საკვებ-ნოდ ცნობილი გახლდათ. მასზე ლეგენდებს ჰყვებოდნენ...

შალვა ნუცუბიძის სამეცნიერო მოღვაწეობა შეიძლება დაიყოს ორ პერიოდად. პირველ პერიოდს ვუნოდებ მეტაფიზიკურ პერიოდს — ეს არის ორიგინალური აზროვნების პერიოდი, ხოლო მეორე პერიოდი — ეს არის ქართული ფილოსოფიის ისტორიის შექმნისა და ქართულ კლასიკურ საზოგადოებრივ სივრცეში აღმოსავლური რენესანსის იდეის წამოჭრის პერიოდი. მეტაფიზიკური პრობლემის ორიგინალურ პერიოდზე სპეციალურად შევიჩრდებ. რას ეძებდა შალვა ნუცუბიძე ალეთოლოგიურ რეალიზმში? იგი იკვლევდა, თუ რა არის ჭეშმარიტება? შესავალში ამბობს, რომ ზედა საფეხურზე ფილოსოფია არ არის საჭირო, ხოლო ქვედა საფეხურზე არ სჭირდება ფილოსოფია, ანუ ღმერთისთვის ფილოსოფია არ არის საჭირო, ცხოველთა სამყაროსთვის კი ფილოსოფიის გაგება მიზანშეწონილი არ არის. ე.ი. ფილოსოფოსობა ადამიანის უპირატესი უნარია. იმისათვის, რომ ადამიანმა მიაღწიოს ჭეშმარიტებას, საჭიროა იგი გათავისუფლდეს სპეციფიკური ადამიანურისაგან. თუ ადამიანი ამისგან არ გათავისუფლდა, ისე იგი ჭეშმარიტებას, ანუ ღმერთს ვერ ჩასწვდება. შალვა ნუცუბიძის მთელი ნაშრომი სწორედ იმის გარკვევას მიეძღვნა, თუ როგორ შეიძლება ადამიანი გათავისუფლდეს სპეციფიკური ადამიანურისგან და თუ მისგან გათავისუფლდა, მაშინ როგორ შეიძლება იგი, ამავდროულად, დარჩეს ადამიანად. ანუ, მისი აზრით, ადამიანში არის უფრო მეტი და ეს მეტი არის ის ირაციონალური, რომლითაც ადამიანი წევდება იმ საიდუმლოებას, რომელიც მასზე მეტია.

რატომ შეაჩერა შალვა ნუცუბიძემ კვლევა ამ მიმართულებით? ტოტალიტარული რეჟიმის დროს ფილოსოფია იქცა იდეოლოგიის მსახურად და იგი იძულებული იყო მოეძებნა მეორე გზა, რომელიც ფილოსოფიას ზიანს არ მიაყენებდა. მან სცადა ქართული ფილოსოფიური ნიაღვრის მიზიდვა და, თქვენ წარმოიდგინეთ, რომ აქაც დიდ წარმატებებს მიაღწია. შექმნა ქართული ფილოსოფიური ისტორიის ორტომეული. რაც ივანე ჯავახიშვილმა გააკეთა საქართველოს ისტორიისთვის, იგივე ღვაწლი დასდო შალვა ნუცუბიძემ ქართული ფილოსოფიის ისტორიას ამ ორტომეულით.

იპოვეს ადამიანი, რომელიც მათემატიკაში მის ნაცვლად ლექციებს წაიკითხავდა. შალვა ნუცუბიძეს უთქვამს, მომეცით ერთი კვირა და უმალეს მათემატიკაში მე წავიკითხავ ლექციებსო. მჯერა, რომ იგი ღირსეულად გაართმევდა ამას თავს.

შალვა ნუცუბიძე ფილოსოფიის შესავლის წინასიტყვაობას ასე ასრულებს: „მშობლიურ ნიადაგზე მეცნიერების აღორძინებამ ფრთები შეასხა არაერთ ოცნებას. წინამდებარე წიგნი ნაწილია ამ ოცნებათა განხორციელების რიურაჟისა. მასში ბევრი ნაკლია, მაგრამ ჩვენზე ბედნიერი თაობა, რომელიც სამშობლოს აღორძინების დღეს მოესწრება, გვაპატიებს იმ ბურუსს, რომელიც განთიადის თანმხლებია.“ შალვა ნუცუბიძემ ყველაფერი გააკეთა ამ ბურუსის გასაფანტად. მისი უდიდესი დამსახურებაა ის, რომ ქართული მათემატიკური და ქართული ფსიქოლოგიური სკოლების გვერდით ქართული ფილოსოფიური სკოლაც არსებობს.

ბატონი შალვა მეგობრობდა საქართველოს პატრიარქთან კალისტრატე ცინცაძესთან. ერთ ღამეს პატრიარქს შალვა ნუცუბიძისთვის უთქვამს: როგორ დაამშვენებდი სიონის ამბონს თქვენი ქადაგებებით. მაშინ შალვას სინანულით უპასუხია: პატრიარქი თუ არა, ეპისკოპოსი მაინც უნდა ვყოფილიყავიო. ბიბლიას, რომელიც საქართველოს კათოლიკოს პატრიარქს კალისტრატე ცინცაძეს ბატონი შალვასთვის უწუქებია, ასეთი წარწერა აქვს: „ორთა ხუცესთა ნამიერსა და სიბრძნისა მოყვარესა ჯუღღმულსა ამას სიბრძნისასა მიუძღვნის ხუცესთა უხუცესი“. ორთა ხუცესთა ნამიერი შალვა ნუცუბიძე გახლდათ, რომელსაც დედ-მამის მხრიდან ორივე ბაბუა მღვდელი ჰყავდა.

შალვა ნუცუბიძემ მთელი თავისი ცხოვრება და მოღვაწეობა მიუძღვნა სრულყოფილებისკენ სვლას, რამეთუ ფილოსოფია არის მოძრაობა სრულყოფილებისკენ, ჭეშმარიტებისკენ, ღვთისკენ... ხშირად ცდილობდნენ შალვა ნუცუბიძის შერეებას, მაგრამ მის „ყალყზე დამდგარ გონებას“ ვერაფერი დააკლეს. 1968 წლის ოქტომბრის ბოლო დღეებში მან კიდევ ერთხელ შეაბიჯა 93-ე აუდიტორიაში და წარმოთქვა: „ჩვენ, რაც შეგვეძლო, ყველაფერი გავეკეთეთ... (პაუზა) როგორც გულს, ისე გაბარებთ უნივერსიტეტს“ და გავიდა უნივერსიტეტიდან. მჯერა, რომ მისი სული ჩვენ ყველას ზეციური საქართველოდან დაგვანათის, განსაკუთრებით კი უნივერსიტეტს.

დამურ ჯალაღონია პროფესორი

შალვა ნუცუბიძის გამოცხადება ერთგვარი ფილოსოფიური თაგაპი — თვითონ შექმნა თაგაპის ნასაზიცი და ფიგურაჟიცი

მეცნიერის მემკვიდრეობის აქტუალობა იზომება იმ ქმედობის მიხედვით, რომელიც მას თანამედროვე კონტექსტში აქვს. შალვა ნუცუბიძის მდიდარი მემკვიდრეობიდან ჩვენ შეგვიძლია გამოვარჩიოთ ე.წ. ალეთოლოგიური რეალიზმის თეორია და აღმოსავლური რენესანსის თეორია. რენესანსის თემაზე მსჯელობა ნიშნავს



შალვა ნუცუბიძე და ჩეხი მწერალი იარომირი დელიჩეა

ჰუმანიზმის პრობლემაზე მსჯელობას. შეიძლება ითქვას, რომ ეს თემატიკა დღეს თანამედროვე ფილოსოფიური დისკუსიების ფოკუსშია მოქცეული. ეს არის ფილოსოფიური მსჯელობა ჭეშმარიტების არსის შესახებ და ჰუმანიზმის არსის შესახებ. სარტრმა და ჰაიდეგერმა, თავიანთი წერილებით ჰუმანიზმის შესახებ, შეაჯამეს მეოცე საუკუნის 50-იანი წლების ფილოსოფიური სიტუაცია და მომავლის ნიშნებზეც მიუთითეს. ამ თემის გარკვევას მიეძღვნა ე.წ. მოდერნოლოგისა და პოსტმოდერნოლოგის თეორიები და სხვ... რა არის Homo Humanus? ხომ არ ემუქრება მას გადალახვა ტექნოლოგიური მოდიფიკაციების ან ცივილიზაციითა შეჯახების პერსპექტივაში? ამ საკითხში გარკვევა 21-ე საუკუნეში ფილოსოფიის ძირითადი ამოცანაა. მაშასადამე, შალვა ნუცუბიძის მემკვიდრეობა „მეცნიერების ჩიხი“ კი არ არის, არამედ მაგისტრალურ ხაზზე გამყვანი გზაა.

ორიოდ სიტყვა მინდა ვთქვა შალვა ნუცუბიძის შემოქმედებით მეთოდზე, რომელიც არსებითად უკავშირდება ლამის ლეგენდად ქცეულ ნუცუბიძისეულ იუმორს. ესაა ე.წ. სოკრატული და კარტეზიანული მეთოდოლოგიური სკეფსისი — ანუ ყველაფრის ეჭვქვეშ დაყენება და ამ გზით უეჭველი ჭეშმარიტების გამოვლენა. სხვანაირად მას სოკრატული ირონიაც ეწოდება. ამ მეთოდით ხერხდება გაბატონებული სტანდარტების დარღვევა და აზროვნების თავისუფალ გზაზე გაყვანა. აქვე უნდა გავიხსენოთ დერიდეს დეკონსტრუქტივიზმის მეთოდი, ბატონის პოლიფონიურობა, ბაშლიანის ინტერტექსტუალობა, და კიდევ უფრო ცნობილი ნიც-შეს სასაცილო მეცნიერება, როგორც ინტერტექსტუალური თამაში ახალი წესებით. მისი მთავარი წესი ასეთია: თუბა შეიცავს (კოდირებულია) ფარულ საზრისს თავისივე ნეგატიურ-ირონიული ანტითეზის სახით. აქედან გამომდინარე, ნუცუბიძის „მემკვიდრეობა“ არ უნდა იქნას განხილული ტრადიციული „მეცნიერული თეორიის“ ფორმით. ის უნდა გავიგოთ როგორც კონტრპუტ-პესონაჟების ინტერტექსტუალური თამაში. ასეთი პერსონაჟებია ნუცუბიძისეული „ალეთოლოგიური რეალიზმი“ და „აღმოსავლური რენესანსი“.

მაგალითად: ერთ დღეს ნუცუბიძემ ლექციაზე დაგვიანა. უნივერსიტეტის დერეფანში შეხვდა რექტორი, რომელმაც პირდაპირ ვერ გაუბედა ბატონ შალვას საყვადურის თქმა და მხოლოდ ის ჰკითხა — „ბატონო შალვა, როდის იწყება ლექცია?“ — „როცა ლექტორი აუდიტორიაში შევა“, — მიუგია შალვა ნუცუბიძეს. მისივე ნათქვამია — „სადაც მე ლექციას წავიკითხავ, ფილოსოფიაში ნიშანი სტუდენტს კი არა, მერხსაც ეკუთვნისო“. ბევრია ისეთი ხუმრობა, რომელსაც ვერც ერთი გაბედული ჟურნალისტი ვერ გადაიტანს ქალაქში. ეს არის კარნავალური ტიპის იუმორი, რომელშიც ხორციელდება ყალბი ცნობიერების დეფიციენცია, დესაკრალაზაცია. შალვა ნუცუბიძე სწორედ ამ მეთოდს იყენებდა. ეს მეთოდი ღიაა შემოქმედებითობისათვის და ინტერპრეტაციისთვის.

ცნობილია მოწინააღმდეგის დებულების დარღვევა მისი აბსურდამდე მიყვანით. ამ მეთოდს იყენებდა შალვა ნუცუბიძეც. მაგალითად, იგი წერდა, რომ იოანე პეტრიწი პანთეისტი-მატერიალისტი იყო, რაც სრული აბსურდია და მართლაც სასაცილოა. დღეს ბევრი ფიქრობს, რომ ნუცუბიძის დებულებები მოქცეულა. სინამდვილეში, ნუცუბიძემ ძალიან კარგად იცოდა, რომ იოანე პეტრიწის მატერიალისტობაზე საუბარიც კი არ შეიძლება, მაგრამ ამით ის კომუნისტებს და მათ იდეოლოგიურ სტანდარტებს დასცინოდა, რადგან ამის დამჯერებელი ადამიანი, ფაქტობრივად, გამასხარავებულია.

არის კიდევ მეორე თეზისი, რომელიც ზოგიერთი თეოლოგის რისხვას იწვევს — თითქოს ეკლესიის დიდი მამები თეოლოგიურ სამოსში გახვეული ნეოპლატონიკოსები იყვნენ. ამით ნუცუბიძე ისევე იმ იდეოლოგიურ სტანდარტებს დასცინოდა.

შალვა ნუცუბიძისთან მიმართებაში ჩამოყალიბდა 4 ტიპის დამოკიდებულება. პირველი: ეპიგონობა. როგორც ყველა მოაზროვნეს, შალვა ნუცუბიძესაც ჰყავს ეპიგონები, ანუ მიმდევრები, რომლებიც მეცნიერებისთვის საინტერესო არ არიან (აქვე უნდა ვახსენოთ ფარული პლაგიატორებიც). მეორე: პოლემისტები, რომლებიც, ფაქტობრივად,

თსუ შალვა ნუცუბიძის დაბადებიდან 125 წლისთვის აღნიშნავს

მერვე გვერდიდან

საომარ მდგომარეობაში შედიან ნუცუბიძის ტექსტის, ცდილობენ ნუცუბიძის თეზისების სისტემის დეტალურად დარღვევას. ეს პოლიტიკური შეტევები სხვადასხვა მხრიდან ხორციელდება: ემპირიული მეცნიერებების პოზიციებიდან პოლიემპია, რომლის მიმდევრებიც ამტკიცებენ, რომ შალვა ნუცუბიძის თეზისები ფაქტებით არ დასტურდება; კრიტიკა თეოლოგიის პოზიციებიდან, რომლის მიხედვითაც ნუცუბიძის ჰიპოთეზები ერესად და მკრეხელობად მიიჩნევა: ზოგიერთი კრიტიკოსი კი მიიჩნევს, რომ შალვა ნუცუბიძის თეორიები ფილოსოფიურად არ არის დაფუძნებული. მესამე: ეს არის დისკუსიური დამოკიდებულება შალვა ნუცუბიძის ნააზრევთან, რომლის მიზანია საერთო ამოცანები გადაწყვეტა. ესენი იმ ტიპის მეცნიერები არიან, რომელთაც მართლა აინტერესებთ, არის თუ არა დიონისე არეოპაგელი პეტრე იბერი, აინტერესებთ – მართლა დაიწყო თუ არა რენესანსი საქართველოში და ა.შ. მეოთხე – ეს არის ფილოსოფიურ დიალოგში შესვლა ნუცუბიძის ფილოსოფიურ შემოქმედებასთან.

ამ ოთხი დამოკიდებულებიდან ყველაზე რელევანტურია დიალოგი. ნუცუბიძის თეორიის მიხედვით ქვეშარტება არის „წინალოგიური“ და „არსებულზე წარმატებული“. ამით ის ძლევს ე.წ. რელატივიზმს (ყველაფერი შეფარდებითია) და დეტერმინიზმს (ყველაფერი წინასწარ განსაზღვრულია). შალვა ნუცუბიძის კრიტიკას მასთან დიალოგში შესვლა სჯობს.

უკვე აღვნიშნეთ, რომ შალვა ნუცუბიძე ქმნიდა ერთგვარ პერსონაჟებს, რომლებიც მოძრაობენ სპეციფიკურ ფილოსოფიურ სივრცეში. მაგალითად, მის მიერ შექმნილი ცონცეპტ-პერსონაჟებია ვარაუდები, რომ დიონისე არეოპაგელი არის ქართველი პეტრე

რე იბერი, რომ რენესანსი დაიწყო საქართველოდან, რომ ქვეშარტება არის წინარელოგიური და ა.შ. ეს ისეთი „პერსონაჟებია“, რომლებთანაც ჩვენ მუდმივად გვინევს დიალოგში შესვლა. შალვა ნუცუბიძემ გამოიგონა ერთგვარი ფილოსოფიური თამაში — თვითონ შექმნა თამაშის წესებიც და ფიგურებიც და ჩვენ მუდმივად ჩართულნი ვართ ამ თამაშში, რომელიც მუდმივად იძლევა ინტერპრეტაციების საშუალებას. როცა თავად თამაშობდა ამ თამაშს, ის მაშინ საშუალოდ იყო, რადგან იდეოლოგიური წნეხის ქვეშ უნევედა ფიგურების გადაადგილება და ეს შესაძლოა საბედისწეროც გამხდარიყო. დღეს აღვთეოლოგიური ფიგურებით თამაშში საშუალოდ აღარ არის, მაგრამ კარგი თამაშია, რადგან ხელს უწყობს ჩვენი თავისუფალი აზროვნების განვითარებას.

ასე რომ, შალვა ნუცუბიძე მუდმივად რჩება ახალ-ახალი შემოქმედებითი იმპულსების უღრვ ნაყოფი და მისი ფიგურების გადათამაშება ყოველთვის სასურველი და სასარგებლო იქნება ფილოსოფიური აზროვნების განვითარებისათვის.

ირაკლი ბრაჭული,
ფილოსოფიის დოქტორი,
თსუ-ის ასოცირებული პროფესორი

„რუსთაველა გამოართვა აღმოსავლეთს და მისცა დასავლეთს“

(მოგონება)

სამწუხაროდ, სულ უფრო და უფრო მცირდება მათი რიცხვი, ვინც მოესწრო შალვა ნუცუბიძეს. მე ერთ-ერთი წარმომადგენელი ვარ იმ უკანასკნელი თაობისა, რომელსაც ახსოვს ბატონი შალვა. ქარ-

თულ მეცნიერებაში, ალბათ, ცოტა გვეგულდება ისეთი ადამიანი, რომელსაც შეეძლო ქართული კულტურის, ქართული სულიერების ფაქტები მსოფლიო ორბიტაზე გაეტანა და იგი მსოფლიო კულტურის ფაქტორად ექცია — ეს შალვა ნუცუბიძემ გააკეთა. მისი მჭერმეტყველების შესახებ ლეგენდებიც კი დადიოდა. მისი ცხოვრება სამშობლოს ცხოვრებას ჰგავდა: იყო დიდი აღზევების და დევნის, რეპრესიების პერიოდები.

მქონდა ბედნიერება, მენახა ბატონი შალვას მიმართ მისი უახლოესი მეგობრების დამოკიდებულება. ბატონ სიმონ ყაუხჩიშვილთან, ჩემს ხელმძღვანელთან, არაერთგვის მქონია საუბარი ბატონ შალვაზე და ყოველთვის მაცოცხლებდა ის, თუ როგორი მონივნებით საუბრობდა მეგობარი მეგობარზე, როგორ აფასებდა მის ნიჭს. მახსოვს, როდესაც პირველი კორპუსის ფოიეში შოთა რუსთაველის ბარელიეფი იხსნებოდა, დაირხა ხმები, რომ ბატონი შალვა აპირებდა სიტყვით გამოცხადებას. უნივერსიტეტს მოაწვდა უამრავი ხალხი. მაინტერესებდა, რას იტყვოდა იგი ისეთს, რაც საზოგადოების აღტაცებას გამოიწვევდა. დღესაც მახსოვს ის პათოსი... უნდა მოგახსენოთ, რომ ეს იყო მართლაც ერთ-ერთი ბრწყინვალე სიტყვა. მან თქვა: „რუსთაველმა გამოართვა აღმოსავლეთს და მისცა დასავლეთს. ...და რომ არა რუსთაველი, ძნელი წარმოსადგენია, როგორ წარმართებოდა დასავლეთის განვითარების გზა“. მაშინ ამ დებულებასთან დაკავშირებით კამათის სურვილი არავის გასჩენია. ამ სიტყვებმა მოხიბლა მთელი აუდიტორია, რადგან ეს საოცარი მიგნება იყო. მინდა გითხრათ, რომ ჩვენთვის ბატონი შალვა იყო ადამიანი, რომელმაც ლექციისა თუ მოხსენების კითხვა უმაღლესი ხელოვნების დონემდე აიყვანა. მისი ლექციის მოსასმენად მოდიოდნენ არა მარტო შემეცნებითი კმაყოფილების, არამედ ესთეტიკური კმაყოფილების მისაღებადაც — ეს ძალიან მნიშვნელოვანია.

რისაზა გორდუნიანი,
აკადემიკოსი

რატომ ანერდა ყველაფერზე ხელს ბრმა?

(მოგონება)

შალვა ნუცუბიძისთან პირადი ურთიერთობა არ მქონია, მხოლოდ ვიცოდი, რომ ის იყო დიდი მეცნიერი. მას პირველად მაშინ შევხვდი, როდესაც გადასახლებიდან დაბრუნდა. შალვა ნუცუბიძის ფილოსოფიაში ლექციების კითხვის უფლებას არ აძლევდნენ, ამიტომ იგი დასავლეთ ევროპის ფაკულტეტზე დასავლეთ ევროპის ლიტერატურის ისტორიას კითხულობდა. ნუ წამომართმევთ ტრაბახში, მაგრამ დასავლეთ ევროპის ლიტერატურის დიდი კორიფეების მნიშვნელოვან ნაწილს კარგად ვიცნობდი, მაგრამ შალვა ნუცუ-




ბიძის ლექცია სულ სხვა იყო — სრულიად სხვაგვარი გააზრება დასავლეთ ევროპის ლიტერატურის განვითარებისა. აუდიტორია გადაჭყდელი იყო და გულწრფელად ვამბობ, რომ მას მოშტერებული ვუყურებდი მანამ, სანამ საუბარს არ დაასრულებდა. ბატონ შალვას ჰქონდა შესტიკულაციის თავისებური მანერა, რაც თითქოს ნაწილი იყო მისი ლექციისა.

მახსენდება ასეთი რამ: მრგვალ მაგიდასთან სხედან კორნელი კეკელიძე და შალვა ნუცუბიძე. მე მათგან მოშორებით დავჯექი. მესმის, ბატონი კორნელი ეკითხება შალვას: მართალია, რასაც კი მოგიტანდნენ იქ, ყველაფერს ისე აწერდი ხელს, რომ არც კითხულობდი? ბატონმა შალვამ უპასუხა: ნამდვილად არ ვკითხულობდი, რადგან არ მსურდა, მცოდნოდა — რა ენერა იქო. ან რა მნიშვნელობა აქვს? არ მოვანერდი ხელს და თითებზე დამაძრობდნენ ფრჩხილებს და ისე მომანერინებდნენ. მე მაშინ აღვიქვი, თუ რა გამოიარა მან გადასახლებაში ყოფნის დროს. თუმცა, ჩემი, როგორც ახალგაზრდა ადამიანის რეაქცია მაშინ ასეთი იყო: არ მესიამოვნა ეს ფაქტი. მაგრამ რაც უფრო მეტი დრო გავიდა, მით უფრო დავრწმუნდი იმაში, რომ ეს იყო ერთადერთი სწორი გზა. ყველაფერზე ბრმად ხელისმონერით იგი ამბობდა: დამანებეთ თავი და მოშორდით აქედანო.

ჩვენ ქედი უნდა მოვიხაროთ ასეთი დიდი პიროვნების წინაშე. მინდა მადლობა ვუთხრა უნივერსიტეტის ხელმძღვანელობას და ყველას, ვინც შალვა ნუცუბიძის საიუბილეო თარიღის აღნიშვნაში მონაწილეობა მიიღო.

მარიამ ლორთქიფანიძე,
აკადემიკოსი



შალვა ნუცუბიძე კაბინეტში

როგორ ითარგმნა „ვეფხისტყაოსანი“

შალვა ნუცუბიძემ რუსულ ენაზე „ვეფხისტყაოსნის“ მეოთხე, სრული პოეტური თარგმანი შექმნა, თუმცა ამ პერიოდში მიმდინარე მოვლენები საზოგადოებისთვის უცნობია.

თარგმანი 1941 წელს მოსკოვში, სერგეი გოროდეცკის რედაქციით გამოიცა. აკადემიკოსი შალვა ნუცუბიძე რუსთაველის სახელობის ლიტერატურის ინსტიტუტის დირექტორისადმი მიწერილ წერილში „ვეფხისტყაოსნის“ თარგმნის ისტორიას აღწერს და დასაწყისში განმარტავს, რომ მოვლენების ზუსტი ქრონოლოგია ადვილად მისთვის უკვე ძნელია, რადგან ამ ამბებიდან 27 წელი გავიდა და თავად უკვე 80 წლისაა. ეს დოკუმენტი, რომელიც 1968 წლის 5 ნოემბრით თარიღდება, აჩვენებს, რომ „ვეფხისტყაოსნის“ თარგმნის ისტორია მეტად ბუნდოვან პირობებში მიმდინარეობდა.

შალვა ნუცუბიძე წერს, რომ 1938 წლის 31 აგვისტოს ტამისკარში მოულოდნელად დაპატიმრეს და თბილისში გადაიყვანეს. იგი იგონებს, რომ რამდენიმე დღეში, დაახლოებით ათი მცველის თანხლებით, გაიყვანეს ციხიდან და მოსკოვში, ლუბლიანკის ციხეში აღმოჩნდა.

შალვა ნუცუბიძის ბრალი 2 მუხლით წაუყენეს — 58/10 და 58/11, რომელიც გულისხმობდა კონტრრევოლუციურ საქმიანობას და პროპაგანდას და კონტრრევოლუციური მთავრობის სასარგებლოდ მშრომელი ხალხისა და რევოლუციური მოძრაობის წინააღმდეგ აქტიურ ქმედებას იმ პირის მიერ, რომელიც საპასუხისმგებლო თანამდებობაზე მოღვაწეობდა.

მოსკოვის ციხეში მას აცნობეს, რომ სტალინის დავალებით რუსულად უნდა ეთარგმნა შოთა რუსთაველის „ვეფხისტყაოსანი“. შალვა ნუცუბიძე წერილში წერს, რომ ამ ცნობის შემდეგ მისთვის ნათელი გახდა დაპატიმრების მიზეზიც და ისიც, რომ უშიშროებამ იცოდა — ამ პოემის თარგმნა მას დაპატიმრებამდე ჰქონდა დაწყებული.

რამდენიმე დღეში იგი გამოიძახეს და ჰკითხეს, სურდა თუ არა „ვეფხისტყაოსნის“ თარგმანის გაგრძელება. იგი დათანხმდა და მეორე დღიდანვე ახალი ცხოვრება დაიწყო — კამერაში გაჩნდა პოემის ქართული გამოცემა, პატიმართა საკვები „ბალანდის“ ნაცვლად, კი სადღიო ციხის ზედამხედველთა სასაბუღალტრო მიუტანეს. ყოველი კვირის ბოლოს თარგმანი ციხის საკინდან გაჰქონ-

დათ და სანამ არ გაათავისუფლეს, არ იცოდა, ვისთან მიჰქონდათ მის მიერ ნათარგმნი პნკარეგები.

შალვა ნუცუბიძე წერს, რომ ციხის ზედამხედველები აჩქარებდნენ, თავად კი მაქსიმალურად გაჰყავდა დრო სიცოცხლის გასახანგრძლივებლად.

1939 წლის 1 მაისს თარგმანი დაასრულა და როგორც ირკვევა, იგი სტალინს გადაუგზავნეს.

„ვეფხისტყაოსნის“ ნუცუბიძისეული თარგმანი 1940 წელს 22 ნოემბერს სტამბას ასაწყობად გადაეცა. ერთი თვის შემდეგ სასიგნალო გამოცემა უკვე მზად იყო.

სტალინის ასეთი ქმედება საზოგადოებისთვის დაფარული იყო, თუმცა პირველმა სასიგნალო ვეფხისტყაოსანმა, რომელიც საბჭოთა ბელადმა მთარგმნელს აჩუქა, შემოინახა სტალინის, როგორც კორექტორ-რედაქტორის კვალი — მასზე ლურჯი ფანქრითაა მინიშნებული დაწვნიებული და ჩასწორებული სტრიქონები. სტალინმა თარგმანში ორი ტაეპი ჩაასწორა, ასევე, შეცვალა სატიტულო ფურცელი, სადაც ხაზი გაუსვა, რომ თარგმანი ქართულიდან განხორციელდა.

„ვეფხისტყაოსნის“ სასიგნალო ვეფხისტყაოსანი გორში — სტალინის სახლ-მუზეუმში ინახება.




შალვა ნუცუბიძე ციხეში



შალვა ნუცუბიძის ბიოგრაფია თავიდან უნდა დაიწეროს!

ბიოგრაფია შალვა ნუცუბიძის ქალიშვილი თამარ ნუცუბიძე



— წლებადელი თარიღის აღნიშვნა იმითაც გამოირჩევა, რომ საერთაშორისო სამეცნიერო კონფერენცია ტარდება. ამავე დროს ინგლისურ ენაზე გამოდის შალვა ნუცუბიძის დაბადებიდან 125 წლისთავისადმი მიძღვნილი მემორიალური კრებული — „ქართული ქრისტიანული აზროვნება და მისი კულტურული კონტექსტი“, რომელიც ჰოლანდიაში დაიბეჭდა. ეს არის უმნიშვნელოვანესი ფაქტი მით უფრო, თუ ჩვენ გავიხსენებთ იმას, რომ მისი ბიოგრაფიის არცერთი თარიღი მის სიცოცხლეში არ აღნიშნულა.

ვინც მისი ბიოგრაფია იცის, და ასეთი ბევრია საქართველოში, დამეთანხმება, რომ იგი იყო დევნილი მეცნიერი, რადგან არაფრით — არც აზროვნებით, არც მენტალობით, არც მეტყველებით, არც მანერებით და, თქვენ წარმოიდგინეთ, არც ჰაბიტუსით არ იყო საბჭოთა მეცნიერის ტიპი. ამიტომაც ის ვერ ჩაჯდა საბჭოთა ჩარჩოებში. ერთხელ მას შეხვედრა მოუწყვეს აქ, უნივერსიტეტში და მან ასეთი რამ თქვა: ჩემმა ცხოვრებამ ისე გაიარა, რომ სამი მთავრობა გამოვიცვალე და ვერცერთს ვერ შევაყვარე თავიო. მართლაც ასე იყო — მიუხედავად იმისა, რომ იგი მთელი არსებით ემსახურებოდა ახალგაზრდობას, მეცნიერებას, კულტურას, ქვეყანას და სიკეთის მეტი არაფერი უკეთებია, მუდმივად დევნასა და შევიწროებას განიცდიდა — უკრძალავდნენ ფილოსოფიაში ლექციების კითხვას, ერთი პერიოდი უნივერსიტეტში საერთოდ აუკრძალეს მოღვაწეობა, დააპატიმრეს, როგორც ნაციონალისტი, ბურჟუაზიული ელემენტი... ეს, ცხადია, მის პოლიტიკურ მოღვაწეობასაც ეხებოდა. არიან მეცნიერები, რომლებიც მხოლოდ მეცნიერებით შემოიფარგლებიან. ეს არც ცუდია და არც გასაკვირი, მაგრამ არიან ისეთებიც, ვინც მეცნიერებასთან ერთად, აქტიურადაა ჩართული პოლიტიკურ პროცესებშიც, შალვა ნუცუბიძე სწორედ ასეთი იყო. მაშინ იდგა საქართველოს დამოუკიდებლობის საკითხი და მას არ შეეძლო არ დაეფიქსირებინა თავისი პოზიცია საქართველოსთან მიმართებაში — 1918 წელს მან ხელი მოაწერა საქართველოს დამოუკიდებლობის აქტს.

სხვათა შორის, შალვა ნუცუბიძის პოლიტიკური მოღვაწეობა შესწავლილი არ არის. ხანდახან საქართველოს პირველი რესპუბლიკის საიუბილეო თარიღს ისე აღნიშნავენ ხოლმე, რომ ჩვენს ოჯახს არც ინევენ, არადა, შალვა



ნუცუბიძის ხელმოწერა არის საქართველოს დამოუკიდებლობის აქტზე. ერთხელ რომ დაელო ტაბუ ამ საკითხს, დღესაც ინერციით გრძელდება. მგონია, რომ უკვე უნდა დაიწყო მუშაობა არქივზე და შალვა ნუცუბიძის, როგორც ფედერალისტური პარტიის აქტიური წევრის და საქართველოს დამოუკიდებლობის აქტზე ხელმომწერის, ბიოგრაფია თავიდან უნდა დაიწეროს. მისი დეგრადაცია და შევიწროება სწორედ აქედან იღებს სათავეს.

რაც შეეხება ამ ღონისძიებას, მინდა კიდევ ერთხელ ვთქვა, რომ შალვა ნუცუბიძის სამეცნიერო მემკვიდრეობის საერთაშორისო დონეზე განხილვა ძალიან მნიშვნელოვანია, რადგან სიცოცხლეში მას ეს არ ღირსებია. შალვა ნუცუბიძეს არასოდეს უშეგებდნენ უცხოეთში, მას უცხოელებს არც კი ახვედრებდნენ, არც მისი ნაშრომები გამოსულა უცხო ენებზე და არ გამხდრა ფართო სამეცნიერო მსჯელობის საგანი. დღეს ძალიან გვიხარია, რომ ამ სამეცნიერო კონფერენციაზე სხვადასხვა ქვეყნიდან — ამერიკიდან, ფინეთიდან, გერმანიიდან, რუმინეთიდან რუსეთიდან უცხოელები ჩამოდიან სწორედ იმ თემებით, რაზეც შალვა ნუცუბიძე მუშაობდა.

ფიქრობ, რომ დროა ევროპაში შალვა ნუცუბიძის მეცნიერული თეზისების პოპულარიზაცია დაიწყო. მან მოასწრო და, ვიდრე საბჭოთა მთავრობა დევნას დაუწყებდა, რამდენიმე ნაშრომი და ნიგნი გამოსცა საზღვარგარეთ, მაგრამ, როდესაც დაიწყო მუშაობა ქართულ რენესანსზე, პეტრე იბერისა და დიონისე არეოპაგელის იდენტობის საკითხზე, მისი პოპულარიზაცია უკვე შეჩერდა. ამიტომ მიხარია, რომ დღეს სწორედ ის ხალხი ჩამოდიან, რომლებიც აღმოსავლურ რენესანსზე და პეტრე იბერის საკითხებზე მუშაობენ. სხვათაშორის, მინდა ვთქვა, რომ უცხოეთში დღესაც გამოიცემა ნაშრომები ამ თემებზე ისე, რომ ნუცუბიძის ხსენებაც არ არის, არადა, აუცილებელია ითქვას, რომ ის ამ თემებზე ათეულობით წლის წინ მუშაობდა და გარკვეული დასკვნებიც აქვს. მან პირველმა დააყენა პეტრე იბერისა და დიონისე არეოპაგელის იდენტობის საკითხი. დღეს ამ მოსაზრების მომხრეებიც არიან და მონინალმდებლებიც, მაგრამ ვერც ერთმა მონინალმდებელმა ვერ გააბათილა ნუცუბიძე-პონიგანის თეორია — ეს ერთადერთი თეორიაა, რომელიც ამტკიცებს რომ დიონისე არეოპაგელი ქართველი პეტრე იბერია. ვფიქრობ, საქართველო უნდა ჩაერთოს ამ დისკუსიაში.

ასევე საინტერესოა, რომ შალვა ნუცუბიძე იყო პირველი, ვინც

ამტკიცებდა, რომ შუასაუკუნეების რენესანსის საწყისი საქართველოშია. მის ამ თეორიას ძალიან ბევრი მომხრე ჰყავდა და მიმართა, რომ ამ თეორიის აქტიური განხილვა უნდა დაიწყო.

აქვე უნდა ვთქვა, რომ შალვა ნუცუბიძის არქივსაც იგივე ბედი ეწია, რაც თავად მას. როდესაც ის დააპატიმრეს, მას ბინაც ჩამოართვეს, ჩხრეკების დროს მისი საარქივო მასალაც განიავდა და დაიკარგა, მაგრამ რაც დარჩა, ჩვენ მოვავროვეთ და მის ოჯახში ვინახავთ — გვინდა, რომ იგი დამუშაოთ და გამოვაქვეყნოთ. ამ არქივის მეშვეობით ძალიან ბევრი რამ გამოჩნდება და გამოიკვეთება, მაგალითად მისი მოღვაწეობის პოლიტიკური მხარე, მისი სულიერება — კავშირები ქართულ ეკლესიასთან (პატრიარქები სთხოვდნენ გამოსასვლელი სიტყვის დაწერას). ეს არქივი დაეხმარება მკვლევრებს, რომ შეიქმნას შალვა ნუცუბიძის სრული პორტრეტი.

შალვა ნუცუბიძე მატარებელი იყო იმ ოცნებებისა, რასაც ერქვა თავისუფალი საქართველო, დამოუკიდებელი საქართველო... იგი იყო პოლიტიკური მოღვაწე, პარლამენტის წევრი, რომელიც მოესწრო საქართველოს დამოუკიდებლობას, მაგრამ ბოლოს თავზე დაამხეს ეს თავისუფლება. ამიტომ იგი ცხოვრობდა ფარული ეროვნული სევედით, რასაც მისი ოჯახის წევრები მუდამ ვგრძნობდით. იგი ხშირად წარმოთქვამდა ბარათაშვილის სიტყვებს, ძალიან ხშირად ჩილაპარაკებდა ხოლმე: „ხედავთ, ვით არის კადნიერებით შეკრების ჩვენზე უსჯულოება...“ ან „მეც თქვენს შორის ვარ მეომარი!“ — ამ სიტყვებს იმეორებდა ხშირად და ასე აგრძელებდა ცხოვრებას. ურჯულოებს ეძახდა რუსებს, რომლებმაც გადმოლახეს ჩვენი საზღვარი და ნაუკიდეს ცეცხლი ჩვენს მიწას. როდესაც 7 ნოემბრის და 1 მაისის დღესასწაულები მოახლოვდებოდა, ქალაქიდან გარბოდა. „მე ამათი „ვაშა“ და „ურას“ გაგონება არ შემიძლია, შემატყობინეთ, ყველა პლაკატს რომ ჩამოხსნიან, მაშინ დავბრუნდები“, — ასე გვიბარებდა. „მე მოვესწრები, შვილო, რომ რუსები საქართველოდან წავლენ“, — სულ ამას იმეორებდა, რასაც, სამწუხაროდ, იგი ვერ მოესწრო.

ერთხელ მამამ ილია ჭავჭავაძის სახლმუზეუმის დასათვალისწინებლად საგურამოში წავიყვანა. ჩვენ შევიარეთ ნინამურში, შევიჩერდით ობელისკთან და დავინახე, რომ მამაჩემს თვალები ცრემლებით ჰქონდა სავსე. მისი ასეთი დამოკიდებულება ძალიან დამამახსოვრდა. როდესაც რუსთაველზე მივდიოდით, მთავრობის

სახლის წინ ცილინდრს მოიხდიდა ხოლმე: „აქ, შვილო, იუნიკრებია დასაფლავებული“, — იტყოდა და გვიყვებოდა მათ ამბავს. ერთხელ კინოში წავედით, ვნახეთ „მამლუქი“. როდესაც გამოვედით, ვხედავ, მამას სახე შემოიღო ჰქონდა. მომიბრუნდა და მითხრა: „მე ეს ფილმი არ უნდა მენახა“. იგი ყველაფერს განიცდიდა.

აი, ასეთ კაცს დევნიდნენ და ავიწროებდნენ. ბევრს ეცადნენ, რომ მისთვის სახელი გაეტეხათ, შეურაცხყოფაც ბევრჯერ მიაყენეს... მახსოვს, უნივერსიტეტის 50 წლისთავისადმი მიძღვნილი იუბილესთვის საგანგებოდ როგორ მოემზადა, (მას ძალიან უყვარდა კობხაძე ჩაცმა) კოსტუმის ჯიბეში თეთრი ცხვირსახოცის ჩადებაც არ დაავიწყდა. მიდიოდა ამაყად, იგი ხომ მისი ერთერთი დამაარსებელი იყო. მაგრამ სიტყვაც კი არ მისცეს.

მამა არც რუსთაველის იუბილესე მინივს. ერთმა უცხოელმა მეცნიერმა განაცხადა: „მე ჩამოვედი იმ ქვეყანაში, სადაც შალვა ნუცუბიძემ აღმოსავლური რენესანსის დროშა ააფრიალა და მასთან შეხვედრა მსურს“, მაგრამ არ შეახვედრეს, ვითომდა ავადმყოფობის მიზეზით.

80 წლის ასაკში, როგორც იქნა, მისთვის იუბილეს აღნიშვნა გადაწყდა. სახლში გვითხრა: როდესაც იუბილესე გამოვალ,

მადლობას კი არ გადავუხდით მთავრობას და პარტიას, არამედ ვიტყვი: „მთავრობამ ყველაფერიც გამიკეთა, მაგრამ ვერაფერიც ვერ დამაკლო“. მაგრამ იუბილესე არ შედგა. შალვა ნუცუბიძე მალევე გარდაიცვალა.

მთავრობამ გამოიტანა დადგენილება მემორიალური დაფის გაკეთების შესახებ. ასევე მიიღეს გადაწყვეტილება, ერთერთ ქუჩას მისი სახელი დაერქოდა. დედამ ითხოვა, შალვა ნუცუბიძის სახელი პეროვსკაიას ქუჩას მიწიჭებოდა, სადაც ჩვენ ვცხოვრობდით, მაგრამ ამაზე მტკიცე უარი მიიღო. არგუმენტად კი დაუსახელეს ის, რომ სოფი პეროვსკაია ცნობილი რევოლუციონერი იყო.

დაისვა მისი დაკრძალვის საკითხი. დამკრძალავი კომისიის თავმჯდომარედ გიორგი ჯიბლაძე დაინიშნა. როგორც გავიგეთ, ზოგიერთი მეცნიერი წინააღმდეგი იყო, იგი უნივერსიტეტში დაეკრძალათ, რადგან მას უნივერსიტეტში ლექციების კითხვა აკრძალული ჰქონდა.

ბატონმა გიორგიმ დედას უთხრა: მივალნიე, რომ იგი დიდუბის პანთეონში დავასაფლავოთო. დედამ უპასუხა: დიდი მადლობა, მაგრამ შალვას კომუნისტებისგან არც სიცოცხლეში არ უნდა არაფერი და არც საფლავი უნდა მაგათიო. საბოლოოდ, ალბათ, საზოგადოების განწყობამაც იმოქმედა და იგი უნივერსიტეტში დაკრძალეს.

საფლავიც დიდხანს იყო მოუვლელი. დედა წავიდა ფოსტაში და პირდაპირ შევარდნაძეს გაუგზავნა დეპეშა, სადაც წერდა, რომ თუ სახელმწიფოს არ შესწევს ძალა — საფლავს მოუაროს, მაშინ სხვაგან გადავასვენებთო. ამის შემდეგ, საფლავზე სქელ ფენად სასწრაფოდ დაასხეს ბეტონი. მოგვიანებით მაშინდელი მინისტრთა საბჭოს თავმჯდომარის ზურაბ პატარიძის განკარგულებით, ძეგლიც დადგეს. მართალია, იგი კომუნისტური იყო, მაგრამ იცოდა შალვა ნუცუბიძის პიროვნების მნიშვნელობა.



შალვა ნუცუბიძე, მისი მეუღლე — ქეთევან კლიმიაშვილი და შვილები — თამარ და თამაზ ნუცუბიძეები აგარაკზე გლდანში.



ერთგვარი სიღრმისეულობა მეცნიერებასა და ბიზნესის კონკრეტულ სფეროებს შორის

2013 წლის 13 სექტემბერს თსუ-ის სრულ პროფესორს, ეკონომიკურ მეცნიერებათა დოქტორს ეთერ ხარაიშვილს ივანე ჯავახიშვილის სახელობის თბილისის სახელმწიფო უნივერსიტეტის სამეცნიერო და სასწავლო პროცესის განვითარებაში შეტანილი განსაკუთრებული დამსახურებისთვის ივანე ჯავახიშვილის სახელობის მედალი მიენიჭა. მანამდე, 2013 წელს, ეთერ ხარაიშვილი ღირსების ორდენითა და დაჯილდოვდა; კიდევ ერთი ძალიან მნიშვნელოვანი ამბავი, რაც ქალბატონი ეთერის ცხოვრებაში წელს მოხდა — ქვეყნად ახლად მოვლენილი ტყუპების: ალექსანდრესა და ანდრეას ბებობა გახლავთ. სწორედ ჩვენს ხელთ არსებული ეს სასიამოვნო ინფორმაციები გახდა საბაზისი იმისა, რომ ქალბატონი ეთერს კათედრაზე ვნეოდით და მისი საქმიანობისა თუ პიროვნების შესახებ უფრო ვრცლად გვესაუბრა.

ბავშვობაში ეკონომისტობასა და მეცნიერებაზე არ ფიქრობდა, თუმცა, ისე მოხდა, რომ ილია ვეკუას ერთმა გადაწყვეტილებამ მთლიანად შეცვალა ეთერ ხარაიშვილის მიზნები და ცხოვრება.

ეთერ ხარაიშვილის მოგონებებიდან

„დავიბადე ზემო იმერეთის ერთ-ერთ ულამაზეს სოფელ ხვანში, თუმცა, ძალიან მალე, ოჯახი საცხოვრებლად ჭიათურაში გადავიდა, რომელიც მაშინ ძალიან აქტიური ქალაქი იყო თეატრით, ხელოვნებით, საინტერესო ადამიანებით. აქ წარჩინებით დავამთავრე მე-2 საშუალო სკოლა, მაგრამ საჩხერი-სადმი და ჩემი სოფლისადმი დიდი სიყვარული ყოველთვის მქონდა, რადგან იქ მყავდა ბებია და ბაბუა: გიორგი ხარაიშვილი და შუშანა კომლაძე — სავანელი ქალბატონი. არდადეგებზე ერთი სული მქონდა, როდის გავემგზავრებოდი მათთან. ბაბუის დანატარებელი მცირე ნაკვები მერგო, სადაც პატარა აგარაკი მაქვს და სიამოვნებით ვაგრძელებ მის ფესვებზე ცხოვრებას.



სია მათ შორის. წარუშლელი შთაბეჭდილება მივიღე მაშინ და მიხვდი, რომ უნივერსიტეტი მართლაც ჩემი სათაყვანებელი ადგილი იქნებოდა როგორც განათლების, ასევე ცხოვრების ყოველდღიური საზრდოს მოცემის თვალსაზრისით.

კარიერული გზა

ინტერვიუ პროფესორ ეთერ ხარაიშვილთან

— რამდენად ადვილი იყო კარიერის გაკეთება ეკონომიკურ მეცნიერებაში ქალისთვის?

— იყო გარკვეული პრობლემები, მაგრამ ეს არც ისე რთულია, თუ ძალიან კარგად ხარ ორგანიზებული და დროს კარგად დაგეგმავს შეგიძლია. ამასთან, აუცილებელია, ოჯახიც ხელს გინყობდეს. თუ ეს ორი პარამეტრი ოპტიმალურ თანხვედრაშია, მაშინ, ალბათ, ქალი შეძლებს დასახული მიზნების მიღწევას. ჯერ კიდევ სტუდენტობის პერიოდში სტუდენტთა სამეცნიერო წრეს ვხელმძღვანელობდი და ჩართული ვიყავი აქტიურ საქმიანობაში. სადიპლომო ნაშრომის გაკეთების შემდეგ პროფესორმა ითარ სალარეიშვილმა შემომთავაზა, რომ დავრჩენილიყავი უნივერსიტეტში და ჩემი სადიპლომო ნაშრომი სადისერტაციო თემად გამეგრძელებინა. ვფიქრობ, რომ უნივერსიტეტში ყოველთვის იყო და დღესაც არის გარემო, სადაც შრომისმოყვარე ადამიანს შეუძლია ადგილის მოძებნა და თუ ამას ოჯახის მხარდაჭერაც დაემატება, მაშინ კარიერის გაკეთება არც ქალს გაუჭირდება.

— ჩვენს ქვეყანაში ბევრი რამ რადიკალურად შეიცვალა, მათ შორის მეცნიერების ცხოვრებაც. თქვენ შეძელით ამ ცვლილებებს მიჰყოლოდით. რამ შევინყოთ ამაში ხელი?

— როდესაც დიდი გარდატეხა და ცვლილებები მოხდა, საჭირო გახდა ადამიანების რადიკალური გარდაქმნა მოეხერხებინათ როგორც ეკონომიკაში, ისე საკუთარ პიროვნებასა და მენტალობაში. იმ ძალიან მძიმე პერიოდში ეკონომიკის ფაქტობრივად დატოვების მოადგილე ვახლდით. დეკანი იყო პროფესორი ელგუჯა მექვაბიშვილი. ჩვენ და საბედნიეროდ, მოვახერხეთ,

ეთერ ხარაიშვილი 97-ზე მეტი სამეცნიერო ნაშრომის ავტორია, მათ შორის 6 სახელმძღვანელო და 2 მონოგრაფია: „კონკურენციისა და კონკურენტუნარიანობის შეფასების პრობლემატიკა საქართველოში აგრესიის სპექტრში“ და „აგრესიის ეკონომიკური კომპლექსის ეკონომიკურ-ორგანიზაციული მექანიზმები და მისი სრულყოფის მიზნობრივობა“. კავშირგაბმული და კვლევითი საქმიანობის პარალელურად მიკროეკონომიკის კათედრას ხელმძღვანელობს; აქვს საერთაშორისო ორგანიზაციებთან, მსოფლიოს ნაშთად სამეცნიერო ცენტრებთან და სასწავლო დაწესებულებებთან თანამშრომლობის დიდი გამოცდილება; მონაწილეობდა ბაეროს განვითარების პროგრამასა და TEMPUS TESIS-ის პროექტებში. არის საქართველოს ეკონომიკურ მეცნიერებათა აკადემიის ნაწევრი, აგრარული ეკონომიკის ევროპული ასოციაციის წევრი და ბუნების ისტორიის ევროპული აკადემიის ნაწევრი. მისი ხელმძღვანელობით მომზადდა მრავალი სადისერტაციო ნაშრომი; აქტიურად მონაწილეობს საერთაშორისო კონფერენციებში და სასწავლო პროცესის განვითარებასთან დაკავშირებულ შეხვედრებში შვიტარის, გერმანიის, იტალიის ნაშთად უნივერსიტეტებთან.

ტემპუს-ტასისის ორი პროექტის მოპოვება: ერთერთი მათგანი წარმოებასთან კავშირითიერთობისა და სტუდენტთა დასაქმების ოფისის შექმნას ითვალისწინებდა, რომელიც ჩართულნი იყვნენ: საბერძნეთიდან ათენის პირეუსის ტექნოლოგიური ინსტიტუტი და ლონდონიდან ბრუნელის ინსტიტუტი. ამ პროექტის წარმატებით

როსასურსათი სექტორს შეეხება.

— უნივერსიტეტი წარმოუდგენელია სამეცნიერო-კვლევითი მუშაობის გარეშე. სამეცნიერო სფეროში მიღებული პროექტები გვაძლევს საშუალებას, რომ სასწავლო პროცესიც მაღალ დონეზე წარმართოს. თუმცა, პრობლემას ვხედავ იმაში, რომ საჭიროა კვლევებში ახალი მეთოდოლოგიების

ეთერ ხარაიშვილს თსუ-ის სამეცნიერო და სასწავლო პროცესის განვითარებაში შეტანილი განსაკუთრებული დამსახურებისათვის ივანე ჯავახიშვილის სახელობის მედალი მიენიჭა.

გავლის შემდეგ შევძელით ტემპუს-ტასისში დამოუკიდებლად წარვედგინა მეორე პროექტი, რომელიც ითვალისწინებდა ინფორმაციისა და ლიბერალური განათლების უმაღლესი ცენტრის შექმნას არა მარტო ბრუნელის უნივერსიტეტთან, არამედ ირლანდიის ტრინიტი კოლეჯთან და საფრანგეთის გრენობლის უნივერსიტეტთან ერთად. ეს იყო 90-წლების ბოლოს. ამ პროექტის საშუალებით ჩვენ შევძელით მაღლივ კორპუსში პირველად კომპიუტერების შემოტანა და მათი ინტერნეტში ჩართვა, რათა უზრუნველყოფილი ყოფილიყო თბილისის სახელმწიფო უნივერსიტეტის კავშირი ევროპის ნაშთად უნივერსიტეტებთან. ამ პროექტის ფარგლებში მომიხდა რამდენიმე საზაფხულო სკოლის გაყვანა ბრუნელის უნივერსიტეტში, ტრინიტი კოლეჯში, რომლებიც სილაბუსის დაწერას, ახალი კურიკულუმის შედგენის მეთოდისა და ასეთი ტიპის აქტიურ საკითხებს შეეხებოდა და მიხვდი, რომ დიდი მუშაობა იყო საჭირო, რათა ახალი აზროვნების წესზე გადავსულიყავით. გარდა ამისა, იყო პროექტები ფონდ „ლია საზოგადოება — საქართველოს“ მხრიდან, რომაც ძალიან დიდი გარდატეხა მოახდინა სტუდენტთა სწავლებაში ახლებური დამოკიდებულებების ჩამოყალიბების თვალსაზრისით.

გამოყენება. ეს კვლევის მისიასაც მისცემს გამართლებას, რადგან კვლევა მარტო მეცნიერებისთვის არ უნდა კეთდებოდეს... მისი მომხმარებლები უნდა იყვნენ ასევე სამთავრობო სექტორი, ბიზნეს ერთეულები, თუნდაც აკადემიური წრეები და სტუდენტები. მხოლოდ სისტემურ მეთოდოლოგიაზე დაფუძნებული კვლევა იქნება რეალური, რომელსაც პრაქტიკაშიც გამოიყენებენ. თუ ამ კუთხით მივუდგებით კვლევების განხორციელებას, შეკვეთებიც გვექნება. ამ თვალსაზრისით, აუცილებელია თანამშრომლობა. ჩვენ გვაქვს კავშირი რამდენიმე უნივერსიტეტთან, მათ შორის ციურისის ტექნოლოგიურ უნივერსიტეტთან შვეიცარიაში. ეს გახლავთ ინსტიტუტი, რომელსაც აქვს შემუშავებული მეთოდოლოგია, როგორ დაითვალონ პროდუქტის, ფირმის, დარგის კონკურენტუნარიანობა. ინსტიტუტი მრავალ შეკვეთას იღებს, მათ შორის იაპონელებისგანაც, რომლებსაც აინტერესებთ როგორ გათვალონ, მაგალითად, ბრინჯის კონკურენტუნარიანობა. ამჟამად ციურისში საქმიანობა ჩვენი თანამშრომელ ფატიმა მამარდაშვილი, რომელმაც იქ დაიცვა სადოქტორო დისერტაცია. მასთან და პროფესორ რობერტ იორინთან ერთად შევიმუშავეთ კვლევა ქართული აგროსასურსათო პროდუქტების კონკურენტუნარიანობის გამოსავლენად. ჩემს მონოგრაფიაში კვლევის ნაწილი სწორედ ქართული პროდუქტების კონკურენტუნარიანობის გაანგარიშებასა და შეფასებას ეძღვნება.

2006 წელს შევქმენით მიკროეკონომიკის კათედრა, რომელსაც დღემდე ვხელმძღვანელობ. მოგეხსენებათ, სასწავლო კურსები სტუდენტებისთვის რამდენიმე ნაწილად არის დაყოფილი, ეს არის: ძირითად ცოდნაზე ორიენტირებული კურსები, გაღრმავებული სპეც-ცოდნაზე ორიენტირებული კურსები და ზოგადი უნარების ჩამოყალიბებაზე ორიენტირებული კურსები. მიკროეკონომიკა სწორედ ის საგანი იყო, რომელსაც ძირითად ცოდნაზე ორიენტირებული კურსების როლი უნდა შეესრულებინა. საყრდენი ბაზა გვექონდა და ევროპული ტიპის სახელმძღვანელოებზე დაყრდნობით შევძელით კათედრისა და ახალი სახელმძღვანელო კურსების შექმნა.

— თუ ინტერესდება ჩვენი ბიზნესი სამეცნიერო პროდუქტით და თქვენთან თანამშრომლობით?

— დღევანდელ ეტაპზე ნაკლებად ვიტყვი, რომ ერთგვარი ხილჩატეხილობაა მეცნიერებასა და ბიზნესის კონკრეტულ სფეროებს შორის. აქ ორმხრივი თანამშრომლობაა საჭირო. თუმცა, პირველი ნაბიჯები უკვე იდგმება, რაც ძალიან სასიხარულოა. მაგალითად, ბატონ გოგი თოფაძის ინიციატივით, ჩვენ ამჟამად შევქმენით სამუშაო ჯგუფი, რომელიც შეისწავლის სოფლად გადამამუშავებელი საწარმოების ამოქმედების შესაძლებლობებს და ქართუ-

ლი პროდუქტების უვნებლობის ხარისხთან დაკავშირებულ საკითხებს (ევროპულ ბაზარზე გასვლა ფაქტობრივად შეუძლებელია ხარისხისა და კონკურენტუნარიანობის მაჩვენებლების გარეშე).

— ოქტომბერში სოფლის მეურნეობის ეკონომისტების ევროპული ასოციაციის მე-13 კონგრესზე თქვენი და მარინა ნაცვალაძის მიერ მომზადებული კვლევა — „ბიო-პროდუქტები, როგორც საქართველოს სოფლის მეურნეობის მდგრადი განვითარების საფუძველი“ ერთერთ საუკეთესო კვლევად აღიარეს. საინტერესოა, რა პერსპექტივები აქვს ამ მიმართულებაში საქართველოს?


— ჩვენი ნიშა ევროპულ ბაზარზე ძირითადად იქნება ბიოპროდუქტების წარმოება. სხვაგვარად, განსაკუთრებული ნიშის მონახვის გარეშე, მცირე ქვეყანას ძალიან გაუჭირდება კონკურენცია. აქ მნიშვნელოვანია ის, რომ საქართველოს სოფლის მეურნეობაში ჯერ კიდევ ნაკლებად იყენებენ ქიმიურ პესტიციდებსა და სასუქებს, რის გამოც ნიადაგის შესაბამისი კონდიციაში მოყვანას მცირე დრო დასჭირდება. თუმცა, ბიო-მეურნეობების შექმნა კვლევას მოითხოვს, რომ დადგინდეს მომხმარებელთა დამოკიდებულება ამ პროდუქტებისადმი და მწარმოებელთა მზადყოფნა მისი მიწოდებისთვის, ასევე, ევროპულ ბაზარზე გასვლის შესაძლებლობები და შესაძლო კონკურენტები. ამავე დროს, სურსათის უვნებლობა არის აუცილებელი პირობა ევროპულ ბაზარზე შესასვლელად, რაც, ჯერჯერობით, ჩვენი სუსტი მხარეა.

— დღეს უნივერსიტეტს ახალი რექტორი აქვს. რა სიახლეები ელით უნივერსიტეტში?

— მივესალმები, რომ რექტორი პროფესორი ეკონომისტი, რაც ორმაგად სასიხარულოა ჩვენთვის. ამავე დროს, ბატონ ლადო პაპავას კარგი მენეჯერული თვისებები და გამოცდილება აქვს. უნივერსიტეტისთვის კარგი მენეჯერი და კარგი ეკონომიკური განათლების მქონე პიროვნება ნამდვილად წარმატების საწინდარი იქნება, ამაში დარწმუნებული ვარ.

ველოდები სასწავლო გეგმების კიდევ ერთხელ სრულყოფას და დოქტორანტურაში გარკვეულ ცვლილებებს, რათა დოქტორანტებს საშუალება მიეცეთ, რაც შეიძლება სწრაფად ჩაერთონ სასწავლო პროცესში და ასევე, აქტიური მონაწილეობა მიიღონ გაცვლით პროგრამებში. მნიშვნელოვანია ისიც, რომ უნივერსიტეტმა შეინარჩუნოს ნიჭიერი კადრები. ამიტომ, მოხარული ვიქნები, თუ ამ მიმართულებებში ცვლილებები იქნება.

მომზადდა
ლელა კურდღელაშვილი



ქ რ ო ნ ი კ ა

თსუ-სა და „მაიქროსოფტ საქართველოს“ შორის თანამშრომლობის მემორანდუმი გაფორმდა



ივანე ჯავახიშვილის სახელობის თბილისის სახელმწიფო უნივერსიტეტსა და „მაიქროსოფტ საქართველოს“ შორის 22 ნოემბერს თანამშრომლობის მემორანდუმი გაფორმდა. მემორანდუმს თსუ-ის ვიცე-რექტორმა მარინე ჩიტაშვილმა და „მაიქროსოფტ საქართველოს“ გენერალურმა მენეჯერმა დავით ასათიანმა მოაწერეს ხელი.

უნივერსიტეტთან გაფორმებული ხელშეკრულების თანახმად, უნივერსიტეტი და მაიქროსოფტი აღიარებენ უმაღლესი აკადემიური და პროფესიული განათლების სფეროში საინფორმაციო და საკომუნიკაციო ტექნოლოგიების წვდომისა და გამოყენების გაუმჯობესების საჭიროებას. მხარეები ერთობლივად იმუშავებენ საგანმანათლებლო სექტორში სათანადოდ ლიცენზირებული

პროგრამების გამოყენების თვალსაზრისით. უნივერსიტეტი მაიკროსოფტის დახმარებით გააგრძელებს ინფორმაციის ინტელექტუალური საკუთრების უფლების მნიშვნელობისა და საგანმანათლებლო სექტორში პროგრამების სათანადო გამოყენების შესახებ.

მოპარული კომპიუტერული პროგრამებით ჩვენს ქვეყანაში, თითქმის თანაბრად სარგებლობენ, როგორც კერძო სექტორში, ისე სახელმწიფო დაწესებულებებში. საბედნიეროდ, თბილისის სახელმწიფო უნივერსიტეტი პატივს სცემს ინტელექტუალურ საკუთრებას და არ სარგებლობს ნაქურდალი კომპიუტერული პროგრამებით. მაიკროსოფტთან გაფორმებული მემორანდუმი ამ პოზიციის გამყარებისაკენ გადადგმული კიდევ ერთი ნაბიჯია.

თსუ-სა და ევროპის საბჭოს ერთობლივი კონფერენცია



ივანე ჯავახიშვილის სახელობის თბილისის სახელმწიფო უნივერსიტეტში საქართველოს მიერ ევროპის საბჭოს ფარგლებში აღებული ვალდებულებების შესრულების განხილვა გაიმართა. ვალდებულება ტრეფიკინგის წინააღმდეგ ევროპული კონვენციის ხეობა. ამ თემაზე თსუ-სა და ევროპის საბჭოს ერთობლივი კონფერენცია გაიმართა.

„ტრეფიკინგი ერთ-ერთი მძიმე და გავრცელებული საერთაშორისო ორგანიზებული დანაშაულია. ყველა დემოკრატიული ქვეყნის ვალდებულებაა ადამიანებით ვაჭრობის წინააღმდეგ შესაბამისი ეფექტური ღონისძიებები იყოს გატარებული, გამართულად მოქმედებდეს ყველა შესაბამისი ინსტიტუტი თუ სისტემა. ეს შეხვედრა წარმოაჩენს იმ პრობლემებს, რომელიც ამ მიმართულებით ჩვენ გვაქვს და იმ გზებს, როგორ შეიძლება ეს პრობლემები გადაიჭრას ევროსაბჭოს დახმარებით“, — აღნიშნა უზენაესი სასამართლოს თავმჯდომარემ კონსტანტინე კუბლაშვილმა.

კონფერენცია ტრეფიკინგის წინააღმდეგ ევროპული კონვენციის განხორციელების შესახებ ევროპის საბჭოს ექსპერტთა ჯგუფის (GRETA) მიერ საქართველოს თაობაზე მომზადებულ ანგარიშსა და რეკომენდაციების შესრულებას ეძღვნება.

კონფერენციაში საქართველოს აღმასრულებელი, საკანონმდებლო და სასამართლო ხელისუფლების, სახალხო დამცველის აპარატის წარმომადგენლები, საქართველოში ადამიანთ ვაჭრობის (ტრეფიკინგის) წინააღმდეგ მომუშავე საერთაშორისო ორგანიზაციების, აკრედიტებული დიპლომატიური კორპუსისა და საქართველოს არასამთავრობო ორგანიზაციების წარმომადგენლები მონაწილეობდნენ.

VI რესპუბლიკური ონომატოლოგიური სესია



ონომასტიკის განვითარებას დიდი მნიშვნელობა აქვს ქვეყნის წარსულის, ისტორიის შესწავლის საქმეში, ამიტომ ამ დარგის ხელშეწყობა მეტად მნიშვნელოვანია სახელმწიფოსათვისაც, — ითქვა VI რესპუბლიკური ონომასტიკური სესიაზე, რომელიც 29-30 ნოემბერს თსუ-ის ჰუმანიტარულ მეცნიერებათა ფაკულტეტის ქართული ენის ინსტიტუტთან არსებული ქართველური ონომასტიკის სამეცნიერო კვლევითი ცენტრის ორგანიზებით გაიმართა.

„ონომასტიკის სამეცნიერო-კვლევითი ცენტრი, რომელსაც დიდი ტრადიციები გააჩნია, საბედნიეროდ, დღესაც განაგრძობს მუშაობას, თუმცა, ადრეულ წლებთან შედარებით, კვლევები დიდი ინტენსივობით აღარ ტარდება. გაჩნდა იმედი, რომ ახალ რეალობაში, როდესაც მიმდინარეობს

ახალი პროგრამების დამუშავება, ცენტრსაც გაუჩნდა შანსი, უფრო სრულყოფილად იმუშაოს. პირველ რიგში, კომპიუტერშია გადასატანი ის უამრავი მასალა, რაც დაგროვდა ამ წლების მანძილზე და რომლებიც აქამდე ყუთებში ინახებოდა. ამ საქმის გაგრძელება საშუაური საქმეა. იმედი გვაქვს, რომ მომავალში ექსპედიციებიც აღდგება. დღევანდელი სესია ამ მხრივაც არის მნიშვნელოვანი, რომ აქ წარმოდგენილია ახალი კვლევები და მისასალმებელია ისიც, რომ მუშაობაში ჩაერთვნენ სტუდენტებიც“, — განაცხადა პროფესორმა რამაზ ჭურდაძემ.

VI რესპუბლიკური ონომასტიკური სესიის მუშაობაში მონაწილეობა მიიღეს ბათუმის, გორის, სოხუმის, ქუთაისის უნივერსიტეტის პროფესორებმა და სტუდენტებმა, რომლებმაც ამ სფეროში ახალი კვლევები წარმოადგინეს.

უსინათლოთათვის განკუთვნილი კუთხის პრაქტიკა თსუ-ის ბიბლიოთეკაში



რით სარგებლობა შეუძლია ყველას, ვისაც სჭირდება ამგვარი ტექნიკითა და ლიტერატურით სარგებლობა“, — აღნიშნა თსუ-ის ბიბლიოთეკის დირექტორმა ზურაბ გაიპარაშვილმა.

პროექტის ავტორის, თსუ-ის სტუდენტის ყარამან-გიორგი ბერიძის თქმით, კუთხე სტუდენტების მიერ ორგანიზებული პროექტის მიხედვით და ბიბლიოთეკის მხარდაჭერით მოეწყო. თსუ-ის ბიბლიოთეკაში არსებული აპარატურის მეშვეობით საქართველოში პირველად ინტერნეტი სრულად ხელმისაწვდომი გახდა უსინათლოთათვის. უნივერსიტეტის ბიბლიოთეკის შოთა რუსთაველის სახელობის სამკითხველო დარბაზში კუთხე აღჭურვილია სპეციალური კომპიუტერებით, პრინტერებით, დისკებითა და ლიტერატურით: წარმოდგენილია კომპიუტერის კლავიატურა ბრაილის შრიფტით; დაპროგრამებული პრინტერი, რომელსაც ინტერნეტში განთავსებული ნებისმიერი ტექსტი გადაჰყავს და ბეჭდავს ბრაილის შრიფტით; კომპიუტერები, რომელშიც ჩატვირთულია სპეციალური პროგრამა. მომხმარებელს ამ პროგრამის საშუალებით ნებისმიერი ვებ-გვერდის ნავიგაცია აუდიოვერსიით შეუძლია.

ივანე ჯავახიშვილის სახელობის თბილისის სახელმწიფო უნივერსიტეტის ბიბლიოთეკაში შეზღუდული შესაძლებლობების მქონე (უსინათლო) სტუდენტებისთვის განკუთვნილი სამკითხველო კუთხე გაიხსნა.

თსუ-ის რექტორის პირველი მოადგილის, აკადემიკოს ლევან ალექსიძის განცხადებით: „პროგრამა სოროსის ფონდის მიერ არის დაფინანსებული და დანარჩენი ჩვენზეა დამოკიდებული რამდენად წარმატებით გამოიყენებთ ამ შესანიშნავ კუთხეს. დღეიდან თსუ-ში არის კუთხე, სადაც შეზღუდული შესაძლებლობების მქონე პირებს სხვა სტუდენტებთან ერთად შეუძლიათ თავისუფლად მოვიდნენ და მიიღონ ის ინფორმაცია, რომელიც მათ სჭირდებათ.“

„ძალიან მნიშვნელოვანია, რომ ამ პროექტის ინიციატორები არიან თავად ახალგაზრდები, რომლებიც თავიანთ თანატოლებზე, შეზღუდული შესაძლებლობების მქონე ახალგაზრდებზე ზრუნავენ. უნივერსიტეტის ბიბლიოთეკის კარი ღიაა არა მხოლოდ უნივერსიტეტის სტუდენტებისა და თანამშრომლებისათვის, არამედ ყველასათვის. ამ ტექნიკით და ამ ლიტერატურ-

მასწავლებელთა I კონფერენცია



უნივერსიტეტი – სკოლას, სკოლა – უნივერსიტეტს“, სკოლისა და უნივერსიტეტის მაქსიმალური ინტეგრაცია, ტრადიციული აკადემიური ურთიერთობების აღდგენა და განვითარება – ასეთი გახლდათ მასწავლებელთა I კონფერენციის მთავარი იდეა, რომელიც 29-30 ნოემბერს თსუ-ის ჰუმანიტარულ მეცნიერებათა ფაკულტეტის პედაგოგიკის სასწავლო-სამეცნიერო ინსტიტუტის ორგანიზებით გაიმართა.

კონფერენციის მიზანი გახლდათ უმაღლეს და საშუალო სკოლას შორის აკადემიური ურთიერთობების განვითარება-გაღრმავება, მონაწილეებს შორის ცოდნისა და გამოცდილების გაზიარება, რაც, თავის მხრივ, ხელს შეუწყობს სწავლების ხარისხის გაზრდას როგორც საშუალო, ისე უმაღლეს სკოლაში და განავითარებს პედაგოგიკის მეცნიერების თეორიასა და პრაქტიკას. კონფერენცია სამი მიმართულებით მუშაობდა: პედაგოგიკა — აღზრდის მეცნიერება; საგნის სწავლების მეთოდიკა; მასწავლებლის პროფესია და განათლების სამართლებრივი საფუძვლები.

მასწავლებელთა I კონფერენციაზე ბევრი საინტერესო მოხსენება წაიკითხეს: „დანეხებითი საფეხურის მასწავლებელთა

სერტიფიცირება — პრობლემები და პერსპექტივები“ (მომხსენებელი: სოფიო დოლიძე, გამოცდებისა და შეფასების ეროვნული ცენტრი, ზოგადი უნარების ჯგუფის ხელმძღვანელი, თსუ-ის მონვეული მასწავლებელი); „თსუ საბავშვო უნივერსიტეტის სკოლასთან თანამშრომლობის ძირითადი ასპექტები“ (მომხსენებელი: მარინა ლომოური, „თსუ-ის საბავშვო უნივერსიტეტის“ კოორდინატორი.); „სპეციალური განათლების ეთიკური ასპექტები“ (მომხსენებელი: ფანა კვაჭაძე, მასწავლებელთა პროფესიული განვითარების ეროვნული ცენტრის ინკლუზიური და სპეციალური განათლების განვითარების პროგრამის კოორდინატორი); „ინგლისური ენის სწავლების სტანდარტთან შესაბამისობა I კლასებში“ (მომხსენებელი: ია ღვინაძე, კერძო სკოლა მარჯის პედაგოგი); „ეფექტური კომუნიკაციის როლი პედაგოგთა პროფესიული განვითარების საქმეში“ (მომხსენებელი: ამირან ჯამაგიძე, პირველი კლასიკური გიმნაზიის დირექტორი) და სხვ.

კონფერენციამ ორი დღის განმავლობაში ნაყოფიერად იმუშავა და სამომავლო გეგმებიც დასახა.

მომზადდა თამარ ლაღინაძე



ირაკლი ბურდულაძე „სააქციო სამართლის საფუძვლების“ II ტომი გამოსცა



ნათო მობლავაძე

ირაკლი ბურდულაძის მონოგრაფიის „სააქციო სამართლის საფუძვლები“ II ტომის პრეზენტაცია თბილისის სახელმწიფო უნივერსიტეტში 29 ნოემბერს გამართდა. აკადემიური საზოგადოების შეფასებით, ნაშრომი დიდი შენაძენია როგორც თეორეტიკოსი, ასევე, პრაქტიკოსი იური-სტებისთვის, სტუდენტებისთვის და, ზოგადად, საკორპორაციო სამართლის დანტერესებულნი მკითხველისთვის. პროფესორ გიორგი ჯუღელის თქმით, წიგნი ავსებს იმ სიცარიელეს, რომელიც საკორპორაციო სამართალში ქართული სამეცნიერო ლიტერატურის თვალსაზრისით არსებობდა და მასში სააქციო საზოგადოების ორგანიზაციული მოწყობის საკითხებთან ერთად განხილულია თანამედროვე, პოპულარული დისციპლინის — კორპორაციული მართვის ელემენტებიც.



იურიდიული ფაკულტეტის დეკანმა, პროფესორმა ირაკლი ბურდულაძემ მონოგრაფიაზე მუშაობა 2009 წელს დაიწყო და მონოგრაფიის I ტომი 2010 წელს გამოსცა, სადაც, ძირითადად, განხილულია სააქციო სამართლის ისტორია და სააქციო საზოგადოების სტატუსი, მისი კაპიტალი და ქონება, აქციის ცნება და სააქციო საზოგადოების დაფუძნების საკითხები.

„ეს მეტად მნიშვნელოვანი იყო ჩემთვის, რადგან ქართველებს ამ სამართლებრივი ფორმის მდიდარი ტრადიცია გვქონდა. ეროვნულ ბიბლიოთეკაში უხვად მოვიპოვე ის წესდებები, რომელთა საფუძველზეც იმ დროისთვის დიდი კორპორაციები იყო შექმნილი. I ტომში ასევე საუბარია კაპიტალიზაციაზე, სააქციო საზოგადოებაში ქონებრივ ურთიერთობებზე და ა.შ. მონოგრაფიის პირველი ნაწილი სააქციო საზოგადოების დაარსების საკითხის განხილვით სრულდება“, — აღნიშნა ნაშრომის პრეზენტაციაზე ირაკლი ბურდულაძემ.

რაც შეეხება „სააქციო საზოგადოების საფუძვლების“ II ტომს, მასში სააქციო საზოგადოების, როგორც სამენარმეო საქმიანობის განმარტოცილებელი ერთ-ერთი სამართლებრივი ფორმის, მომწესრიგებელი ნორმა-დებულებებია განხილული. უფრო კონკრეტულად კი აქციონერთა, დირექტორატის, სამეთვალყურეო საბჭოს და ა.შ. უფლება-მოვალეობებია გაანალიზებული. ირაკლი ბურდულაძემ მონოგრაფიის II ნაწილზე მუშაობა ლუდვიგ მაქსიმლიანის მიუნხენის უნივერსიტეტში (გერმანია) მიმდინარე წლის ზაფხულში დაასრულა. აღსანიშნავია, რომ ამ დროისთვის მიმდინარეობს საქართველოს სამენარმეო სამართლის რეფორმა. შექმნილია სპეციალური კომისია პროფესორ ლადო ჭანტუიას ხელმძღვანელობით, რომლის ერთ-ერთი წევრიც პროფესორი ირაკლი ბურდულაძეა. კომისიამ უკვე დაასრულა მუშაობა კანონპროექტზე. ირაკლი ბურდულაძის ინფორმაციით, ახალ კანონპროექტზე მუშაობისას გათვალისწინებულია სააქციო საზოგადოების ნევრთა უფლება-მოვალეობების ის მარეგულირებელი ნორმები, რომელიც „სააქციო საზოგადოების საფუძვლებში“ განხილული. კანონპროექტის ძალაში შესვლის შემდგომ კომისიის წევრები საქართველოში ეკონომიკური ურთიერთობებისა და, ზოგადად, ბიზნეს-გარემოს გაუმჯობესებას პროგნოზირებენ.

„II ტომში გადაწყვიტე მეჩვენებინა ის რეალური სტრუქტურული ელემენტები, რომელიც სააქციო საზოგადოებას აქვს, რადგან სააქციო სამართალი და მთლიანად საკორპორაციო სამართალი სხვა არაფერია, თუ არა გარკვევა იმისა, თუ რა უფლება-მოვალეობა აქვს სააქციო საზოგადოებაში აქციონერს, დირექტორატს და ა.შ. პირველ რიგში აქციონერების უფლება-მოვალეობების განხილვა დაიწყო და შესაბამისად ეს საკითხი II ტომის პირველ ნაწილშია შესული. სააქციო საზოგადოებაში ადგილი, სადაც აქციონერი თავის უფლებებს პროცედურულად ახორციელებს, გახლავთ საერთო კრება, ამიტომ მეორე ნაწილი ამ თემას ეხება. 2008 წლიდან ჩვენ, გარკვეულწილად, მმართველობის შერეულ მოდელზე გადავიდით. შესაბამისად, მონოგრაფიის მომდევნო თავები დირექტორატის საქმიანობასა და სამეთვალყურეო საბჭოს ეძღვნება“, — განაცხადა მონოგრაფიის ავტორმა.

სამენარმეო სამართლის და ზოგადად საკორპორაციო სამართლის დარგის უკეთ შესწავლის, კვლევების გააქტიურებისა და განვითარების მიზნით იურიდიულ ფაკულტეტზე დეკანის, ირაკლი ბურდულაძის ინიციატივით რამდენიმე წელია საკორპორაციო, საბანკო და ეკონომიკური სამართლის ინსტიტუტი მოქმედებს, სადაც კვლევით პროცესში მაგისტრანტები და დოქტორანტებიც აქტიურად არიან ჩართულნი. აღნიშნული კვლევები ხელს უწყობს საკორპორაციო სამართლის თეორიული სწავლების პროცესში კანონმდებლობაში მიმდინარე ცვლილებების დროულ ასახვას. მაგალითად, ირაკლი

ბურდულაძის ინიციატივით, 2008 წელს, როდესაც სამენარმეო სამართალში საკმაოდ ბევრი ცვლილება შევიდა, მოხდა საკორპორაციო სამართლის მოდულის შესაბამისი მოდიფიცირება. წიგნის „სააქციო სამართლის საფუძვლები“ II ტომის პრეზენტაციაზე იურიდიულ ფაკულტეტზე მიმდინარე აქტიური სამეცნიერო მუშაობის მიმდინარეობისა და მნიშვნელობის შესახებ თსუ-ის რექტორმა ვლადიმერ პაპავამაც ისაუბრა.

„იურიდიული ფაკულტეტის საკმაოდ ხშირი სტუმარი ვარ და ყოველთვის ძალზე საინტერესო მიზნით. ეს ან კონფერენციაა, ან სტუდენტებისთვის სტიპენდიის მინიჭება, ან წიგნის პრეზენტაცია. ეს ყველაფერი დასტურია, თუ რამდენად პროდუქტიულია ეს ფაკულტეტი და რამდენად დიდ საქმეებს ახორციელებენ პროფესორ-მასწავლებლები. ძალზე მნიშვნელოვანია პროფესორ ირაკლი ბურდულაძის წიგნის „სააქციო სამართლის საფუძვლები“ II ტომის გამოცემა. ეს წიგნი მისი შრომის გარკვეული ეტაპის დასრულების ამსახველია და სტუდენტებსაც უკვე აქვე შესაძლებლობა — მონოგრაფიის საშუალებით უფრო სრულყოფილად შეისწავლონ საგანი. ჩვენს ბიბლიოთეკას კიდევ ერთი საჭირო სახელმძღვანელო შეემატა“, — განაცხადა თსუ-ის რექტორმა, აკადემიკოსმა ვლადიმერ პაპავამ.

მონოგრაფია „სააქციო სამართლის საფუძვლები“ III ტომის გამოცემით დასრულდება. ირაკლი ბურდულაძის ინფორმაციით, მასში სააქციო საზოგადოების რეორგანიზაციისა და ლიკვიდაციის საკითხები იქნება განხილული.



XIX საუკუნის ლიტერატურის ღირსება

პურთსია პაროშვილი

საქართველოს საპატრიარქოს წმიდა ანდრია პირველწოდებულის სახელობის უნივერსიტეტში გამართულ „ქართული ლიტერატურის“ ოთხტომეულის პრეზენტაციაზე ითქვა, რომ „ეს წიგნები ხელს შეუწყობს ახალგაზრდა თაობის თვალსაზრისის გაფართოებას და ქართული ლიტერატურის საფუძვლიანად შესწავლას“. ოთხტომეული შედგენილია პროფესორების: რევაზ სირაძის, იუზა ევგენიძის, ლადო მინაშვილის, გია ალიბეგაშვილის, ავთანდილ ნიკოლეიშვილისა და ნესტან სულავას მიერ და იგი ქართული ლიტერატურის ისტორიას ასახავს, რომელიც უძველესი პერიოდიდან იწყება და XX საუკუნემდე გრძელდება. მასში ქართული ლიტერატურის განვითარების გზა და ძირითადი ტენდენციებია ნარმოჩენილი. ოთხ-



ტომეული იაკობ ხუცესით იწყება და ოთარ ჭილაძის შემოქმედებით სრულდება.

ქართული ლიტერატურის II ტომს, რომელსაც ამჯერად მკითხველის წინაშე წარვადგენთ, ორი ავტორი ჰყავს: ლადო მინაშვილი და იუზა ევგენიძე. ლადო მინაშვილის თქმით, წიგნის მიზანია, მკითხველს ნათლად დაანახოს XIX საუკუნის ლიტერატურის ღირსება და აჩვენოს, რომ ყოველი მომდევნო ეტაპი წინას ლოგიკურ გაგრძელებას წარმოადგენს. წიგნი მოგვითხრობს ქართველ მწერალთა ცხოვრებისა და მოღვაწეობის შესახებ; გვაცნობს მათი ლიტერატურული მემკვიდრეობის ძირითად პრობლემატიკას, თემატიკას, მხატვრულ სამყაროს, ქართული ლიტერატურის ტენდენციებს მისი არსებობისა და განვითარების სხვადასხვა ეტაპზე.

წიგნს უძღვის შესავალი — „ახალი ქართული ლიტერატურის სათავეებთან“. მასში მე-19 საუკუნეში შექმნილი ახალი სოციალურ-პოლიტიკური, ეკონომიკური თუ კულტურული ვითარების გათვალისწინებით განხილულია, თუ რა პირობები დაედო საფუძვლად ახალი ქართული ლიტერატურის სპეციფიკური თავისებურებების ჩამოყალიბებას.

ნაშრომი დაყოფილია ხუთ ნაწილად, რომელთაგან თითოეული XIX საუკუნის ქართული ლიტერატურის ერთ ეტაპს გამოხატავს. ყოველ მათგანს ნამძღვარებული აქვს კონკრეტული პერიოდის თეორიული მიმოხილვა, რაც მკითხველს საჭირო ინფორმაციას აწვდის და უადვილებს იმდროინდელ ავტორთა ნააზრების სწორად და სიღრმისეულად წვდომას. წიგნის პირველი ნაწილი XIX საუკუნის რომანტიკოსთა შემოქმედებას ეთმობა, მომდევნო ნაწილი კი ნარმოდგენილია XIX საუკუნის 40-50-იანი წლების კულტურული ლიტერატურული პროცესების მიმოხილ-

ვა, აღწერილია ის გარემოებანი, რამაც ამ წლებში ვითარება არსებითად შეცვალა.

წიგნის მომდევნო ნაწილი XIX საუკუნის 60-70-იანი წლების დიდ ქართველ მოღვაწეებს: ილია ჭავჭავაძეს, აკაკი წერეთელს, გიორგი წერეთელსა და იაკობ გოგებაშვილს ეთმობა. ამ ნაწილსაც უძღვის ვრცელი მიმოხილვა, რომელიც ეხება 60-70-იანი წლების ქართულ მწერლობაში თაობათა ურთიერთობის საკითხს რუსთა და ქართველთა შორის.

ერთერთი თავი ხალხოსანი მწერლების შემოქმედებას ეძღვნება. ვრცელი გამოკვლევის მიზანია ხალხოსანობის არსის გარკვევა როგორც ცხოვრებაში, ისე ლიტერატურაში. ხალხოსან მწერალთაგან წინამდებარე ტომში წარმოდგენილია ნიკო ლომოური, ეკატერინე გაბაშვილი, სოფრომ მგალობლიშვილი და იოსებ დავითაშვილი.

წიგნის ბოლო ნაწილი XIX საუკუნის უკანასკნელი პერიოდის მწერლობის თვალსაზრისით წარმომადგენლების: ალექსანდრე ყაზბეგის, ვუაჟ-ფშაველას, ეგნატე ნინოშვილისა და დავით კლდიაშვილის შემოქმედებას ეძღვნება. აქ ვრცლად არის წარმოდგენილი ამ ავტორთა ლიტერატურული მემკვიდრეობა.

აღსანიშნავია, რომ წიგნის ავტორები განსაკუთრებულ დამოკიდებულებას ამჟღავნებენ მწერალთა და საზოგადო მოღვაწეთა ბიოგრაფიის მიმართ. ყურადღება გამახვილებულია არა მხოლოდ ცხოვრების მნიშვნელოვან მომენტებზე, არამედ საგანგებოდაა შერჩეული და თავმოყრილი ისეთი დეტალები, რაც მკითხველს ნათელ წარმოდგენას უქმნის მწერლის თუ პოეტის პიროვნულ თავისებურებებზე.

თსუ-ის ქართული ლიტერატურის ისტორიის მიმართულების დოქტორანტის ლევან ბებურიშვილის შეფასებით, წიგნის ავტორე-

ბი — ლადო მინაშვილი და იუზა ევგენიძე იმ მეცნიერთა კატეგორიას ეკუთვნიან, რომლებმაც ერთგვარად განსაზღვრეს არაერთი ახალგაზრდა მეცნიერ-მკვლევარის მოღვაწეობის გზა.

„წიგნი მეცნიერთა ნახევარსაუკუნოვანი შრომის შედეგია. XIX საუკუნის ქართველი მწერლობა ნაშრომში განხილულია, ერთი მხრივ, ქართული სულიერი კულტურის, ხოლო მეორე მხრივ, ევროპული ლიტერატურის განვითარების კონტექსტში. მწერალთა ბიოგრაფიები და შემოქმედება გააზრებულია სინთეზურად, ერთ მთლიანობაში, როდესაც ბიოგრაფია ხშირად შემოქმედების გასაღებად არის ქცეული. განსაკუთრებული აღნიშვნის ღირსია ის გარემოება, რომ წიგნი საფუძვლიანად არის გააზრებული საბჭოთა ლიტერატურათმცოდნეობაში დამკვიდრებული არაერთი მცდარი შეხედულება. გარდა ამისა, ნაშრომში შესწავლილია იმ მწერალთა შემოქმედებაც, რომლებიც ქართველი ლიტერატურათმცოდნეების ყურადღების გარეშე იყვნენ დარჩენილები.

წიგნის უდიდესი ღირსება ისიც არის, რომ მკვლევრები აქტიურად იყენებენ ლიტერატურათმცოდნეობის მომიჯნავე ჰუმანიტარული დისციპლინების: ფილოსოფიის, ფსიქოლოგიის, ეთიკის მონაცემებს, რაც ბევრად აფართოებს კვლევის მასშტაბებსა და ჰორიზონტს. ნაშრომის კითხვისას მკითხველი არა მარტო ცოდნას იღებს, არამედ დიდ ესთეტიკურ სიამოვნებასაც. ნაშრომი სანიშნოა ლიტერატურით დაინტერესებული ახალბედა მკვლევრებისთვის. ასეთი დონის სახელმძღვანელო ჩვენს სინამდვილეში იშვიათობაა. წიგნი ნიმუშია იმისა, თუ როგორ უნდა ინერგოდეს ლიტერატურის ისტორია“, — განაცხადა პრეზენტაციაზე ლევან ბებურიშვილმა.



ქართველი ბელორუსისტი

ინტერვიუ ნანა გაფრინდაშვილთან

თსუ-ის ჰუმანიტარულ მეცნიერებათა ფაკულტეტის პროფესორი ნანა გაფრინდაშვილი ახლახან დაბრუნდა მინსკიდან, სადაც ბელორუსიის სახელმწიფო უნივერსიტეტში უკვე ტრადიციულად ქვეული საერთაშორისო კონფერენცია — „სლავური ლიტერატურები მსოფლიო ლიტერატურის კონტექსტში“ გაიმართა. კონფერენცია მეტად წარმომადგენლობითი იყო. მის მუშაობაში მონაწილეობდა 100-ზე მეტი მეცნიერი მსოფლიოს სხვადასხვა ქვეყნიდან. ნანა გაფრინდაშვილის საინტერესო და საქმიანი შეხვედრები ჰქონდა კოლეგებთან, ბელორუს პროფესორებთან, რომლის დროსაც დაისახა ერთობლივი მუშაობის გეგმები და პერსპექტივები. აღსანიშნავია, რომ ამ კონფერენციაზე ქალბატონი ნანა მსოფლიო ბელორუსისტთა ასოციაციის წევრად აირჩიეს. პროფესორი სიამოვნებით იხსენებს ბელორუსიაში გატარებულ დღეებს.

შურთხია ბაროშვილი

— რა იყო თქვენი მოხსენების თემა და რით აღმოჩნდა იგი საინტერესო კონფერენციის მონაწილეებისთვის?

— ჩემმა ნაშრომმა „ვლადიმერ კოროტკევიჩის ქართული თარგმანები და ეპოქის იდეურ-ესთეტიკური კონტექსტი“ პლენარულ სხდომაზე დიდი ინტერესი გამოიწვია, რადგან მასში ქართულ-ბელორუსული ლიტერატურულ-მთარგმნელობითი ურთიერთობების შესწავლის ფონზე დასმული იყო ბელორუსებისათვის მეტად აქტუალური, მნიშვნელოვანი და საჭირო ბოროტო ეროვნული არასრულფასოვნების კომპლექსის პრობლემა. ეს კომპლექსი ერს ჩამოუყალიბდა მძიმე ხვედრისა და ისტორიის განმავლობაში. ბელორუსიერი ღირსეული ევროპული ერია, რომელსაც მრავალსაუკუნოვანი კულტურა, ისტორია, ენა და ჭეშმარიტი ზნეობრივ-კულტურული დიდებულებები აქვს. სწორედ ამ პოზიციას იცავდა და ავითარებდა ვლადიმერ კოროტკევიჩი. მისი შეფასებები ეყრდნობოდა ბელორუსიერის ისტორიის, კულტურის, ტრადიციების ღრმა წვდომასა და ანალიზს.

— როდის დაინტერესდით ბელორუსული ენითა და ლიტერატურით?

— 70-იან წლებში თბილისის სახელმწიფო უნივერსიტეტის ფილოლოგიის ფაკულტეტის ეროვნულ ლიტერატურათა, ლიტერატურულ ურთიერთობათა და თარგმანის კათედრის ინიციატივით, რომელსაც ხელმძღვანელობდა პროფესორი ოთარ ბაქანიძე, საფუძველი ჩაეყარა მეტად მნიშვნელოვან და პროგრესულ ტრადიციას — სტუდენტთა გაცვლით პროგრამებს მაშინდელი საბჭოთა კავშირის რესპუბლიკებს შორის.

გაცვლით პროგრამას ჰქონდა გამოკვეთილი მიზანი — მოემზადებინა ესტონური, ლიტვური, ლატვიური, ბელორუსული, უკრაინული და სხვა ენებისა და ლიტერატურების სპეციალისტები საქართველოსათვის, ხოლო თბილისის სახელმ-

წიფო უნივერსიტეტის ბაზაზე გაცვლითი პროგრამის ფორმატში ჩამოსული სტუდენტები მოემზადებინათ ქართული ენისა და ლიტერატურის სპეციალისტებად ლატვიის, ლიტვის, ესტონეთისა და სხვა პროგრამაში ჩართული რესპუბლიკებისათვის. სტუდენტობის დროს მეც ამ გაცვლითი პროგრამის ფარგლებში გავდიოდი სტაჟირებას ბელორუსიის სახელმწიფო უნივერსიტეტში, მინსკში.

— დღევანდელი ტერმინოლოგია რომ გამოვიყენოთ, ეს თქვენთვის მაინორ პროგრამა იყო?

— დიახ. კარგი ანალოგიაა. ეს იყო თანამედროვე მაინორ პროგრამის ტოლფასი მოვლენა, რომელიც ზუსტად იმ მიზნებს ისახავდა და იმ შედეგზე გადიოდა, რომელსაც თანამედროვე მაინორ პროგრამები ითვალისწინებდნენ. ჩვენ ვიყავით თსუ-ის ფილოლოგიის ფაკულტეტის სტუდენტები, ვამთავრებდით თსუ-ს და ვიღებდით თსუ-ის დიპლომს, ხოლო ტარტუს, რიგის, ვილინუსისა და სხვა უნივერსიტეტებში მე და ჩემი მეგობრები მარიამ მირესაშვილი, მაია ჯორჯაძე, შადიმან შამანაძე, ნანა დევიძე, ვახტანგ სალია და სხვები მივლინებულნი ვიყავით, როგორც სტაჟიორები და ეს იყო ჩვენი დამატებითი სპეციალობა, მაშინდელი საგანმანათლებლო სისტემა იმ უნივერსიტეტების დიპლომის მინიჭებას არ ითვალისწინებდა.

— დღევანდელი გადასახედიდან როგორ შეაფასებთ ამ გაცვლითი პროგრამის მნიშვნელობას როგორც პირადად თქვენთვის, ისე პროფესიული ინტერესიდან გამომდინარე?

— მოგეხსენებათ, საბჭოთა კავშირი ძალადობრივი გზით შექმნილი იმპერია იყო და მასში ქვეყნები მექანიკურად იყვნენ გაერთიანებული. სსრკ პარტიული ხელისუფლების მიზანი იყო ისე წარემართა ქვეყნის განვითარება, რომ საბოლოო ჯამში მიეღო საბჭოთა ერი, საბჭოთა ლიტერატურა და ყველა ერთი, რუსულ ენაზე ელაპარაკა. ამიტომ, ვიდრე ამ საბოლოო



მიზანს მიაღწედა, მას ჯერ არანაკლებ მნიშვნელოვანი შუალედური მიზნისათვის უნდა მიეღწია. საბჭოთა კავშირში შემავალი ენები კარგად გაეცნო ერთმანეთისათვის.

სწორედ ეს ვითარება გამოიყენა მაშინდელი უნივერსიტეტის ხელმძღვანელობამ და სტუდენტთა გაცვლითი პროგრამის გამოყენებით მოამზადა ქართული ენისა და ლიტერატურის სპეციალისტები ლიტვის, უკრაინის, ბელორუსიის და სხვა რესპუბლიკებისათვის. თბილისის უნივერსიტეტში აღზრდილი ეს სტუდენტები მომავალში ქართული კულტურის საუკეთესო დეკანები აღმოჩნდნენ და ქართული ლიტერატურისა და კულტურის მიღწევების პოპულარიზაციას ეწევიან თავიანთ ქვეყნებში.

ჩემთვის ეს, გარდა დამატებითი სპეციალობისა, მეტად მნიშვნელოვანი იყო პროფესიული განვითარების თვალსაზრისითაც, რადგან ბელორუსული ფილოლოგიური სკოლა ერთ-ერთი წარმატებული იყო 70-80-იან წლებში. გარდა ამისა, მინსკში ხშირად ჩამოდიოდნენ მსოფლიოში სახელგანთქმული ტარტუსა და მოსკოვის უნივერსიტეტის პროფესორ-მასწავლებლები, რომლებიც სტუდენტებსაც გვიცოცხავდნენ ლექციებს.

— გამოდის, რომ თქვენ, ბელორუსული გადასახედიდან რომ შეაფასოთ, უცხოელი ბელორუსისტი ბრძანდებით.

— დიახ. უნდა მოგახსენოთ, რომ ბელორუსებს ზუსტად ისეთი თბილი და მეგობრული დამოკიდებულება აქვთ უცხოელი ბელორუსისტებისადმი, ზუსტად ისეთი მაღლიერებით აფასებენ მათ შრომას,

როგორც ჩვენ ვაფასებთ უცხოელი ქართველოლოგების ღვაწლს. ეს სრულიად ბუნებრივია, რადგან ყველა ერის სურვილია, რაც შეიძლება ბევრმა ქვეყანამ გაიცნოს მისი კულტურა და ლიტერატურა და მყარი ადგილი დაიკავოს მსოფლიოს კულტურულ რუკაზე. გარდა ამისა, უცხოელი მკვლევრის თვალი, როგორც წესი, ყოველთვის ხედავს რაღაც ახალს და აკეთებს კარგად ნაცნობი მოვლენებისა და ფაქტების ახლებურ ინტერპრეტაციას. ბელორუსები განსაკუთრებით ამაყოფენ, როცა მათ დედაუნივერსიტეტში, ბელორუსიის სახელმწიფო უნივერსიტეტში, აღზრდილი სპეციალისტების სამეცნიერო ნაშრომებს და მხატვრულ თარგმანებს ეცნობიან.

— ჩვენთვის ცნობილია, რომ თქვენი ინტერესების სფერო მარტო ბელორუსიით არ შემოიფარგლება...

— რასაკვირველია. ბელორუსია ჩემი, როგორც ფილოლოგიის, ერთადერთი ინტერესის საგანი არ არის. უპირველეს ყოვლისა, ვარ ფილოლოგი, ქართული ენისა და ლიტერატურის სპეციალისტი. ჩემი მეცნიერული ინტერესების სფერო საკმაოდ ფართოა, თარგმანმცოდნეობა, შედარებითი ლიტერატურათმცოდნეობა, ლიტერატურათმცოდნეობა, რიტორიკა და სხვ. რასაც ვაკეთებ, ვცდილობ, ხარისხიანად გავაკეთო.

— რა არის ის, რასაც ყველა სტუდენტს ასწავლით?

— იშვიათად, მაგრამ მაინც გამიგია, რომელიმე პატარა ან არც თუ ისე ცნობილი ენა და ლიტერატურა დაფარული ირონიით მოუხსენებიათ. ძალიან გამკვირვებია და შეგუხუხუღვარ ამის გამო და მაშინვე წარმომიდგენია, როგორი განცდა დაგვეუფლება, ვინმემ ჩვენი მშობლიური ენა და ლიტერატურა, მისი მკვლევრები ან მთარგმნელები ირონიულ კონტექსტში რომ მოიხსენიოს.

ჩემს სტუდენტებს ვასწავლი ყველა ერის კულტურისა და ლიტერატურის პატივისცემას და მონდომებით ვუხსნი, რომ ყველა ენა ჩვენი ცივილიზაციის სიმდიდრეა, ისიც, რომელზეც 50 კაცი ლაპარაკობს და ისიც, რომელზეც მილიონები საუბრობენ. ასევე ლიტერატურა და ხელოვნების ნებისმიერი დარგიც. დიდი იმედი მაქვს, ჩემი სტუდენტები არასოდეს არც ერთი ერის მიმართ არ გამოავლენენ უპატივცემულო დამოკიდებულებას. ამას ხელს უწყობს საუნივერსიტეტო აკადემიური პოლიტიკაც: ჩვენ ერთნაირი მონდომებით ვასწავლით ინგლისურსაც და კავკასიის ხალხთა მცირერიცხოვანი ხალხების ენებსა და ლიტერატურებსაც.

გახსენება

ნატა ჯანელიძის ნათელ ხსოვნას



მისი სიკვდილი მეხის გავარდნას ჰგავდა, რადგან ყველას უყვარდა და, რაც მთავარია, თავად უყვარდა ყველა. ნატა ჯანელიძის ხასიათის გამორჩეული თვისება სწორედ სიყვარულის უნარი იყო და ეს სიყვარული

იმ ადამიანებსაც კი სწვდებოდა, ვინც მას უბრალოდ იცნობდა. ყოველთვის ახსოვდა, რომ სიყვარული სულგრძელია, ქველმოქმედა, არ ამპარტავნობს, არ სჩადის უნესობას, არ რისხდება, არ განიზრახავს ბოროტს, არ ხარობს სიცრუით, არამედ ჭეშმარიტება ახარებს. აი, ამ სახარებისეული სიყვარულით ცხოვრობდა, სწამდა, იმედი ჰქონდა და ყოველივეს ითმენდა.

უნიჭიერესი ადამიანი, შესანიშნავი დედა და მეუღლე და უსათნოესი ბებია; — ნამდვილად ასეთი იყო. მაგრამ კიდევ ერთი საოცარი თვისება ჰქონდა — ჭეშმარიტი მეგობრობის ცნება უმაღლეს ხარისხში ჰყავდა აყვანილი, რაც მას ბრწყინვალე პიროვნებად წარმოაჩენდა. ეს არ არის მეგობრის ხსოვნას დადევნებული სიტყვები; ამ სიტყვებს მას სიცოცხლეში ვერასოდეს ვეტყვოდით, მაგრამ ყოველთვის ვგრძნობდით, რომ მასთან ყოფნა მუდმივად ზეიმი იყო. ამ ზეიმს გვიქმნიდა თავისი გადამდები მხიარულებით, თხრობის მანერით, განუმეორებელი იუმორით, უცნაურად ლამაზი, ლალი მოძრაობებით, სიცილით. ადამიანებისადმი თავისი კეთილგანწყობის ნყალობით, მათში მხოლოდ კარგ თვისებებს ხედავდა, ცუდს კი ჩქმალავდა და უარყოფდა, მაშინაც კი, როდესაც გრძნობდა,

რომ უსამართლოდ მოექცენენ; ამ თვისებების ნყალობით, თავისი ცხოვრების არცთუ ოლი გზა უდრტინველად გაიარა და არასოდეს შეუშინებია სიმწველებებს.

ქართული ენის ტრფიალი იყო; თუმცა არანაკლებ ახლობელი იყო მისთვის გერმანული ენა; თავისუფლად გადადიოდა ერთი ენის წრიდან მეორეში, ადარებდა ერთმანეთს და ცქებდა მათ შორის განსხვავებასა და მსგავსებას; შესანიშნავად უკავშირებდა თარგმანის თეორიულ კონცეფციებს პრაქტიკულ თარგმანს, როდესაც თავად უხდებოდა ამ სამუშაოს შესრულება. ბოლო წლებში განსაკუთრებით ნაყოფიერად მუშაობდა სათარგმნ ტექსტებზე. 2011–2012 წლებში გამოაქვეყნა: ერიშ მარია რემარკის „დასავლეთის ფრონტი უცვლელია“, პაულ ჰაიზეს „ნოველები“, ფრიდრიხ შნიცმეს „ანტიქრისტე“. ბოლო დღეებამდე თარგმნიდა და უკვე თითქმის ძალაგამოლეულმა დაასრულა გერმანული მწერლის, ჰელგა კურცხალის მოთხრობის „ლამარას წერილების“ თარგმანა, რომელიც 90-იანი წლების საქართველოს ტრიაკული მოვლენებისა აღწერილი.

ნატა ჯანელიძე მრავალი სამეცნიერო ნაშრომის ავტორია, მონაწილეობდა საერთაშორისო სიმპოზიუმებსა და კონფერენ-

ციებში; დაინტერესებული იყო გერმანული და ქართული ენების ფრაზეოლოგიზმებით, მუშაობდა მათი თარგმნისა და უთარგმნელობის პრობლემებზე, სტილიტიკის, ლექსიკოლოგიისა და ტერმინოლოგიის საკითხებზე; მონოდებით ნამდვილი პედაგოგი იყო და ამ საქმეშიც თავს იჩენდა ხოლმე მისი პროფესიონალიზმი და არტისტული ბუნება, ამიტომაც უყვარდათ სტუდენტებს. შესანიშნავად იცნობდა თანამედროვე ქართულ და უცხოურ ლიტერატურას, ფილოსოფიას, ხელოვნებას, მუსიკას და ყოველთვის აღნიშნავდა, რომ მისი ასეთი მრავალფეროვანი ინტერესების გამომწვევი „მიზეზი“ მისი შესანიშნავი მეუღლე, ელგუჯა ბერძენიშვილი იყო.

ნატა ჯანელიძე იმ ოაზისს ჰგავდა, რომლის დანახვაც ადამიანებს ყოველთვის სიხარული და აღტაცება იპყრობს. ახლა ეს ოაზისი სადღაც გაქრა, ჩვენ კი ისღა დავგრჩენია ვთქვათ, რომ ბედნიერება იყო მასთან მეგობრობა.

ნანა გოგოლაშვილი,
ემერიტუს პროფესორი, დოქტორი;
მეგობრებისა და კოლეგების
სახელით თსუ-ის გერმანული
ფილოლოგიის დეპარტამენტი



გეოგრაფიის კვირეული

თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის გეოგრაფიის მიმართულება საინფორმაციო საზოგადოებას ხშირად ანებივრებს საინტერესო ღონისძიებებით, გეოვიქტორინებითა და გამოფენებით. 2-7 დეკემბერს ამ მიმართულებაზე თსუ-ის გეოგრაფიული მუზეუმის დაარსების 55 წლისთავსადმი მიძღვნილი გეოგრაფიული კვირეული გაიმართა.

მაია ტორაძე

კვირეულის ფარგლებში მოეწყო გეოგრაფიული მუზეუმის გამოფენა, მოსწავლეთა და სტუდენტთა ფოტოკონკურსი, მოსწავლეთა კონფერენცია და სტუდენტთა გეოვიქტორინა.

მუზეუმის გამოფენის გახსნაზე თავი მოიყარა გეოგრაფიული საზოგადოების არაერთმა წარმომადგენელ-

მა. გამოფენა გახსნა თსუ-ის მუზეუმის დირექტორმა მაია გურაბანიძემ, რომელმაც განაცხადა, რომ საგამოფენო დარბაზში მხოლოდ მცირე ნაწილია წარმოდგენილი იმ მდიდარი მემკვიდრეობიდან რომელიც გეოგრაფიულმა მუზეუმმა შემოინახა. მანვე აღნიშნა, რომ გამოფენის ორგანიზებაში დიდი წვლილი შეიტანეს გეოგრაფიის მიმართულების ასოცირებული პროფესორმა დალი

ნიკოლაიშვილმა, მუზეუმის თანამშრომლებმა და გეოგრაფიული მუზეუმის მენეჯერმა ნანა მჭავიამ, რომელმაც, ფაქტობრივად, შემოინახა ამ მუზეუმის უმდიდრესი ფონდი.

თსუ-ის ზუსტ და საბუნებისმეტყველო მეცნიერებათა ფაკულტეტის გეოგრაფიის დეპარტამენტის ხელმძღვანელმა დავით კერესელიძემ საზოგადოებას მუზეუმის დაარსების ისტორია შეახსენა და აღნიშნა, რომ მას საფუძველი 1958 წელს ჩაეყარა.

გეოგრაფიის მუზეუმს ვახუშტი ბაგრატიონის სახელობის გეოგრაფიის ინსტიტუტის დირექტორმა ნანა ბოლაშვილმა საჩუქრად გადასცა 1997 წელს საიუბილეოდ დამზადებული ვახუშტი ბაგრა-



ტიონის გამოსახულებიანი მედალი და დამოუკიდებელი საქართველოს ისტორიაში პირველი ეროვნული ატლასი, რომელიც გეოგრაფიის ინსტიტუტმა გამოსცა.

გამოფენაზე წარმოდგენილი იყო სულხან საბა ორბელიანისეული ატლასი, რომლითაც მან ევროპაში იმოგზაურა და რომელზეც ნითელი მქვანით საკუთარი ხელით აქვს გაკეთებული ჩანაწერები. ასევე წარმოდგენილი იყო კავკასიის რელიეფური ატლასი, რომელიც ალექსანდრე ჯავახიშვილის ინიციატივით უნივერსიტეტს 1920 წელს შეუძენია. დამთვალეობა აქ ნახავს უნიკალურ რუკებსა და ფოტოებს, კერძოდ, დიმიტრი ერმაკოვის ფოტოკოლექციას, ახალი ათონის მღვიმის სტალაქტიტის ფრაგმენტებს, ასევე ცნო-

ბილ გეოგრაფ მეცნიერთა მემორიალურ ნივთებს.

მუზეუმის გამოფენას ესწრებოდა უნივერსიტეტის რექტორი აკადემიკოსი ვლადიმერ პაპავა, რომელმაც აღნიშნა, რომ ეს ექსპონატები არა მხოლოდ გეოგრაფიის საზოგადოების ყურადღებას უნდა იპყრობდეს. „ჩემზე განსაკუთრებული შთაბეჭდილება მოახდინა ახალმა ექსპონატებმა, რომლებიც ევროპაში წარმოადგენს და რომელიც გეოგრაფიის მიმართულების მე-2 კურსის სტუდენტმა ნიკა ნითელაშვილმა შესძინა მუზეუმს. ვფიქრობ, ახალგაზრდების ჩართვა მსგავს ღონისძიებებში მნიშვნელოვანი


და სასიხარულოა. რადგან გეოგრაფიული კვირეულია, იმასაც აღვნიშნავ, რომ, როგორც იცით, საქართველოს მთავრობამ მიიღო გადაწყვეტილება 17 სპეციალობის დაფინანსების თაობაზე. სამწუხაროდ, გეოგრაფია და გეოლოგია ამ ჩამონათვალში არ მოხვდა. ორიოდ კვირის წინ საქართველოს განათლებისა და მეცნიერების მინისტრის სახელზე წავიდა ჩემი წერილი, რომლითაც ვითხოვ, სახელმწიფოს მიერ დაფინანსებული სპეციალობების რიცხვს მივმატოვო გეოგრაფია და გეოლოგია.“ — აღნიშნა ვლადიმერ პაპავამ.

კვირეული დასრულდა ექსკურსიით გეოგრაფიული მუზეუმის დამფუძნებლის ალექსანდრე ჯავახიშვილის სახლმუზეუმში, სოფელ ძევიში.



ქალი მკვლევარი ქალი ავტორების შესახებ

რას და როგორ წერენ ქალები? როგორია მათი ლინგვისტიკა და რით განსხვავდება ქალების მიერ შექმნილი ლიტერატურა მამაკაცური ლიტერატურისაგან? — ამ კითხვაზე პასუხისას ბარბარე ჯორჯაძისა და ილია ჭავჭავაძის პაექრობა გახსენდება, რომელიც ჩვენი ლიტერატურის ისტორიაში ქალი ავტორის თემაზე გამართული პირველი პოლემიკაა. მაშინ ილიამ ბარბარეს წერის მანერა დაუწუნა. ბარბარე ჯორჯაძის სასახლეოდ უნდა ითქვას, რომ ამის მიუხედავად, მას წერისათვის თავი არ დაუწუნებია და ილიას საპასუხო პუბლიკაციაში მართალია, მოკრძალებულად, მაგრამ მაინც შეეხო ქალისა და მამაკაცის უფლებრივ მდგომარეობას და ქალის პოზიციებს მთლიანად პატრიარქალიზებული ლიტერატურის სფეროში. მიუხედავად იმისა, რომ ქართულ ლიტერატურაში ქალის ბარბარე ჯორჯაძის შემდეგ მრავლად გამოჩნდნენ, დღემდე ლიტერატურის კრიტიკოსები სერიოზულად არასდროს დაინტერესებულან იმით, თუ რა განსხვავება, ან არის თუ არა საერთოდ განსხვავება, სხვადასხვა სქესის ავტორების მიერ შექმნილ ლიტერატურას შორის? ამ თვალსაზრისით ახალგაზრდა მკვლევრის ნინო პოპიაშვილის მონოგრაფია — „ქალი ავტორი“ სიხალსეა როგორც ლიტერატურათმცოდნეობისთვის, ისე კულტურისა და გენდერის საკითხებით დაინტერესებული სპეციალისტებისა და არასპეციალისტებისთვის. ნამუშაოში საინტერესოდ იკითხება და ისეთ საკითხებზე დაფიქრებას გაიძულებს, რომელთა შესახებ მანამდე ძირითადად სტერეოტიპული და მზა პასუხები გქონდა, ან საერთოდ არ ფიქრობდი.



მონოგრაფიის შესავალშივე ავტორი სწორედ ამ საკითხზე ამხვილებს ყურადღებას და აღნიშნავს, რომ ტრადიციულ საზოგადოებაში, რომელსაც თავისი განსაზღვრული, ათასწლეულების განმავლობაში ჩამოყალიბებული წესრიგი აქვს, რთულია ღირებულებათა გადაფასება, მით უმეტეს, თუკი თავად ხარ ამ ღირებულებებზე გაზრდილი, თუმცა, ლიტერატურა სწორედ ის სფეროა, სადაც ნოვაციები იბადება, ამიტომ: „ლიტერატურის დეფინიცია, გენდერულად მარკირება, ქალი ავტორის საკითხის

ცალკე გამოყოფა და შესწავლა თითქოს ეწინააღმდეგება ლიტერატურულ ტრადიციებს და ნორმებს, ლალატობს ლიტერატურულ კანონებს, რომელთა მიხედვით ლიტერატურა ზოგადეროვნული და ზოგადადამიანურია, შესაბამისად, ზოგადგენდერულიც“. თუმცა, როგორც ირკვევა, მაინც არსებობს განსხვავება და მსოფლიოს სხვადასხვა ლიტერატურების მკვლევარები თანხმდებიან იმაზე, რომ ქალი ავტორების წერის მანერა, მათ მიერ შერჩეული თემატიკა, მათი ლინგვისტიკა, აზროვნების წესი და სტილი განსხვავებულია მამაკაცი ავტორების წერის მანერისაგან. ქალების შემოქმედებაში განსხვავებული ემოციური და ცხოვრებისეული გამოცდილება ჩანს, რაც უკვე თავისთავად საინტერესოა, რადგან უფრო მონოგრაფიის დამფუძნებელი ხდება სამყაროს აღწერაც და გაგებაც.

რომ შემოდის ქალი ავტორის ცნება, რომელიც როგორც ტერმინი, დღემდე არ გამოიყენებოდა ჩვენში. ჩანაცვლებს თუ არა ქალი ავტორი ტრადიციულ მწერალ ქალს, რთული სათქმელია, რადგან მიუხედავად იმისა, რომ გამოთქმა მწერალი ქალი გარკვეული გამოცდილებით ნამდვილად არის დატვირთული, ეს გამოცდილება საქართველოში არ გულისხმობს კინობით და ნეგატიურ კონტექსტს.

ქართული ენის გრამატიკა არ განასხვავებს ერთმანეთისგან მამრობითსა და მდედრობითს, თუმცა, ავტორიცა და მწერალიც ჩვენში ჯერ ისევ მამაკაცს გულისხმობს და შესაბამისად, განსაზღვრება ქალი ორივე შემთხვევაში აუცილებლობაა მოვლად ქალისთვის იმ ინ-



სტრუმენტებით ოპერირების დაუფლება, რომელსაც მწერალი მამაკაცები თვითგამოხატვისთვის ჯერ კიდევ ძველი ბერძნული სამყაროდან იყენებდნენ. მიუხედავად იმისა, რომ უკვე ნობელიანტი მწერალი ქალებიც გამოჩნდნენ, დღემდე ლიტერატურა კი მასკულინურია. ამას თავად ქალი ავტორები აღნიშნავენ ინტერვიუებში, რომელიც მონოგრაფიას დაერთვის. ქართველების გარდა, მკვლევარი ავტორი რენატე ველშაიციც ესაუბრა, თუმცა, ნილინობა-

ლობა დიდად არ განასხვავებს იმ გამოცდილებას, რომელიც სხვადასხვა ნაციონალობის მწერალ ქალებს აერთიანებთ: ამ ინტერვიუების ნაკითხვის შემდეგ კიდევ უფრო ღრმად გრძნობ იმ გამოწვევათა სირთულეს, რომელთა პირისპირაც უხდებოდა დგომა ქალებს, რომლებიც ტრადიციულ როლს არ დაკმაყოფილდნენ და გადაწყვიტეს, მეტი ეთქვათ საკუთარ თავსა და იმ საზოგადოებას, რომელსაც ქალის მიერ დანახულ-გააზრებული სამყარო ჰქვია.

მონოგრაფია საინტერესოა იმ თვალსაზრისითაც, რომ ნინო პოპიაშვილი აანალიზებს ქალი ავტორების შემოქმედებას როგორც თანამედროვე ევროპულ, ისე ისლამური აღმოსავლეთის ლიტერატურაში. ცალკე თავშია გამოტანილი ქალი ავტორის თემა ქართულ ლიტერატურაში.

ქალი ავტორების შემოქმედების ანალიზისთვის მკვლევარი ჯერ ზოგადად ქალის ფენომენის გააზრების ისტორიულ ტრადიციასა და თანამედროვე ტენდენციებს მიმოიხილავს, შემდეგ ერთმეცნიერებასაც მიმართავს და სხვადასხვა ენებში დაღეილი გენდერული ასპექტების ანალიზით კვლავ მთავარ დასკვნამდე მიყვება: ქალური სამყარო საკმაოდ დაუჩაგრავს და შეუვიწროებია მამაკაცურ ცივილიზაციას და საკუთარი სივრცის მოსაპოვებლად ნებისმიერ

და მათ შორის ავტორ ქალებსაც მამაკაცებისათვის სრულიად უცხო სირთულეების გადალახვა უხდებოდათ და დღემდე უხდებოდათ.

მონოგრაფიის კიდევ ერთი, საერთო კონტექსტთან შედარებით განსხვავებული თემაა ქალი კავკასიური, კერძოდ კი ნართების ფოლკლორი. ბუნებრივია, აქ ლაპარაკი არ არის, ზოგადად, ქალ ავტორზე, თუმცა ნებისმიერი ხალხის ლიტერატურაში ყოველთვის მრავლადაა წარმოდგენილი ანონიმი ქალი ავტორების შემოქმედება, რაზეც ნაწარმოების თემატიკა და ლინგვისტიკა მეტყველებს, სამაგიეროდ ნინო პოპიაშვილი ნართების პერსონაჟი ქალის — სათანას სახის გაანალიზებით გვიჩვენებს, თუ რა ადგილი ეკავა კავკასიის მთიანეთში ქალს.

ნინო პოპიაშვილის მონოგრაფიის პრეზენტაცია, რომელიც ცალკე წიგნად გამოცემილია „მერიდიანმა“ გამოსცა, მწერალთა სახლში გაიმართა. როგორც ავტორმა აღნიშნა, ის მომავალშიც აპირებს ამ მიმართულებაში კვლევას გაგრძელებას, კონკრეტულად კი დაინტერესებულია, უფრო ფართოდ შეისწავლოს და გაანალიზოს ქართული მწერლობის ქალი ავტორების შემოქმედების გენდერული და კულტურული ასპექტები.

მომზადდა ლელა კურდელაშვილმა

მთავარი რედაქტორი	ნინო კაკულია	რედაქციის მმართველი:	მისამართი:
მთავარი სამცხალისტი	მაია ტორაძე	რისმაგ გორდეზიანი, იაკო კაჭკაჭიშვილი,	ილია ჭავჭავაძის გამზ. 11*
ტექნიკური რედაქტორი	მანანა ჯურხაძე	ნოდარ ხადური, ელენე ხარაბაძე,	(თსუ-ის მე-3 კორპუსი)
ფოტოკორექტორი	ანა ბოლქვაძე	ნოდარ ბელქანი, თემურ ნადარეიშვილი,	tsunewsaper@tsu.ge
კომპ. უზრუნველყოფა	ზაზა გულაშვილი	ლადო მინაშვილი, ვაჟა კიკნაძე,	2 22 36 62
		ნინო ჩიხლაძე, დიანა ძიძიგური	